

GO APOLWA GA MODIMO



A re feleng re eme lebakana feela ge re kobamiša dihlogo tša rena bakeng sa thapelo.

² Morena wa rena wa Mogau, ka nnete re thabile lehono ka monyetla wo re nago nao wa go ikgobokanya ka borena mmogo godimo ga lefase pele ga go Tla ga Morena. A nke re hlahlofe dipelo tša rena lehono, ka Lentšu la Gago, gomme re bone ge re le ka Tumelong, gore re lokele, yeo, iri ya go Tšwelela ga Gagwe. Gore re swanetše go ba bjalo ka ge Lengwalo le rile re swanetše go, “Tšeelwa godimo mmogo, le bao ba robetšego, le go gahlanetša Morena ka moyeng, le go ba le Yena go ya go ile.”

³ Re leboga Wena ka Moya wa therešo wa Bokriste wo o sa lego ka lefaseng, magareng ga batho, gore ba sa dumela Wena le Lentšu la Gago. Ka fao re kgopela ditšhegofatšo tša Gago godimo ga rena lehono, gore O tla tšhollela ntle go yo mongwe le yo mongwe yo motee wa rena seo re se hlokago, gore re tla nošetšwa ka Lentšu, gore re golele go didirišwa tša go šomišwa ka diatleng tša Gago, bakeng sa letšatši le la mafelelo. Ka gore re kgopela se Leineng la Morena Jesu Kriste, Modiši wa rena yo mogolo, yo re mo lebeletšego go tšwelela. Amene.

Le ka dula.

⁴ Gomme ke nyaka go bolela gore ke tšea wo go ba monyetla wo mobotse mosong wo wa go ba mo gape. Gomme re kgopela tshwarelo gore ga re na le lefelo la go lekanela la go dula. Gomme re ya go leka, bošego bjo, bjale go ba le thapelo ya balwetši; lehono, mosong wo, e tla ba mo go thata gannyane.

⁵ Gomme-gomme ke be ke eya go gatiša Molaetša wo lehono. Ke . . . Morena o bonetše a šomana le nna mabapi le wona, oo, kgwedi goba tše pedi tša go feta, gomme ke e telele. Gomme ga ke na le nako ntle ka dikopanong, ka gore re dumela yeo go masometharo, masomenne a metsotso ya tirelo. Gomme ka gona re . . . Ka baka la batho ba ba swanetšego go ya mošomong le dilo, ke e hwetša bokaonekaone ge ke dira Molaetša wa ka wo mokopana. Gomme ga se ba ba le nako kua go o gatiša, ka fao ka gopola gore ke tla no leta go fihla ke eya tabarenekeleng mo gomme ka gona go o gatiša go tšwa mo. Gomme ke wo motelele ga nnyane, gomme ke a tseba le eme, gomme-gomme ke ya go hlaganela feela ka mo nka kgonago. Gomme, bjale, gomme le ka se ntshwenye ge le fetola madulo, goba eng go fetiša, seo se tla-seo se tla ba go phethagala gabotse go nna ka gore le ke letšatši la go ikgetha gore re no dira dikgatišo tše.

⁶ Ka fao re na le dipego tše kgolo go tšwa go se Morena a se dirilego ntle ka tšhemong, eupša go molaleng re tla fa go fetiša

ka seo bošego bjo ge re ka kgona go fa nako ye ntši go sona, ra ba le nako ye ntši go fa.

⁷ Gomme bjale re a tshepa gore Morena o tla šegofatša yo mongwe le yo mongwe yo motee wa lena. Ke a tseba dipelo tša lena di tletše thabo, di lebeletše go Tla ga Morena. Gomme ya ka le nna, e phophomela godimo, go bona dilo di direga ka tsela ye di lego. Gomme–gomme go katana ga setšhaba, le kereke ka leemong le e lego ka go lona, le go bona maswao a go Tla ga Gagwe, mmogo ka sebele le semoyeng, le go tseba gore nako ye ya go Tšwelela ga Gagwe e kgauswi kudu, go no tlatša dipelo tša rena ka thabo go tseba gore re ya go fetolwa le letsee la matšatši a. Re ya go fetolwa go tšwa go dibopiwa tše re lego tšona.

⁸ Bjale, ke a dumela, ge ke kwešiša, ba na le kgokagano ya mogala felotsoko, gore Molaetša wo o ya ka Phoenix le go–le go dikarolo tša go fapana, ka mogala. Gomme ka fao bjale re a tshepa gore ge go le bjalo . . . ga ke tsebe; ke nno botšwa seo pele ke etla ka gare. Gomme–gomme ka moka batho ka ntle kua ka nnete ba ipshina ka pholo ye botse le–le Letago la Morena godimo ga bona.

⁹ Gomme bjale–bjale re ya go bula Lentšu la Morena. Gomme se ka moka re se tletšego mo ke go ipshina ka borena le go hlokomela seo re . . . Ga–ga ra tla mo gomme re . . . Ga go yo motee a lego gona a tsebago gore monna e ka ba mang a tla dulago ka phišong ye ka mokgwa wo, gomme feela go kgopolo ya go ba mo. Re mo ka morero wo motee, gomme wo ke, “go sepela kgauswiuswi le Modimo.” Seo ke ka moka re ka kgonago go se dira, ke go dumela gore Morena Jesu o na le rena. Gomme re mo go–go sepela kgauswiuswi le Yena.

¹⁰ Bjale phišo ye ke ye thata ga nnyane go nna. Ke mohuta wa go tlwaelana le phišo ya go oma ntle kua ka Tucson, e lego . . . Monola mo bjale; phišo ya rena kua e fiša kudu go feta ye, eupša e omile. Monola wa rena nako ye nngwe ke tee masomepedi a peresente e tee, mohlomongwe, se sengwe go swana le seo, feela gabotse go swana le go phela ka fase ga tente ya okisitšene. Eupša mo e na le–le–le monola ka go yona, gomme e go dira o no ikwela mohuta “wa ka moka go dubagana,” bjalo ka ge re be re e bitša. Ka fao go thata go wena, ka fao ke tseba seo, gomme lena bomme le masea a manyane gomme lena batho le emego, bagolo le baswa, gomme le beilwe mmogo ka mo le lego. Gomme bjale re–re a holofela gore Modimo o tla le putsa wa go humiša ka baka la go ikgafa ga lena.

¹¹ Ke a kwešiša gore Ngwanešu Roy Borders o mo felotsoko. Ke mo kwele a tsebišwa, eupša ke a thanka mohlomongwe ga a kgona go tsena ka gare. Ka moka gabotse. Yoo ke molaodi wa dikopano.

¹² Ka fao bjale gape re nyaka go tsebiša gore yo motee yo a bego a eba magareng ga rena o ile go ba le Morena mosong wo,

monna, Ngwanešu Jackson go tšwa Sturgis, Michigan. Ga go yo motee a tsebago ka fao a ilego goba eng ka yona. O be a no ba gabotse, gomme a nno. . . ke a nagana ba mo hweditše a hwile, goba se sengwe. Ga-ga se ka hwetša taba ka botlalo bja lona. Gomme re leboga kudu go Modimo gore Ngwanešu Jackson e be e le Mokriste. Ga se ke mmone mengwaga ye mmalwa, eupša o dutše magareng ga rena gomme ke o motee wa rena. Modimo a khutšiše soulo ya gagwe ye bogale! Go ya ka mokgwa woo, re a dumela gore mohlomongwe e be e le se sengwe, gore e be e le nako ya gagwe ya go sepela. Morena ga se a ke a re sebotša ka yona, goba yena ka yona, o nno sepela. Yeo e bile tsela ye e bilego. Gomme ke nyaka go bitša mosadi wa gagwe feela ka pela ka fao ke kgonago, le go mmotša bohloko bja rena. Gomme ka moka re nyaka go fa ditebogo go Modimo ka bophelo bja gagwe bja bogale bja Bokriste, le seo a bego a se ra mo lefaseng, gomme ka go ikgetha go rena mo ka go kopano ye ya segae.

¹³ Bjale bošego bjo, ke tsebišitše kua re tla ba le thapelo ya balwetši bošego bjo, gomme ke tla bolela kudu ka balwetši bošego bjo.

¹⁴ Eupša nako ye, a re yeng thwi ka Lentšung bjale, ka gore ke pitlagano le go fiša. Re tla ya thwi go otloga go Lentšu. Ke nyaka go bala go tšwa go dikarolo tše pedi tša Lengwalo mosong wo, ka botelele, gore le kgone go mpha bokamorago bjo bonnyane ka se ke nyakago go se bolela.

¹⁵ Gomme, bjale, ke duma gore ba sware theipi, Ngwanešu Sothmann le bona, pele ba e rekiša, ge go kgonega, gomme ke-ke duma go e theetša pele. . . pele e eya ntle setšhabeng.

¹⁶ Bjale ka go. . . ke nyaka go bala go tšwa go Bafilipi, ya 2 tema, 1 go fihla 8; le Bakorinthe ba Bobedi 3, go thoma ka 6, le go bala ka go ya 4 tema ya Bakorinthe ba Bobedi, feela bakeng sa bokamorago. Bjale ka go Bafilipi, 2 tema, ke tla bala pele.

Pele re bala, a re rapeleng.

¹⁷ Morena Jesu, Lentšu la Gago ke Therešo. Gomme ka iring ye ya mathata ye re phelago ka go yona, setšhaba kgahlanong le setšhaba, dikotlo, ditšhišinyego tša lefase ka mafelong a mantši, dipelo tša batho di a palelwa, letšhogo, re bona mongwalo wa seatla godimo ga leboto. Bjale, ke ka sekgang sa tlhago, gore lefase ka moka le swanetše go bona se. Eupša bjale fao go sekgao sa semoya, gape, gomme re bona ditiragalo tše kgolo, gomme re nyaka go bolela ka tšona lehono.

¹⁸ Šegofatša Lentšu la Gago dipelong tša rena. Re a tseba gore ga go monna Legodimong goba lefaseng a nago le maswanedi go tšea Puku ye, go tlemolla Mahuto, goba go lebelela godimo ga Yona, feela. Eupša fao go bile yo Motee a tšweletšego, Kwana ye e hlabilwego, ya madi, ye e tlilego gomme ya tšea Puku, gomme e be e na le maswanedi le go kgona go E bula. O Kwana ya Modimo, bula Lentšu la Gago go dipelo tša rena lehono, go homotša. Re

bahlanka ba Gago. Lebalela dibe tša rena, Morena. Gomme eng kapa eng e ka thibago Lentšu go ya pele ka maatla a magolo le khuetšo lehonon maphelong a rena, e tšee go tloga, Morena, sešitiši sefe kapa sefe, gore re be le phihlelelo ya go tlala go ka moka ditšhegofatšo tše di tshepišitšwego go rena ka Lentšu la Gago. Re a kgopela ka go la Jesu Leina. Amene.

19 Bafilipi 2.

Ge go sa na le ka fao kgothatšo ye e itšego ka Kriste, ge go le khomotšo ye e itšego ya lerato, ge e le kopanelo ye e itšego ya Moya, ge e le pelonolo tše di itšego tša kgaogelo,

Tlatšang lethabo la ka, gore le be ba monagano wa go swana, le na le lerato la go swana, le le ba kwano e tee, ya-ya monagano o tee.

A go se dirwe selo ka kgang goba go nyaka go retwa; eupša ka go kokobela ga monagano a yo mongwe le yo mongwe a seme yo mongwe go ba yo mokaonekaone go phala bona beng.

A motho yo mongwe le o mongwe a se lebelele dilo tša gagwe mong, eupša motho yo mongwe le yo mongwe gape dilo tša ba bangwe.

A monagano wo o be go lena, wo le wona o bego o le ka go Kriste Jesu:

Yoo, a le ka lebopo la Modimo, a se gopole gore ke go pata go lekana le Modimo.

Eupša a itira ka boyena wa go se tsebalege, a tšeela godimo ga gagwe lebopo la mohlanka, gomme a dirwa ka seswantšho sa batho:

Gomme ka go hwetšwa a swana le motho, a ikokobetša ka boyena, gomme a obamela go iša lehung, le lehu la sefapano.

20 Bjale ge re ka phetla ka godimo go Bakorinthe ba Bobedi, ya 3 tema, re tla thoma ka ya 6 temana, gomme ra bala ye go fihla go 18, le go theoga go karolo ya ya 4 tema.

Yo gape a re dirilego badiredi ba go kgona ba kgwerano ye mpšha; e sego ya tlhaka, eupša ya moya: ka gore tlhaka e a bolaya, eupša moya o fa bophelo.

Eupša ge bodiredi bja lehu, bjo bo ngwadilwego le go tlokwa ka maswikeng, e be e le bja letago, gore bana ba Israele ba se kgone go lebanya go bona sefahlego sa Moshe ka baka la letago la sefahlego sa gagwe; letago le le bego le tlile go feta:

Bodiredi bja moya e ka se be bja letago bjang?

Ka gore ge bodiredi bja kahlolo e le bja letago, kudu go feta go dira bja bodiredi bja toko go fetiša ka letago.

Ka gore le bjo bo bego bo dirilwe bja letago ga bo na letago ka lemong le, ka mabaka a letago le le fetišago.

Ka gore ge se se fetago e be e le sa letago, kudu go fetiša go bile. . . se se šalago ke letago.

Ka go bona gona gore re na le kholofelo ye bjalo, re swanetše gagolo. . . polelo ya pepeneneng, re šomiša polelo ya pepeneneng ye kgolo.

Eupša e sego bjalo ka Moshe, a bego a bea seširo godimo ga sefahlego sa gagwe, gore bana ba Israele ba se kgone go lebanya go lebelela mafelelong a seo se fedišitšwego:

Eupša menagano ya bona e be e fofaditšwe: ka gore go fihla letšatši le lešira le le swanago le sa dutše le se la tlošwa ka go baleng ga testamente ye tala; lešira le le tlošitšwego ka go Kriste.

Eupša go fihla le letšatši le, ge Moshe a balwa, seširo se godimo ga dipelo tša bona.

Ga go tshwenye ge e tla retollelwa go Morena, seširo se tla tšewa go tlošwa.

Bjale Morena ke yena Moya woo: gomme mo go lego Moya wa Morena. . . fao go na le tokologo.

Eupša rena ka moka, ka sefahlego sa go bulega re bona bjalo ka galase letago la Morena, re fetogetše ka go seswantšho se se swanago go tloga letagong go ya letagong, ka wona Moya wa Morena.

Ka fao ka go bona gore re na le bodiredi bjo, bjalo ka ge re amogetše kgaugelo, ga re lape;

Eupša re ganne dilo tše di utilwego le go se botege, ga re sepele ka bohlale le go swara lentšu la Modimo ka bofora; eupša ka ponagatšo ya therešo re ikahlola ka borena go letsvalo la motho yo mongwe le yo mongwe pele ga Modimo.

Eupša ge ebangedi ya rena e fihlilwe, e fihletšwe bona ba ba lahlegago:

²¹ A Morena a oketše ditšhegofatšo tša Gagwe go palo ya Lentšu la Gagwe!

²² Bjale, thuto ya ka mosong wo, ke a tshepa gore Modimo o tla utolla se. Gomme nako ye nngwe le ye nngwe, ge lena le tšeago ditheipi le go theetša, gomme ke a holofela le go tshepa gore-gore le bile le kwešišo ya semoya ya seo Modimo a bego a leka go se iša go Kereke ntle le go se bolela thwi ntle. Le a bona? Ke selo, nako ye nngwe, re swanetše go bolela dilo ka tsela ye e lego gore se tla sesefalla fase, se ka tliša ba bangwe go ya ntle, ba bangwe go tloga, gomme ba bangwe go-go-go eleletša godimo. Eupša seo se dirwa ka morero. Se swanetše go dirwa ka tsela yeo.

23 Ke gona e ka ba gore ba bangwe ba tla re, “O ra gore Modimo a ka dira selo sa go swana le seo ka morero?” Ka nnete o dirile. O a dira le bjale.

24 O rile letšatši le letee, ge A be a na le dikete go Mo dikologa, O rile, “Ntle le ge le ka ja Nama ya Morwa wa Modimo, goba Morwa wa motho, le go nwa Madi a Gagwe, ga le na le Bophelo ka go lena.”

25 Ke mohuta mang wa setatamente le nagana gore ngaka ya dihlare goba mooki, goba mang kapa mang motho yo mokaone yo bohlae o tla nagana ka setatamente sa go swana le seo, sa Monna yo a bego a na le bodiredi bja go swana le bjo A bego a na le bjona? Ka baka la eng, o be a tla re, “Ejang nama? Yoo ke sejabatho! Go nwa madi a motho? Ke senwamadi! Ka mantšu a mangwe, O nyaka re eba majabatho le dinwamadi.” Gomme batheeletši bohle ba ile ba sepela go tloga go Yena.

26 Gomme fao go be go le asosiešene ya bodiredi le Yena, ya masomešupa, ye e bego e kgethilwe. Gomme A retologela go bona, gomme A re, “Le tla nagana eng ge le bona Morwa wa motho a rotogela godimo mo A tšwago gona?” Bjale, A se hlatholle seo. A se tsoge a hlatholla gore *bjang*; Paulo o dirile seo moragorago. O nno E bolela. Le a bona? Gomme ka gona ge se, O rile, “Le tla reng,” go badiredi ba, “ge le bona Morwa wa motho a rotogela godimo mo A tšwago?”

27 Ntle le go kamaka bona banna ba rile, “Bjale, nakwana feela. Oo, re ja le Yena. Re thea dihlapi le Yena. Re robala le Yena. Re-re tseba mo A tswetšwego. Re bone thari yeo A-A kobakobeditšwego ka go yona. Gomme bjang Monna yo. . . Ye ke polelo ye thata.”

28 Gomme Beibele e rile, “Ga se ba hlwe ba sepela le Yena gape.” Ba Mo tlogetše.

29 Nako yeo O bile le ba lesomepedi ba šetše. O be a kgethile lesomepedi, gomme yo motee wa bona e be e le diabololo, O boletše. Ka fao A retologela go bona.

Gomme fao ga go yo motee a kgonneggo go hlatholla se A sa tšwago go se bolela. “Ba ya go ja bjang Nama ya Gagwe le go nwa Madi a Gagwe? Gomme O tlile bjang fase, ge A be a belegwa thwi mo lefaseng?” Le a bona? Ga se ba kgone go E kwešiša.

Gomme ka gona A retologela go baapostola, gomme A re, “A le nyaka go tloga le lena?”

30 Gomme moo ke ge Moapostola Petro a dira setatamente se segolo sela, “Morena, re tla ya go mang?” Le a bona? “Ka gare re kgotsofetše. Re tseba ka nnete gore Wena, gomme Wena o nnoši, o na le Lentšu la Bophelo la iri ye.” Le a bona? “Gomme re kgotsofetše ka seo.” Le a bona, ga se ba kgone go Le hlatholla. Ba. . .

O ka se kgone go hlatholla tumelo. Ke se sengwe se o se dumelago, gomme se tiile kudu mo e lego gore ga go selo gape se ka tšeago lefelo la sona.

Ka fao, ba tsebile gore Lentšu le le bego le ngwaletšwe lebaka leo ba bego ba phela ka go lona, lebaka la Mesia, gore O swanela lefelo leo tlwa. Gomme ba be ba ka kgona go dira eng go ya morago ka go tšona tša go tonya, tša go ithlopha dikereke tše ba tšwelego go tšona? Ba rile, “Re tla ya kae?” Le a bona? “Re kgodišegile ka botlalo gore Wena o na le Lentšu la Bophelo.” Le a bona? Gomme bona-bona ga se ba kgone go Le hlatholla, eupša ba Le dumetše. Le a bona?

³¹ Gomme Jesu o boletše seo go hlagola lešaba la Gagwe, le a bona, go fihla A kgona go hwetša sehlopha mmogo. Gomme go tšwa go batho bao ka moka, bona, lesometee feela la bona nako yeo ba kwešišitše gabotse se A bego a le Sona. Ba tsebile gore O be a le Modimo, gomme Modimo a nnoši. Bjale, ya . . .

³² Thuto ya ka mosong wo ke go utolla, goba, go apola Modimo yoo.

³³ Modimo ka mehla o, ka go lebaka le lengwe le le lengwe, o ikutile ka morago ga lešira, mabaka ka moka, eupša O be a le Modimo nako ka moka. Le a bona? Eupša O ipolokile ka Boyena a utagetše go lefase, gomme o ikutolla ka Boyena go Bakgethiwa ba Gagwe, bjalo ka baapostola ka letšatšing leo. Bjale, yoo e be e le Modimo a bolela ka go Kriste.

³⁴ Bjale, motho ka mehla, e bile tlhago ya motho, o nyakile go bona (ka sebele) Modimo yoo. Yena ka mehla o be a nyaka go Le bona. Motho dirile dibopiwa tše di lebegago bjalo ka Yena. Ba nagana ka . . . Maindia ba be ba rapela letšatši. Gomme-gomme re a hwetša, ka Afrika, dibopego tša go fapana tša diphoofolo, le go ya pele. Gomme godimo . . . dikota tša moeno ka Alaska, le-le dibopego tša go fapana tše ba naganago gore Modimo yo o ka go sona. Bjalo ka Paulo a boletše kua Athene nako yela, ka thaba ya Mars, gomme a ba botša gore e be e le tumelokarogi mabapi le Modimo yo wa go se tsebje, yoo, ba be ba tseba O be a le gona eupša ba be ba sa Mo tsebe.

³⁵ Gomme bjalo re hwetša le morago go Jobo. Jobo o tsebile gore go be go le Modimo. O e tsebile. Gomme fao ga go mo-mo-mo motho, ka monaganong wa bona wa maleba, eupša yo a tsebago gore fao go swanetše go ba se Sengwe felotsoko. Gomme, bjale, Jobo o be a nyaka go bolela le Yena.

Gomme ke nyaka le ele hloko le bopo le Modimo a le kgethilego go bolela go Jobo ka go lona. Modimo o be a širilwe ge A be a bolela go Jobo. O be a širilwe ka go sesaesedi, o tiile fase ka go sesaesedi. A le a dumela gore Modimo o sa tla ka sesaesedi a ka kgona go tla mo le bonago? [Phuthego e re, “Amene.”—Mor.]

³⁶ Go na le ba mmalwa ba dutše mo, palo, ba ba bego ba na le rena letšatši le lengwe ge A etla ka sesaesedi. O re boditše

letšatši pele, Ngwanešu Banks Wood le bona, ge A rile, “Tšeela letlapa le godimo, le lahlele godimo ka moyeng, gomme o re, ‘GO RIALO MORENA! Le tla e bona thwi go tloga.’” Gomme ke topetše letlapa godimo, godimo ga ntlhoreng ya thaba, ka le lahlele godimo ka moyeng, gomme . . . nnete, la tla fase, le ile la thoma sesaesedi, le a bona, go goga ga sona.

³⁷ O swanetše go dira se sengwe go dira se sengwe go se latela. Jesu o tšere seripa sa borotho gomme a se ngwatha, ka gona a atiša go tšwa go seripa sa borotho. O tšere meetse, a a tšhela ka nkgong. Eliya o tšere letswai, a le bea ka sedibelong; a ripa kgati, a e lahlele godimo ga meetse. Ke se sengwe go swantšha.

Gomme go topa letlapa le le go le lahlele ka moyeng, gomme ge le etla fase le thomile sesaesedi.

³⁸ Letšatši le le latelago, ka baka la eng, fao go be go le modiredi a na le rena leetong la go tsoma. O be a eme kgauswi, gomme o rile go nna, “A Morena o fa dipono ntle ka mokgwa wo, Ngwanešu Branham?”

³⁹ Ke rile, “Ee, eupša ka mehla ke tla ntle mo go khutša.” Gomme feela nako yeo pono ya tla.

⁴⁰ Gomme Ngwanešu Boarders, ke nagana gore o ka ntle bjale, o be a le mmogo. Ngwanešu Banks Wood, ke a nagana, gomme, oo, ba bantši ba be ba le godimo kua ba seswai goba lesome. Gomme Ngwanešu Banks Wood a bogetše se. Thwi godimo ga thaba, thwi go kgabaganya go tšwa, tlwa, e ka ba seripa setee sa maele moo Barongwa ba šupa ba tšweletšego, ba ke tlogilego mo go ba yela kua, ba ba tlilego morago gomme ba mpotša . . . ka Mahuto a Šupa. Feela seripa sa maele go tloga go leo.

⁴¹ Gomme ka gona letšatši le le latelago, ge se be se eya pele, ka baka la eng, ya . . . ke rile go ngwanešu, yo ngwanešu, ke rile, “Bjo e lego bothata bja gago, o na le aletši ka leihlong la gago. Dingaka di lekile mengwaga ye mmalwa go e emiša gomme ga di kgone go e dira. Ba rile o ya go . . . e ya go jela leihlo la gago ntle.” Gomme ka re, “Eupša se tshwenyegwe, Morena Jesu o hlomphile tumelo ya gago.” Gomme o ile a uša sethunya sa gagwe. Gomme ka re, “Mme wa gago,” feela se a bego a le sona le se se bego se fošagetše ka yena.

Gomme a re, “Yeo ke therešo.”

⁴² Ngwanešu Roy Roberson go tšwa kerekeng mo, o eme a le gona, ke a thanka ka moka ga lena le a mo tseba. Ka go tseba gore e be e le letšwalaphaga, le go tseba se se bego se eya go direga, ke beile seatla sa ka godimo ga legetla la gagwe; ka re, “Ngwanešu Roberson, hlomokela, šetša, selo se sengwe se lokela go direga.”

⁴³ Ke ile ka sepelela morago mo ke bego ke swanetše go ba ke be ke eme gona, gomme go tšwa moyeng go tlile sesaesedi, tlase go kgabola molapo, go tšwa godimo, e be e le se segolo kudu go fihla

se phatlola matlapa, seswai goba lesome la diintšhi go kgabola, go tšwa ntlhoreng ya thaba, gomme se a fošetša dijarata tše makgolopedi ntle ka gare. Gomme sa ratha dinako tše tharo ka mokgwa woo, gomme Lentšu le tlile go tšwa go sona. Le a bona?

44 Gomme ka moka ga bona ba be ba eme kua. Ngwanešu Banks, a lego gona bjale, o tlile godimo gomme a re, “Seo ke se o mpoditšego sona maabane?”

Ka re, “Ee, mohlomphegi, ke sona.”

A re, “Bjale, Se boletše eng?”

45 Ka re, “Bjale, seo e no ba sa ka go tseba, Ngwanešu Banks, o a bona, ka gore e be e le. . . Se tla gakgamatša batho.”

46 Eupša Se ile pele, se diregile feela. . . go sepelela lebowa. Gannyane, matšatši a se makae moragorago Se iteile ka go lewatlegolo, gomme le bone se se diregile tikologong ya Fairbanks. E be e le leswao la kahlolo. Bjale re hwetša gore-gore Modimo o sa. . . Le a bona, se lahletše batho ka letšhogong. Gomme ka fao ka gona ba be ba. . . Seo se be se swanetše go direga, le a bona. Se nno swanelwa ke go direga. Dilo tše di swanetšego go direga di swanetše go direga, ka mokgwa wo mongwe. Le a bona, se ya go direga, ka mokgwa wo mongwe.

47 Moshe nako ye tee o dumile go bona Modimo, gomme Modimo o mmoditše go ema godimo ga letlapa. Gomme, godimo ga letlapa, Moshe o eme gomme a bona Modimo a feta kgauswi, gomme magetla a Gagwe a be a lebega bjalo ka magetla a monna. Modimo o be a le ka go sesaesedi, gomme Modimo. . . ge Moshe a be a eme godimo ga letlapa.

48 Ke a thanka ka moka le bone seswantšho ntle kua letšatši le lengwe, re eme kgauswi le letlapa leo le swanago. Gomme Seetša sela sese, Morongwa wa Morena, thwi kua fao Se rathilego. Se eme. . . Se thwi godimo ga letlapa la ditaba kua bjale, gape.

49 Elang hloko, Jehofa wa Testamente ye Tala ke Jesu wa Testamente ye Mpsa. Le a bona? Ke Yena Modimo yo a swanago, o no fetola sebopego sa Gagwe.

50 Bjale, yo motee o rile letšatši le lengwe, mo-mo-mo modiredi wa Baptist ntle ka Tucson, “O ka bolela bjang gore-gore Jesu le Modimo ba tla ba Motho wa go swana?”

51 Ke rile, “Go lokile, go bonolo kudu ge o ka no dumelela go nagana ga gago mong gwa tloga, gomme wa nagana dipeelano tša Beibele. Bona ke Sephedi sa go swana. Modimo ke Moya; Jesu ke mmele wo A bego a širilwe ka go wona. Le a bona?” Ka re, “Go swana le ka gae ga ka. Go mosadi wa ka, ke nna monna wa gagwe. Gomme ke na le morwedi yo monnyane, Rebekah, ke nna tatagwe. Gomme ke na le setlogolo morwa, gomme leina la gagwe ke Paul, ke nna rakgolwagwe. Ke nna monna, tate, le rakgolo. Gomme mosadi wa ka ga a na le tleime go nna bjalo ka tate goba rakgolo; o na le tleleimi a nnoši go nna bjalo ka monna.

Gomme morwedi wa ka ga a na le tleleimi go nna bjalo ka monna goba rakgolo; yena ke ngwana wa ka. Le a bona? Eupša go le bjalo ka moka batho ba bararo ke motho wa go swana. Le a bona? Yoo ke Modimo; Tate, Morwa, le Moya wo Mokgethwa, e no ba ditlleleimi tša dikgao.” Modimo o a swana, Modimo wa go swana.

⁵² Modimo o iphetotše ka Boyena, o fetola lebopo la Gagwe. Ge o ela hloko mo ka go Bafilipi, O rile, “Ga a e nagana go ba go pata, eupša a tšea *lebopo* la motho.”

⁵³ Bjale, lentšu la Segerika fao la *lebopo* leo, ke be ke le lebelela letšatši ka moka maabane, ke leka go nagana se le bego le le sona, ke hwetša, ka tla le lentšu le tee le la *en morphe*. Le peletwa e-n m-o-r-p-h-e. Go lebelela ka go Segerika, go hwetša ntle se *en morphe* e bego e le sona. . . nka no bitša leo ka go fošagala, eupša lebaka leo ke le peletago, ge theipi e lokollwa, batho ba tla, dirutegi di tla, tseba seo ke-ke se rago ka lona. Yena, ge *en morphe*, leo le ra gore Yena o iphetoletše ka Boyena. Yena, Yena o tllile fase. Bjale, lentšu la Segerika fao le ra, gore, “Selo se sengwe seo se sa kgonego go bonwa, le ge go le bjalo se gona, gomme se fetogile gomme leihlo le kgona go se swara.” Le a bona?

⁵⁴ Go swana le mo Eliya a bego a le, ka Dothane. Le a bona, mo-mo mohlanka o be a sa kgone go bona ka moka Barongwa bale go dikologa kua, gomme Modimo o no fetola; e sego go tliša Barongwa tlase, eupša o fetotše go bona go mohlanka. Gomme fao go be go le dithaba di tletše Barongwa, le mollo, le dipere tša mollo, le dikoloi tša mollo, ka moka go dikologa moporofeta wa Gagwe. Le a bona, ba, Yena o fetotše go bona. Se-se selo se šetše se le fao.

⁵⁵ Ka fao, seo ke se ke bego ke leka go se bolela, Modimo yola ka mehla a bego a le fa. Selo se nnoši Yena A se dirilego ge Yena a e ba motho, Yena o fetotše maseke wa Gagwe. Le a bona? Yena-Yena, *en morphe* yo, Yena-Yena o iphetotše ka Boyena go seo Yena a bego a le sona go ya go se Yena a lego sona, goba maseke wa Gagwe, tiragatšo ye nngwe.

⁵⁶ Go swana le ka go terama ye kgolo. Bjalo ka ge ke be ke bolela mosong wo, mohuta wa go swara godimo ka ye ya Shakespear. E bile nako ye telele. Eupša ge Shakespear a ngwadile te-te-terama, ya. . . a ngwalela Kgoši James wa England, ge a. . . semelo sa Macbeth. Le a bona, Shakespear o be a sa dumele go baloi; eupša ka papading, ka gore kgoši o be a dumela go baloi, ka fao o ile a swanelwa ke go akaretša baloi. Le a bona? Gomme bjale, gore a dire se, ba fetola karolo ya papadi.

⁵⁷ Becky mo, ka *Carmen*, ba be ba bapala yeo ka-ka sekolong moo a sa tšwago go aloga dibeke di se kae tša go feta. Bjale, mohlomongwe motho yo motee o be a raloka tše tharo goba tše nne dikarolo. Gore a dira seo, o-o be a fetola maseke. Dinako tše dingwe o tla ntle, ke moraloki *yo*; gomme nako ye e latelago o

tla ntle, ke moraloki yo mongwe. Eupša ke motho yo a swanago nako ka moka.

⁵⁸ Gomme yoo ke Modimo. Yena o iphetotše ka Boyena go tšwa—go tšwa go Pilara ya Mollo, go ba Monna. Ka gona a iphetola ka Boyena go tšwa go seo, morago ka Moyeng gape, gore Yena a dule ka go motho. Modimo a dira ka go motho seo Yena ka nnete a bego a le sona. Jesu Kriste, e be e le Modimo a dira ka go Monna, ka go yena Monna. Ka go Monna, seo ke se Yena a bego a le sona. Yena o be a fetogile go tšwa go Pilara ya Mollo, gomme ka gona a tlile ka gare; e bego e le seširo ka lešokeng, seo se bego se utile Modimo go tloga Israele. Moshe o bone sebopego sa mmele wa Gagwe, eupša ka nnete Yena o be a utagetše nako ka moka ka morago ga Pilara ye ya Mollo, e bego e le Logos yo a tšwelego go Modimo.

⁵⁹ Bjale re a hwetša mo, bjale ge e sale go tloga go Pentecost, Modimo ga a dire ka go motho, goba go dira . . . bjale Yena o dira *ka* motho. Le a bona? Yena o be a dira ka go Monna nako yeo, Jesu. Bjale Yena o dira *ka* motho yoo Yena a mo kgethetšego morero wo. Modimo, ka lebopo la motho, Yena o iphetotše ka Boyena go tšwa go lebopo la—la mo . . . la Modimo, go ya go lebopo la motho.

⁶⁰ Yena o tlile ka maina a mararo, maina a mararo a morwa. Yena o tlile ka go Morwa . . . leina la Morwa wa—wa motho, Morwa wa Dafida, le Morwa wa Modimo; maina a mararo a morwa.

⁶¹ Bjale, Yena o tlile pele ka go Morwa wa Da- . . . Morwa wa motho, ka gore Yena o be a le Moporofeta. Bjale, Jehofa ka Boyena o beditše Hesechiele le baporofeta, “Morwa wa motho, o bona eng?” Jesu ga se a ke a ipitša ka Boyena bjalo ka Morwa wa Modimo; Yena o ipeditše ka Boyena bjalo ka Morwa wa motho, ka gore ma—ma Mangwalo a ka se kgone go robja.

Fao ga go selo se ka robjago ka Mangwalong. Lentšu le lengwe le le lengwe le swanetše go ba bjalo. Ye ke ka tsela ye ke le dumelago. Ke ka tsela ye Le swanetšego go ba ka yona, e sego ka gore ke a le dumela, ka gore Ke Lentšu la Modimo.

⁶² Bjale ge le ela hloko mathomong, Lentšu le tee, letlakala la pele ka Beibeleng, ka go Genesi 1, re hwetša ntle gore sohle . . . ka moka malwetši, ka moka bohloko, ka moka dihlogo tša go opa, le se sengwe le se sengwe se kilego sa direga go batho, se tlile ka gore motho yo *motee* ga se a dumela Lentšu le *letee*, se hlotše ka moka se. Seo ke mathomo a Beibele. Ka mafelelong a Beibele, Kutollo 22, Modimo yo a swanago o rile, “Mang kapa mang a ka tšeago go tloša Lentšu letee go tšwa go Ye, goba a oketša Lentšu letee go Ye.” Le a bona, e swanetše go ba Lentšu ka Lentšu, feela ka tsela ye Le lego.

⁶³ Ka fao, ka gona, gomme go no tšea selo se sennyane go swana le ge ke eya . . . yo mongwe ka mehla o ya godimo ga ka ka basadi

ba go kota meriri ya bona. Bjale, go nna, ge feela a dira seo, ga ke tshwenyeye gore o dira ka bokgethwa bjang le gore o tseba kudu bjang, o sa phošitše. O apara dišothi le diaparo ka mokgwa woo; ga ke tshwenyeye gore o dira eng, o kgona go opela bjang, o kgona go rera gabotse bjang, eng kapa eng a ka kgonago go e dira, ke mohuta mang wa bophelo a bo phelago, e sa le Lentšu le letee lela le robilwe. Le a bona? Le a bona, e swanetše go ba Lentšu le lengwe le lengwe. E sego lefoko; Lentšu, Lentšu le letee! Ka fao, Beibele ga e na le tlhathollo ya sephiri. E swanetše go ba Lentšu ka Lentšu, ka tsela ye Le ngwadilwego. Re swanetše go dumela Leo.

⁶⁴ Gomme e sego feela go Le dumela, eupša go Le phela. Ge re sa Le phele, gona ga re Le dumele; re no bolela gore re a dira. Go swana le ge ke . . . Ke thea morago go se ke se boletšego, barutiwa bao ga se ba kgona go Le hlatholla, eupša ba Le dumetše, ka mokgwa wo mongwe, gomme ba dirile boipolelo bja bona le go bo phela. Ge ka moka bohle ba bona ba sepetše go tloga go Lona, ba dutše le Lona! Ba Le dumetše! Yeo ke ka tsela ye re dirago. Yeo ke tsela ye le swanetšego go e dira. Ga go tshwenyeye seo yo mongwe gape a se dirago, re a Le dumela gomme ka gona re dira godimo ga Lona. Ge o sa e dire, gona ga o Le dumele.

⁶⁵ Bjale elang hloko bjale ge Yena a tlile, Yena o ile a swanelwa ke go tla bjalo ka Morwa wa motho, ka gore Mangwalo a Makgethwa a boletše gore Yena o tla dira, “Modimo o tla ba tsošetša Moporofeta.” Ka fao Yena ga se a kgona go tla a ipitša ka Boyena Morwa wa Modimo, ka gore e be e se lebaka leo. Yena e be e le Morwa wa motho a porofeta, go phethagatša, le go utolla go bona ka moka dilo tše di dirilwego, le go swantšha se Yena a bego a le sona. Ka gona Yena o be a le lefaseng bjalo ka Morwa wa motho.

⁶⁶ Lebelela mosadi yola wa Sirofenike o kitimetše go Yena, gomme a re, “Wena Morwa wa Dafida, eba le kgaogelo go nna!” Yena ga se ake le bile a emiša hlogo ya Gagwe. Ga se a be le tleleimi go Yena bjalo ka Morwa wa Dafida. O be a le Montle.

Go no swana le ge morwedi wa ka a se na le tleleimi go nna bjalo ka monna; goba, mosadi wa ka, bjalo ka morwedi. Le ge go le bjalo, ke morwedi wa ka le mosadi wa ka, ke morwedi wa ka go Ebangedi. Eupša, ka lefase, ga a na le ditokelo tša go mpitša ta-ta tate. Le a bona?

Bjale elang hloko, mosadi yo wa Montle o be a se na le tleleimi godimo ga Gagwe bjalo ka Morwa wa Dafida. Eupša Barathomia wa sefoku o dirile, le a bona, o be a le Mojuda. Bjale, Yena o tlile bjalo ka Morwa wa motho.

⁶⁷ Le swanetše go tseba mantšu a le dilo tše. Lebelelang Hattie Wright nako yela, ge Kgogedi ya Boraro. Le a e lelelwa. Go dilo ka moka, mosadi yola o boletše selo sa maleba. O swanetše go bolela lentšu lela la maleba, selo sa maleba go Modimo.

68 Elang hloko bjale, Yena o tlile la mathomo bjalo ka Moporofeta, gomme ba Mmapotše. Ba Gagwe Mong ba Mmapotše. Yena o tlile bjalo ka Morwa wa motho.

69 Ka gona ka morago ga ge Moya wo Mokgethwa o tlile, Yena nako yeo o bile Morwa wa Modimo. Modimo ke Moya. Yena o be a le Moya wo Mokgethwa, Morwa wa Modimo. Yena o phetše ka go mabaka a kereke bjalo ka Morwa wa Modimo.

70 Bjale, ka Miliniamo, Yena e tla ba Morwa wa Dafida, a dutše Teroneng ya tate wa Gagwe, Dafida. Yena ke Morwa wa Dafida, bjale.

71 Gomme, elelwang, gare ga Morwa wa Modimo...ka go lebaka la kereke la Laodikia, ba Mmeile ka ntle. Gomme ka go Luka, Yena o boletše gore Yena o tla utollwa gape bjalo ka Morwa wa motho, Moporofeta, go phethagatša yohle ya yona. Le a bona? Mangwalo a tlemagana ka go phethega mmogo. Morwa wa motho, Morwa wa Modimo, Morwa wa Dafida. E be e le eng? Ke Modimo wa go swana nako ka moka, a no fetola lebopo la Gagwe, *en morphé*. Yena o no le fetola. Ke terama ye kgolo go Yena. Yena o e diragatša ntle.

72 Yena o tlile bjalo ka Morwa wa motho, Moporofeta. E diregile tlwa. Le mosadi yo monnyane ka go ka moka sebe sa gagwe, kua sedibeng, o Mo lemogile. O rile, "Re a tseba Mesia o a tla, yo a bitšwago Kriste, seo ke se Yena a tlogo go se dira." Le a bona, o lemogile ka gore o be a le Peu ye e bego e kgethetšwego pele. Ka gona a . . .

Moo, bohle ba bona ga se bake ba Le lemoga. Ba be ba se na le selo go lemoga ka sona. Ba be ba le ka sebeng, la mathomo.

73 Ka gore, ka tša Gagwe ditiro, Yena o fetola lebopo la Gagwe. Ka gona a tla lebopong la Morwa wa motho.

Go lebaka la batsošoloji, Wesley, Luther, le ka moka go theoga go kgabola, ka gona re hwetša ntle gore ba e dirile e be ye e kgobokantšwego kudu, go no swana le ka mo Baisraele ba dirilego, go fihla ge Yena a tšwelela ka matšatšing a mafelelo, ka go lebaka la Pentecostal, bjalo ka Moya wo Mokgethwa, ba O ganne. Ba dirile selo sa go swana Israele e se dirilego.

Gomme Yena o dira eng bjale? O bowa bjalo ka Morwa wa motho. Gomme ka gona, go tloga go yoo, Morwa wa Dafida. Le bona ka fao re lego kgauswi ka gona? Morwa wa motho, Morwa wa Dafida, Morwa wa Modimo. Yena o utollwa ka matšatšing a mafelelo bjalo ka Morwa wa motho, go ya ka Maleaki 4, ka moka tšohle diporofeto di šupago iri ye. Ga a sa šoma le kereke ka morago ga ge Yena . . . Ba Mmeile ka ntle; ka bokantle, o kokota morajo. Peu ye nngwe e kgethetšwe pele gare ka kua, go le bjalo. Yena o swanetše go ba hwetša.

74 Gomme Modimo, ka go motho, o itšholotše moka ka Boyena. Joele 2:28, re hwetša ntle, Yena o rile, "Ke tla tšholla ntle, ka

matšatšing a mafelelo, Moya wa Ka.” Bjale, ge le ela hloko lentšu mola, lentšu la Segerika. Nka no ba le le ka go fošagala, eupša le letee ke kgonneggo go le hwetša . . .

⁷⁵ Le swanetše go hlokomela mantšu. Seisimane nako ye nngwe se ra ditlhalošo tše pedi. Go swana le lentšu re re, “modimo.” “Modimo o hlotše magodimo le lefase,” Genesi 1. Eupša bjale, ka Beibeleng, E rile, “Mathomong Elohim.” Bjale, Elohim, Seisimane se bitša “modimo,” eupša ka nnete e be e se yona . . . *Elohim* . . . Se sengwe le se sengwe se ka kgona go ba modimo, go lentšu *modimo*; o ka kgona go dira modimo wa seswantšho; o ka kgona go dira piano yeo modimo; o ka kgona go dira eng kapa eng modimo.

⁷⁶ Eupša ga go bjalo ka go lentšu *Elohim*; Le ra, “yo Motee a lego gona ka boyena.” Le a bona? Piano e ka se be gona ka boyona, ga go selo gape se ka kgonago go ba gona ka bosona. Ka fao, lentšu *Elohim*, le ra, “Yo ka mehla a bego a le gona.” *Modimo* le ka kgona go ra se sengwe le se sengwe. Le bona phapano ka go lentšu? [Phuthego e re, “Amene.”—Mor.]

⁷⁷ Bjale, ge E bolela mo gore Yena o *itšholletše* moka ka Boyena, goba go *tšhollela* ntle, bjale, re tla nagana ka mokgwa wo, gore Yena “o hlatšitše,” lentšu la Seisimane la go *tšholla* moka, goba go *tšhollela* ntle go tšwa go Yena, le a bona, se sengwe se tšwetše ntle go Yena seo se fapanago le Yena. Eupša lentšu *kenos*, ka Segerika, ga le re gore Yena o “hlatšitše,” goba se sengwe . . . letsogo le Gagwe le tlogile, goba leihlo la Gagwe le tšwetše ntle, motho yo mongwe.

⁷⁸ Seo ke gore, Yena o iphetotše ka go Boyena, Yena o “itšholletše ka Boyena ka go,” (Amene!), ka go maseke wo mongwe, ka go lebopo le lengwe. E se go motho yo mongwe a tšwetšego ka ntle ga Gagwe, a bitšwago Moya wo Mokgethwa, eupša E be e le Yena ka Boyena. Le a e swara? [Phuthego e re, “Amene.”—Mor.] Yena ka Boyena o itšholletše ka Boyena ka go batho. “Kriste ka go wena!” Go botse bjang, go makatša bjang, go nagana, Modimo a itšhollela ka Boyena ka go motho, ka go modumedi. “Go tšhollela ntle!” E be e le karolo ya terama ya Gagwe, go dira bjalo.

Modimo, ka moka botlalo, ka moka Bomodimo mmeleng bo be bo le ka go Motho yo, Jesu Kriste. Yena o be a le Modimo, gomme Modimo a nnoši. E sego motho wa boraro goba motho wa bobedi, goba motho wa pele; eupša *yena* Motho, Modimo a širilwe ka nameng ya motho.

⁷⁹ Timotheo wa Pele 3:16, “Sephiri sa bomodimo se godile wa go se ganetše; ka gore M-o-d-i-m-o, Elohim,” tlhakakgolo M-o-d-i-m-o, ka Beibeleng. E šupetše morago, mang kapa mang. E šupa go, ka setlogong, e rile, “Elohim.” “Mathomong, Elohim.” Le a bona? “Gomme, Elohim, sephiri sa Elohim ke se segolo ntle le go ganetša; ka gore Elohim o dirilwe nama, gomme

re Mo kgwathile.” Elohim, a širilwe ka nameng ya motho! Jehofa yo mogolo yo a bego a apešitše sebaka ka moka, nako, le mo gohle, o ile a dirwa motho. Ra Mo kgwatha, Elohim. “Mathomong, Elohim. Gomme Elohim o dirilwe nama, a dula magareng ga rena.”

⁸⁰ Eng? Ye ke tsela ya Gagwe, dikarolo tša terama. Yeo ke tsela ye Yena a tla e dirago ntle, tsela ya Gagwe ya go utolla Boyena go rena bjalo ka motho wa go fapana. Re ba ba hwago, gomme Yena o tseba seo. Gomme re no kwešiša feela bjalo ka ba ba hwago. Re no tseba bjalo ka ba ba hwago. Re no tseba feela ge dikwi tša rena di ka re dumelela go tseba, gomme yohle ya yona re swanetše go dumela ka tumelo. Re swanetše go bolela gore go na le Modimo; ge eba re a Mmona, goba aowa, re a e dumela, ka mokgwa wo mongwe. Le a bona? Ge eba e gona goba aowa, re tla no ba re e dumela ka gore Modimo o boletše bjalo.

⁸¹ Bjalo ka Abraham, o be a sa kgone go bona morwa yoo, go se leswao, go se go ima ga-ga Sarah, go se le ge e ka ba mabaka a sesadi goba eng kapa eng, eupša go le bjalo Modimo o boletše bjalo. Ka moka dikholofelo, le ya gagwe-ya gagwe popelo e be e hwile, gomme bophelo bja monna ka go yena bo be bo ile, gomme mo-mo moela wa bophelo bja gagwe o be a omile, gomme bja mosadi-bja mosadi bophelo bo be bo omile ka gare ga gagwe. “Gomme go le bjalo a se šišinyege ka go tshepišo ya Modimo ka go se dumele, eupša o be a tiile, a efa tumišo, a tseba gore Modimo o be a kgona go dira eng kapa eng Yena a rilego Yena o tla e dira.”

Fao go tsela ye re swanetšego go dumela Lentšu lela lehono. Eya go ba bjang? Ga ke tsebe. Modimo o rile e ya go ba ka tsela yeo, gomme seo se a e rarolla.

⁸² Ke mang Motho yo mogolo yo wa go se bonwe? Ke mang Yo Abraham a mmonego ka diponong? Thwi mafelelong, go le bjalo, Yena o bonagadišwe nameng, pele morwa a etla. Modimo ka Boyena o tlile go Abraham ka lebopo la motho, mafelelong a nako. A bonagadišwe! Yena o Mmone ka Seetšeng se sennyane nako ye tee; o Mmone ka diponong; o kwele Lentšu la Gagwe; dikutollo tše ntši. Eupša feela pele ga morwa wa tshepišo, o Mmone ka lebopo la motho, gomme a bolela le Yena, gomme a Mo fepa ka nama le seno. Le a bona? Elang hloko, Modimo ka Boyena a širilwe ka nameng ya motho.

⁸³ Ye ke karolo ya tsela ya Gagwe. Ye ke tsela yeo Yena a iponagatšago ka Boyena go rena, a bonagatšago Lentšu la ka Gosafeleng, Modimo, Jehofa a dirilwe nama. Go swana le ka go Mokgethwa Johane 1, “Mathomong go be go le Lentšu, gomme Lentšu le be le le go Modimo, gomme le . . . Mathomong go be go le Elohim, gomme Elohim o be . . . o bile Lentšu, gomme Lentšu e be e le Elohim. Gomme Lentšu la dirwa Elohim.” Le a bona? Ke selo sa go swana, se no tatologa.

84 Go swana le mogopolo, le a bona, o ka go Modimo. Mogopolo ke kgopolo ya gago. Modimo mathomong, wa Gosafelego, Yena o be le bile e se Modimo. Yena e be e ele wa ka Gosafelego. Yena o be a bile e se Modimo; *Modimo* ke “selo sa go rapelwa,” goba se sengwe. Le a bona? Ka fao Yena o be le bile a se seo. Yena o be a le Elohim, wa ka Gosafelego. Eupša ka go Yena go be go le dikgopolo. O be a nyaka go ba sa go kgwathega. Gomme a Yena o dirile eng? Ka gona Yena o boletše Lentšu, gomme Lentšu la diragala go kgwathega. Seo ke seswantšho sohle, go tloga go Genesi go fihla go Kutollo. Ga go selo se fošagetšego. Ke Elohim a diragala go kgwathego gore Yena a kgone go kgwathwa, go kwa ka letlalo. Gomme ka Miliniamong, fao go Elohim o dutše godimo ga Terone, le a bona, yeo ke therešo, le ka moka balatedi ba Gagwe go Mo dikologa, bao a ba kgethetšegopele ga go thewa ga lefase.

85 Go swana le monna a aga medumo goba a dira medumo, mokgoloki. Tleloko ye nngwe le ye nngwe e swanetše go lla ka go fapana go tšwa go ye nngwe. Didirišwa tša go swana, eupša tšhipi ye kaalo, tšhipi ye kaalo, mphiri wo mokaalo, go e dira e dire “ting.”

86 Yeo ke tsela ye Modimo a dirilego. Yena o tswalantše yo motee yo go yo motee yola, go yo motee yo go yo motee yola, go yo motee yo go yo motee yo, go fihla Yena a hwetša tlwa se Yena a bego a se nyaka. Ke ka mokgwa wo Yena a tlilego fase. Modimo o ikapotše ka Boyena ka go Pilara ya Mollo go theoga ka baporofeta, morago ka go Morwa wa Modimo, e lego gore, Yena e be e le Modimo. Le a bona, ke Modimo yo a swanago o tliša ntle tlwa, go tloga phethegong go ya phethegong, go tloga letagong go ya letagong. Yeo ke tsela ye Kereke e yago.

87 Elang hloko, go kgabola mabaka, tsela ye e swanago, ka baporofeta ba Gagwe, Yena o utolotše Boyena. Bona e be e se tlwa baporofeta, e be e le badimo. Yena o boletše bjalo. Ka gore, se ba se boletšego e be e le Lentšu la Modimo. E be e le nama ye Modimo a bego a širilwe ka go yona. Ba be ba le badimo. Jesu o boletše, ka Boyena, o rile, “Le ka Nkahlola bjang ge Ke re Ke nna Morwa wa Modimo, gomme molao wa lena beng o bolela gore bona ba Lentšu la Morena le tlilego go bona e be e le badimo?” Le a bona?

88 Ka fao e be e le Modimo a bopega ka go monna a bitšwago moporofeta. Le a bona? Gomme Lentšu la Morena le tlile go monna yo, ka fao e be e se moporofeta; moporofeta e be e le seširo, eupša Lentšu e be e le Modimo. Lentšu la monna le ka se dire ka mokgwa woo. Le bone se ke se rago? Le ka se kgone go dira ka mokgwa woo. Eupša ka go kgonagala e be e le Modimo. Le a bona, Yena e be e le Lentšu la Modimo ka sebopego sa motho, a bitšwago “monna.”

Elang hloko, Yena ga se a ke a fetola tlhago ya Gagwe, feela lebopo la Gagwe. Bahebere 13:8, e rile, “Yena o a swana maabane, lehono, le go ya go ile.” Ka fao Yena ga se ake a fetola tlhago ya Gagwe ge Yena a etla. Yena ka mehla ke Moporofeta yoo, ka moka go theoga go kgabola lebaka, selo sa go swana: Lentšu, Lentšu, Lentšu, Lentšu. Le a bona? Yena ga a kgone go fetola tlhago ya Gagwe, eupša O fetotše lebopo la Gagwe. Bahebere 13:8, e rile, “Yena o a swana maabane, lehono, le go ya go ile.” Yena o nno fetola maseke wa Gagwe.

⁸⁹ Go swana le ge ke fetogile go tšwa go monna, ge ngwanake a tswalwa, bjale ke nna tate. Ge setlogolo sa ka se tswalwa, ke nna rakgolo. Le a bona? Eupša, ga ke fetoge, yoo e sa le-e sa le nna. Le a bona? (Gomme yoo ke Modimo.) E no ba ke fetotše wa ka . . . Le a bona, e no ba go fetola sebopego sa gago. Le a bona?

Elang hloko. Gomme tlhago e fetoga go theoga go tšwa go monna yo moswa go mengwaga ya magareng, go ya go monna wa mokgalabje. Gomme fao ke wena, le a bona, o no fetola lebopo la gago.

⁹⁰ Bjale, o ka se kgone go bolela gore moisa yo monnyane a emego godimo mo, lesometshela la mengwaga ka bokgale, wa re o be a le rakgolo. Yena o be a ka se kgone go ba. Lebopo la gagwe le swanetše go fetolwa. Mengwaga e se mekae e a le fetola, nako yeo o ba rakgolo. Le bona se ke se rago?

⁹¹ Eupša ke Motho yo a swanago nako ka moka, Motho yo a swanago, Modimo nako ka moka. Ka tsela ye Yena o utolla Boyena go batho ba Gagwe, ka go dira se. Elang hloko, go kgabola lebaka la Pilara ya Mollo, Yena o ikutolotše ka Boyena go batho ba Gagwe. Ka go lebaka la–la Jesu, Yena o ikutolotše ka Boyena go batho ba Gagwe. Ka go lebaka la Moya wo Mokgethwa, bjalo ka Morwa wa Modimo. Morwa wa Dafida . . . Yena ka mehla o ikutolla ka Boyena ka mokgwa wo go batho ba Gagwe, go dira batho go Mo tseba. Yena o širilwe ka morago ga se sengwe, elang hloko, ka tsela ye e swanago, goba tlhago e swanago, nako ka moka.

⁹² Modimo a širilwe ka go Jesu, go dira mošomo wa topollo sefapanong. Modimo o be a ka se kgone go hwa, bjalo ka Moya. Yena ke wa ka Gosafelego. Eupša Yena o ile a apara maseke gomme a dira karolo ya lehu. Yena o hwile, eupša Yena ga se a kgona go e dira ka go lebopo la Gagwe la Modimo. Yena o ile a swanelwa ke go e dira ka go lebopo la Morwa, bjalo ka Morwa wa motho, lefaseng. Le a bona? Yena o ile a swanelwa go ba lebopo la Morwa. Ka gona ge Yena a boile ka Pentecost, Yena o be a le Morwa wa Modimo gape. Le bona se ke se rago? Le hwetša kgopolo? Yena o be a . . .

⁹³ Yena o ile a swanelwa ke go tla ka nameng ya motho, go . . . gomme ga go yo motee, ga go tumo ya thobalano. Ka gore seo se netefatša gape setatamente sa rena ka peyu ya sephente, le a bona,

“thobalano,” thobalano ka go felela. E se go diapola; thobalano! Yeo ke therešo. Yeo e swanetše go ba. Elang hloko mo, le a bona, go monna yo mongwe le yo mongwe wa go loka . . . Lebelelang baporofeta bale morago kua, eupša Yena o be a swanetše go feta moporofeta. Le a bona? Gore a dire seo, Yena o swanetše go tla ka tswalo ya kgarebe, go laetša gore tswalo ya kgarebe e be e netefatša . . . Yena o be a swanetše go tswalwa tswalo ya kgarebe, go tloša thogako, Thibelamalwetši. Le bona se ke se rago? Ka fao, e swanetše go ba thobalano. Yena o e tlišetše ka go tlang ga Gagwe Mong; Yena o tlile e sego ka tumo ya thobalano, eupša ka tswalo ya kgarebe. Gomme Yena o fetotše maseke wa Gagwe go tloga go Jehofa go ya go Jesu, gore a tšee mošomo wa topollo ka go terama ye Yena a bego a diragatša ntle, ka go Modimo sefapanong.

⁹⁴ Bagerika ba be ba nyaka go Mmona. Ka go Mokgethwa Johane 12:20, ba bantši ba lena ba nkwele ke rera ka polelo yeo, “Bahlomphegi, re rata go bona Jesu.” A le etše seo tlhoko?

⁹⁵ Bjale, Bagerika e be e le dirutegi, e be e le motho yo mogolo. Gomme ba bile le–ba bile le bjo–bjo bogolo boikwelo ka Modimo, bjalo ka ge Paulo a rerile go bona thabeng ya Mars. Gomme ba be ba, ba be–ba be ba etile pele–ba be ba etile lefase pele ka saentshe le–le thuto, e be e le batho ba bagolo. Eupša ba be ba rapela le go dumela ka go tumelwana le bjalo, dipuku tša bokgabo le mabokgabo a go rata go tseba, le go ya pele.

⁹⁶ Eupša ba–ba–ba ile ba hwetša go šišinywa ka Monna yo Yoo a bego a kgona go fodiša balwetši le go kgona go bollela pele dilo tšeo di diregilego, go fihla khutlong. Gomme ba hwetša go huduega, ka fao ba tla go Mmona. Bjale, hlokomelang sekgauswi, le se foše se. Le a bona? Gomme ba tlile gomme ba re go Filipi, e bego e lle wa Bethesaida, “Mohlomphegi, re rata go bona Jesu.” Gomme Filipi le morutiwa yo mongwe ba mo tliša go Jesu, go bona Jesu.

⁹⁷ Bjale elang hloko wona mantšu ao Jesu a a begilego go bona, ka gore ba be ba b tlile go bona gore Yena o be a le Mang, gomme ga se bake ba kgona go Mmona. Ba bone lebopo, eupša Yena o be a le ka tempeleng ya Gagwe. Modimo o be a le ka tempeleng ya Gagwe, a širilwe ka seširo sa nama ya motho. Elang hloko mantšu ao A a boletšego. “Ntle le ge lebele la korong le ka wela ka mobung, le a bona, gomme la hwa, le dula le nnoši.” Le a bona? “Iri e tlile, e tla ba yona ka pela gore Morwa wa motho a tagafatšwe, le a bona, gomme Yena o swanetše go feta go tloga lefaseng le. Gomme ntle le ge iri ye e tlile, le ka se kgone go E bona.” Le a bona?

⁹⁸ Mo, ka baka la eng ba se ba kgona go bona Jesu? Yena o be a apešitšwe maseke. Modimo o be a apešitšwe maseke. Bagerika ba be ba nyaka Modimo, gomme Yena o be a le mo, eupša ga se bake ba kgona go Mmona ka baka la seširo. Gomme seo ke selo sa go swana lehono, ga ba kgone go Mmona ka lebaka la lešira.

Le godimo ga difahlelo tša bona. Bagerika ba be ba apešitšwe maseke, goba Jesu o be a apešitšwe ka maseke go Bagerika ba.

⁹⁹ Elang hloko, Yena o rile go bona, “Ntle le ge lebele la korong le ka wela ka mobung, le dula le nnoši.”

¹⁰⁰ Bona, bona ga se ba ke ba kgona go kwešiša gore bjang, ka baka la eng ba se bake ba kgona go Mmona. Fao go be go eme monna. Ba be ba tlile go bona Modimo, gomme ba bone monna. Le a bona? Ga se ba kgona go bona Modimo ka gore Modimo o be a širilwe go bona. Bjale bolokang seo ka menaganong ya lena, Modimo o be a širilwe ka go monna. Ba kgonne gore, “Ga go monna yo a ka kgonago go dira mediro ye ntle le ge e le Modimo. Ga go monna yo a ka kgonago go e dira, le ka fao mo go emego monna gomme go le bjalo mediro ya Modimo e bonagatšwa ka Yena!” Le a bona, ga se ba kgona go kwešiša gore Modimo o be a širilwe.

¹⁰¹ Yena o širilwe ka go monna, bjalo ka ge ka mehla Yena a be a širilwe. Eupša, Yena o širilwe ka go bona, Yena o be a le ka go tempele ya Gagwe ya motho. Modimo o be a le ka tempeleng ya motho. Bjale, hlokomelang ka nnete, bjale Yena o a swana maabane, le hono, le go ya go ile. Le a bona? Modimo o širilwe, o ikutile ka Boyena go tšwa go lefase, o širilwe ka go motho. Le a bona? Mo go be go le Modimo! Bagerika bale ba re, “Re rata go Mmona.”

¹⁰² Gomme Jesu o rile, “Lebele la korong le swanetše go wa le go hwa.” O swanetše go hwa go ka moka dikgopolo tša gago. O swanetše go tšwela ka ntle ga megopolo ya gago mong.

Go swana le ka fao barutiwa ba bilego, ga se ba ke ba kgona go hlalosa ka go ja mmele wa Gagwe le-le go nwa Madi a Gagwe, eupša, le a bona, ba hwile go dilo tšeo. Ba be ba hwile go Kokwane, ba be ba hwile go Kriste. Ga go tshwenye gore ke eng, goba ke go fenywa go kae go bonetšego Yena a bile le gona, ba be ba no Le dumela go le bjalo. Le a bona? Ba kgona go bona ka go Monna yola; Monna yo a jago, a nwelego, a thea dihlapa, a robala, se sengwe le se sengwe gape, o tswetšwe mo lefaseng, gomme a sepele le bona, a bolela le bona, a apara diaparolo bjalo ka bohle ba bona, eupša yeo e be ele Modimo.

¹⁰³ Ka fao Bagerika ga se ba ke ba kgona go Mmona, ka gore Yena o be a utilwe go tloga go bona, ka go motho. Elang hloko Lentšu la Gagwe go bona, “Ntle le ge lebele la korong le wela ka mobung.”

¹⁰⁴ Modimo a širilwe ka go lebopo la monna, a ikutile ka Boyena go tloga go pono ya bona. Ba be ba kgona feela go bona motho. Eupša ba go ba Kgethetšwego pele ba bone Modimo. Yo motee o bone monna, yo mongwe yo motee o bone Modimo. Le a bona? Gomme e be e le Modimo a širilwe ka go motho, a dira bobedi bja bona therešo, eupša tumelo ya gago ka go seo o sa se bonego. O a se dumela, go le bjalo. Modimo a širilwe ka go motho. Yena

o be a le ka nameng yela, gomme nama yela e be e le seširo sa Gagwe. Seširo se ile sa kgeilwa, le a bona, gore Modimo a dirwe go bonala.

¹⁰⁵ Ka Testamenteng ye Tala, Modimo o be a utilwe ge Yena a be a le godimo ga setulo sa Gagwe sa kgaugelo; godimo ga setulo sa kgaugelo, ke seširo. Ka Testamenteng ye Tala, Modimo o be a le ka Tempeleng ya Gagwe. Eupša batho ba tlile ka gare gomme ba rapela ka mokgwa wo, eupša, elelwang, fao go be go le seširo (amene) seo se bego se utile Modimo. Ba tsebile gore Modimo o be a le fao. Ba be ba sa kgone go Mmona. Pilara ya Mollo ga se ya tsoge ya tšwelela gape fao. A le etše hloko? Fao ga go nako e tee ka Lengwalong, go tloga nako yeo Pilara ya Mollo e ilego ka morago ga seširo seo, mo E kilego ya bonala gape, go fihla E etla go tšwa go Jesu Kriste. Modimo o be a širilwe!

¹⁰⁶ Ge Yena a be a eme lefaseng, Yena o rile, “Nna ke tšwa go Modimo gomme Ke ya go Modimo.”

¹⁰⁷ Ka gona Paulo, (ka morago ga la Gagwe lehu, poloko, le tso go), tseleng ya gagwe go ya Damaseko, fao go bile Pilara ya Mollo gape. E be e le eng? Ntle go tšwa ka morago ga seširo! Letago go Modimo!

¹⁰⁸ Yena o be a le ka gare ka morago ga seširo. Bjale Yena o be a le ka morago ga eng? Seširo sa letlalo. Le a bona, “matlalo a kgoogo,” ka morago ga seširo. Gomme ge seširo seo se kgeilwa ka letšatši la papolo, seširo se Yena a bego a phuthetšwe ka go sona se ile sa kgeilwa ka letšatši la papolo, setulo sohle sa kgaogelo sa tla ponagalong.

¹⁰⁹ Bjale, Bajuda ga se bake ba kgona go kwešiša gore Modimo a ka kgona bjang go ba le kgaogelo godimo ga modiradibe, batho ba tšhila go swana le ka fao re lego. Eupša ga se ba ke ba kgona go bona yo Motee yo Yoo a bego a efa kgaogelo, ka gore Yena o be a utilwe. Yena o be a le ka morago ga setulo sa kgaogelo, ka gare, ka matlalo a kgoogo a lepeletše fase, a Mo khupeditše. Pele . . .

¹¹⁰ Pele, ge monna mang kapa mang a sepeletše ka morago ga seširo sela, e be e le lehu la ka pejana. Amene. Oo, re ya go hwetša thuto motsotsong, le a bona, ge le ka kgona—la kgona go Le amogela. Go sepela ka morago ga wona matlalo . . . Le yo motee wa barwa ba moprista o lekile go e dira nako e tee, gomme a hwa. “O se ke wa ya ka morago ga seširo sela.” Monna yo a sepeletšego ka morago . . . Ka baka la eng? Fao go be go se gwa ba topollo nako yeo, ka go leo. E be e e le ka go kgonagala. E be e le kgonagalo. Gomme eng kapa eng e lego *kgonagolo* ga se selo sa nnete nako yeo, le a bona, e no ba ka go kgonagala. E be e le topollo . . . Sebe se be se khupeditšwe, e sego go tlogelwa . . . go tlošwa, ke ra gore, e sego go tlošwa. *Go tlošwa* ke “go hlala le go bea kgole.” Gomme ka fao madi a dinku le dipudi a be a sa kgone go dira seo, ka fao Jehofa o be a ikutile ka morago ga seširo. Bjale,

morago ka morago ga seširo mo Yena a bego a utilwe, go tsenā ka fao, monna o wele a hwa, go leka go tsenā ka go Sona.

111 Eupša ge e sa le go tloga go Pentecost, ge e sa le go tloga go Papolo, ge seširo sela se kgeitšwe go tloga godimo go ya fase, go leloko leo . . . Jesu o be a le Modimo yoo, a širilwe. Gomme ge Yena a hwile Khalibari, Modimo o rometše mollo le legadima, gomme la kgeila seširo seo go tloga godimo go ya fase, go fihla setulo sohle sa kgaogelo se bile ponagalong ye pepeneng. Eupša ba be ba fougfetše kudu go Se bona. Bjale ka ge Moshe a boletše mo, le ge go le bjalo, goba . . . Paulo o rīle, go bala Moshe, “Ge Moshe a balwa, le bjale, seširo sela se sa le godimo ga pelo tša bona.” Oo, ngwanešu, kgaetšedi, seo ke se Bajuda ba se dirilego ge seširo se kgeilwa gomme se tliša Modimo ponagalong ya pepeneneng, a lekeletše sefapanong. Yena o be a le ponagalong ya pepeneneng, eupša ga se ba kgona go Le bona.

112 A go ka kgonega gore Bantle ba dirile selo sa go swana? O Modimo! Ge ba bile le mabaka a kereke, a Morwa wa Modimo; eupša ge bjale seširo se sa dikereke tša maina le dilo, seširo se sa setšo se re bilego le sona ge e sa le go tloga ka Pentecost, ge ditšo tša kereke di kgeitšwe, dilo tše batho ba di boletšego, “Matšatši a mehlolo a fetile, le dilo tše,” gomme Modimo o tlošitše seširo go tloga go Lona, le go Le tliša ka ponagalong ya pepeneneng, gomme ba loketše go Le bapola gape, go no swana tlwa.

113 Modimo yo a apotšwego, ponagalong ya pepeneneng, ba be ba swanetše go be ba Mmone a eme kua. Go le bjalo Yena o be a le wa mehleng kudu, Yena e be e le monna wa go tlwaelega. Ga se ba kgone go Le bona. Le a bona, fao go be go eme monna. “Go lokile,” ba rīle, “moisa yo, ke sekolo sefe Yena a tšwago go sona?” Eupša, elerwang, ge lerumo lela le rathile mmele wa Gagwe, Moya wola o Mo tlogetše, tempele . . . dikota tša sehlabelo tša phekgoga, gomme legadima la tswipinya fase go kgabola tempele le go kgeila seširo. E be e le eng? Fao go be go le Modimo wa bona a lekeletše godimo ga Khalibari, gomme ba be ba fougfetše kudu go e bona.

114 Go Mo tliša go ponagalo ya pepeneneng, gomme go le bjalo ga ba Le bone! Ba fougfaditšwe. Modimo, o širilwe ka go motho!

115 Le a elelwa, Yena o boetše nako yeo go Paulo ka morago ga fao, le go Petro ka kgolegong, bjalo ka Pilara ya Mollo. Le elelwa seo? [Phuthego e re, “Amene.”—Mor.]

116 Eupša ka matšatšing a mafelelo Yena o swanetše go boa gape, eupša Pilara ya Mollo e swanetše go tla morago gape go bonagatša Morwa wa motho, le a bona, go laetša Lentšu, Seetša. Ditšo, di bile, di tla phumulwa go tloga. Fao ga go selo se yago go Le tshwenya; se ya go dirwa, go le bjalo. Modimo o no di kgeila tšona dikereke tša maina le ditšo tlase.

Ke mohuta mang wa Moya Yena a tla dirago ka wona? Go swana le ge Yena a dirile lefelong la pele. Bonang se Yena a se

dirilego ka matsatšing a Eliya, ka matsatšing a Johane. “Le se ke la nagana go bolela bokagare bja lena beng ‘le na le Abraham go tate,’ ka gore Modimo o a kgona go maswika a go tsošetša Abraham bana.” Le a bona? Le se ke la nagana, “Ka gore, ke nna wa *ye* gomme ke nna wa *yela*.” Le a bona? Modimo a kgeila go tloša seširo, le a bona, go laetša Yo Yena a lego yena. Le a bona, hlokomelang seširo ge se kgeiga mo bjale, re a hwetša bjale.

117 Bjale, gomme nako e tee, ge monna a sepetše go kgabola seširo sela, e be e le lehu la ka pejana. Bjale ke lehu go se ye go Se kgabola! Amene. Ge o ka se kgone go kgeila seširo sela sa setšo, wa kgeila go kgabola lebototo lela la kereke ya leina, go bona Modimo ka go maatla a Gagwe, ke lehu. Gatee e be le lehu go tsena ka gare, bjale ke lehu go dula ka ntle. Setulo sohle sa Kgaogelo se dutše ka ponagalong ya pepeneneng, mang le mang a ka kgona go Se bona, seširo se kgeitšwe. Letago go Modimo! Setulo sohle sa kgaogelo se tla ka go ponagalo ya pepeneneng.

118 Ka fao Modimo a kgonneggo go ba le kgaogelo go badiradibe ba ditšhila bjalo ka rena, ge Yena a be a ikutile ka Boyena, e be e le sephiri. Gomme bjale Se ponagalong ya pepeneneng, goba ponagalo ya go tlala, se utolotšwe ke Lentšu la Modimo. Ka mehla ke Lentšu, kgafetšakgafetša, ke Modimo. Ke Lentšu le se bulago. Ge batho bale ba ka be ba tsebile Lentšu la Modimo letšatši lela ge Jesu a be a ehwa, ba ka be ba bone Setulo sa Kgaogelo, ba ka be ba bone se Yena a bego a le Sona.

119 “Yoo e be e le Mang nako yeo? Ka baka la eng seširo se kgeitšwe?” Elelwang, e be e le lehu go ya ka go Sona. Ga go motho a bego a kgona go Se bona. Moshe o Se bone ka lebopo, E be e le sesae . . . e be e le ma—ma magetla a Monna. Go lokile, se se Sona, magetla a a tšwago madi, Monna yola a swanago! Sona e be e le eng? Modimo o be a nyaka go ba laetša Setulo sa Kgaugelo. Modimo o be a nyaka go ba laetša gore Yena o be a le Mang. Ka fao seširo ka tempeleng, go tšwa seatleng sa Modimo, godimo, se ile sa kgeilwa go tloga godimo go ya fase, gomme sa laetša Modimo ponagalong ya pepeneneng. E be e le Jesu Kriste a lekeletše godimo ga sefapano, Setulo sa Kgaogelo. Gomme e be e le eng? Batho ba be ba fofetše kudu go Se bona.

120 Bjale e boeletšwa gape, ditšo tša bona! Ka mokgwa woo, nako yeo, ka Letšatši la Pentecost, Lentšu le tliile gomme le be le le ka lebopo la “Morwa wa Modimo.” Gomme ba thoma go le kgatlofatša ka Nicaea, Roma. Gomme, selo sa pele, ba ile go Methodist, Baptist, Presbyterian, Mapentecostal, le go ya pele. Ke setšo se se beakantšwego go fihla monna a sa tsebe mo a emego.

Eupša, letago go Modimo, Yena o tshepišitše ka matsatšing a mafelelo se Yena a bego a tla se dira. Yena o laetše Lentšu la Gagwe ka ponagalong ya pepeneneng, le bulega pele ga rena gape, le a bona, go Le bula.

121 Ge nkabe feela ba tsebile Lentšú, nkabe ba tsebile gore Jesu e be e le Mang. Ge monna feela a ka no tseba Lentšú la Modimo, o tla tseba le iri ye re phelago le se se diregago. Ba no gana go theetša Lentšú leo. Ditšo tša bona! Ke eng se se dirilego Bajuda bale go bona seo? Eng? Go be go lebega o ka re ba be gabotse ba swanetše go bona, ka gore selo se be se kgeitšwe go bulega. Se be se kgeitšwe go bulega ka morero.

122 Tsošeletšo ye ke ya eng bjale? E ka kgona bjang go atlega? E ka kgona bjang go šegofatšega? Ga ke tshwenyege gore e na le dikekišo tše kae, goba se sengwe gape, seo ga se . . . Ge Moshe a ile ka ntle, fao go bile setšhaba se se tswakanego se ile le yena. Eupša se diretšwe eng? Ke Jehofa ka Boyena a tšea seširo go se tloša go Modimo, go laetša phapano gare ga therešo le phošo. E lego, Methodist, Baptist, Presbyterian, goba ke mang a lego therešong? Lentšú la Modimo le a rereša! “A lentšú la monna yo mongwe le yo mongwe e be maaka, eupša la Ka e be Therešo.” Modimo ga a nyake mohlatholli. Yena o dira tlhathollo ya Gagwe Mong. Yena o a Le bonagatša, gomme o le hla- . . . le fa tlhathollo. Modimo a ikapola ka Boyena. Oo, nna! Thwi magareng ga rena, re bona seatla se segolo sa Gagwe se bolela dilo tše, se dira dilo tše.

123 Ke na le se sengwe ka seo bošego bjo, le a bona, mokgwa wo go bogela seatla sa Modimo, seo Se se dirago, ka mokgwa wo Se itatollago ka bosona. Le a bona?

124 Gomme batho ba re, “Oo, Seo ke ditšiebadimo. Seo ke bohlangya fao. Ga go selo go Seo. Seo ke ditšiebadimo. Seo ke Beletsebubu. Seo ke diabololo. Seo ke go bolelela mahlatse. Seo ke se.” Le a bona, selo sa go swana ba se boletšego ka Yena.

125 O kereke, gomme ge theipi ye e eya ntle, a ga le kgone go bona, badiredi ba Ebangedi, mo le phelago? A ga le kgone go bona iri ye re lego ka go yona? Modimo, o itaetša ka Boyena, a dutše thoko. . . Lebelelang, Yena o tšere seširo sela sa tempele gomme a se kgeile diripa, gore ba kgone go bona Modimo ponagalong ya pepeneneng, gomme ba be ba foufetše go Le bona. Gomme Yena o dira selo sa go swana lehono, o beile Lentšú la Gagwe thwi ntle ka pele, se Yena a se tshepišitšego. Tshepišo ye nngwe le ye nngwe ka go Lentšú, e robetše thwi pele ga rena, ponagalong ya pepeneneng!

126 Le tseba se kereke ya Bantle e se dirago? Selo sa go swana kereke ya Bajuda e se dirilego, e foufetše kudu go Le bona. So ke ka moka. Le tla ba ka dipelong tša bona go no swana le ka fao go bilego ka letšatši lela.

127 Elang hloko, lehu, go dula kgole le Lona bjale. Le swanetše go tsena ka go Lona go kgabola seširo se, goba le ka se ke. Ka fao Modimo a ka kgonago go ba le kgaogelo go bona, eupša elelwang se e bego e le sona, gore Modimo o bonagatša se se bego se le ka morago ga seširo sela. Hlokomelang se se bego se le ka morago ga seširo, Lentšú! Se be se širile eng? Lentšú! E be e le eng? Ke

ka gare ga areka. E be e le Lentšu leo seširo sela se bego se le utile. Le a bona? Gomme Jesu e be e le Lentšu leo, gomme Yena ke Lentšu leo, gomme seširo sa nama ya Gagwe se be se Le utile.

¹²⁸ Gomme lehono lešira la setšo le uta Lentšu gape, le re, “Ga Le bjalo.” Eupša Le bjalo! Modimo o a Le paka, o ithunyeditše ka Boyena thwi ntle go phadima bjalo ka letšatši, pele ga yo mongwe le yo mongwe, gomme ba paletšwe ke go Le bona. Modimo, eba le kgaogelo go rena.

¹²⁹ Ka seswantšho, Moshe a etšwa Bogoneng bja Modimo, ka Lentšu la Modimo la lebaka leo. Bjale hlokomelang, bjale re ka go Ekisodo 19. Le se ke la foša e bjale. Ekisodo 19, Moshe o tšwa Bogoneng bja Modimo, goba 20 le 21, 19: 20 le 21. Moshe o tšwa Bogoneng bja Modimo. Yena o be a le ka Lentšung. Lentšu le be le ngwadilwe. Gomme yena, ka bogoneng bja Modimo, le Lentšu, o be a na le Lentšu la lebaka leo. Fao go Lentšu la lebaka le lengwe le le lengwe. Gomme Moshe ge a etla pele, sefahlego sa gagwe se be se phadima bjalo! Le a bona? Lentšu le be le le ka gare ga gagwe, le loketše go bonagatšwa, go fiwa ntle go batho.

¹³⁰ Lentšu la therešo, Modimo o Le ngwadile, gomme Le be le na le Moshe. Elang hloko, Le be le na le Moshe gomme le be le loketše go bonagatšwa. Yena e be e le Lentšu go bona, o be a le Lentšu le le phelago, le utilwe. A širilwe ka boyena, Moshe o ile a swanelwa ke go bea seširo godimo ga sefahlego sa gagwe mong. Ka baka la eng? Yena o be a le Lentšu leo. Amene. Go fihla ge Lentšu leo le dirwa go tsebja, Moshe o be a swanelwa ke go itšhira ka boyena. Amene!

A le a Le bona? Kae kapa kae Lentšu le lego, Le širilwe.

¹³¹ Moshe o be a na le Lentšu. Bjale elelwang, ka morago ga ge Lentšu le dirilwe go bonagala, Moshe o bile Moshe gape. Le a bona? Eupša ge Lentšu leo le be le sa le ka go yena go fiwa ntle, o be a le Modimo; go lokile, o be a se sa le Moshe gape. Yena o be a na le Lentšu la Morena la lebaka leo. Ga go selo se bego se ka mo kgwatha go fihla leo le fedile; o be a na le Lentšu leo go yena. Bjalo, ka fao, ge a etla, batho ba be ba retolla dihlogo tša bona; ba be ba sa kgone go kwešiša. Ba be ba fetotšwe. Yena e be e le moisa yo a fapanego. Yena o tlile le Lentšu leo. “Gomme o beile seširo,” Beibele e rile, “godimo ga sefahlego sa gagwe,” ka gore o be a na le Lentšu. Gomme o be a le Lentšu go bona.

¹³² Bjale lebelelang, ge Moshe. . . O ngwanešu, mo go ya go ba leroga. Eupša ge Moshe. . . Bjalo ka ge Paulo a boletše mo ka go Bakorinthe ba Bobedi, ya 3 tema. Ge Moshe a ile a swanelwa ke go šira sefahlego sa gagwe ka mohuta woo wa Letago godimo ga gagwe. . . le a bona, ka gore leo e be e le letago la tlhago, woo e be e le molao wa tlhago. Gomme ge Moshe, a be a tseba gore molao wo o be o swanetše go senyega, eupša Letago e be e le le legolo kudu go fihla le fougaditše batho, ka fao ba ile ba swanelwa ke go bea seširo godimo ga sefahlego sa gagwe, ke ga kaakang go fetiša

Le tla bago? Batho ba go fufatšwa semoyeng! Uh-huh. Letago lela le be le eya go fela, eupša le Letago le ka se fele. Le a bona? Moshe o be a na le melao ya senama, kahlolo, go se mogau, go se selo; o be a no go ahlola. Eupša Le re bolelago mabapi. . . Lela le be le se na tshwarelo, le no go botša seo o lego. Wo o go fa tsela ya go tšwela ntle.

¹³³ Gomme ge Lentšu lela le apolwa, oo, nna, ke mohuta mang wa sefahlego Le tla bago? Le tla swanelwa ke go širwa. Le tla swanelwa ke go širwa. Bjale elang hloko. Ka fao Moya o širilwe ka tempeleng ya motho, le a bona, Yena go bolela mantšu a tlhago ka seširo sa tlhago.

¹³⁴ Bjale, Paulo o a bolela mo bjale, gomme ka go ye-ye kgopolo, Moya- Lentšu, “Rena re badiredi, e sego ba tlhaka, molao; eupša badiredi ba go kgona ba Moya,” gore Moya o tšea tlhaka gomme wa E bonagatša.

¹³⁵ Woo e be e no ba molao, o be o swanelwa ke go ya go o lebelela, o re, “Wena o se ke wa dira bootswa. Wena o se ke wa utswa. Wena o se ke wa bolela maaka. Wena o se ke wa dira *se, seo*, goba se *sengwe*.” Le a bona? O swanetše go lebelela seo.

¹³⁶ Eupša wo ke Moya wo o tlogo godimo ga Lentšu le le tshepišeditšwego lebaka *le*, le go tliša pele le go bonagatša, e sego dipapetla tše pedi tša maswika, eupša Bogona bja Modimo wa go Phela. E sego mogopolo wa tumelwana yo mongwe a o dirilego, goba Houdini yo mongwe, boradia; eupša yona tshepišo ya Modimo e utolotšwe le go dirwa go bonagala thwi pele ga rena. Ke mohuta mang wa seširo o tla bago ka morago? Gomme go-go loba seo. . .

¹³⁷ Le a bona, e be e le se segolo kudu go fihla le batho ba rile, ba boletše ge ba bone Jehofa a etla fase ka go Pilara ye ya Mollo, gomme a thoma go šišinya lefase, le-le dilo tše Yena a di dirilego, le thaba e tuka mollo. Gomme le ge yo mongwe a be a leka go ya go thaba yela, o be a senyega. E be e le se segolo kudu go fihla le Moshe a boifa tšhišinyego. Ka gona, ge nako yeo Yena a šišintše thaba feela, ye nako Yena o tla šišinya magodimo le lefase.

¹³⁸ Goreng ka Letago Le? Ge leo le be le širilwe ke seširo sa tlhago, le le kudu. . . širwa ke seširo sa moya. Ka fao le se ke la leka go lebelela tlhago; phuleletšang ka go Moya le go bona mo le lego, le bone iri ye re phelago ka go yena.

¹³⁹ A se dira kgopolo go lena? Le a bona, Ke seširo sa semoya se se lego godimo ga batho, ba re, “Ke nna Methodist. Ke nna yo mokaone go feta mang kapa mang. Ke nna Mobaptist. Gomme ke nna Mopentecostal.” A ga le lemoge, gore selo seo ke seširo sa setšo? Se uta Modimo go tšwa go lena. Tšeo ke dilo tše di le thibago gore le se ipshine ka ka moka. . .

Oo, o re, “Ke goeditše le go tabogela godimo-le-fase.”

140 Yena o rile, “Lentšuu le lengwe le lengwe!” Efa o dumetše Lentšuu le lengwe le le lengwe eupša le letee. Le a bona? Ke Lentšuu la go tllala la Modimo, tshepišo ya iri ye e dirwa go bonagala. Le a bona?

141 Elang hloko bjale ge re eya pele. Ke na le bontši mo go bolela ka gona, eupša ke na le e ka ba matlakala a masomepedi, eupša ke . . . a—a dinoutse, eupša nka—nka no se bolelela ka wona ka moka. Le a bona, ke tla hlaganela.

142 Yena o be a širwa ka seširo sa tlhago pele a be a ka kgona go bolela Lentšuu go batho. Bjale, Modimo o swanetše go ikapeša ka Boyena, bjalo ka ge Yena a tshepišitše, ka go seširo sa nama. Modimo! Le a Se hwetša? [Phuthego e re, “Amene.”—Mor.] Modimo o swanetše go itšhira ka Boyena ka nameng ya motho, le go bea seširo sa semoya godimo ga bona, (a re, “Go lokile, Ke nna se gomme Ke nna *sela*”), gore a bolele le batho. Ge seširo sela, e bego e le seširo sa setšo, se kgeitšwe go arogana, ka gona . . . seo ke se ba se bolelago, “Ka baka la eng, matšatši a mehlolo a fetile.”

143 Mothaka o rile go nna letšatši le lengwe, yo—yo monnyane moreri wa Baptist ntle kua, o tllile go nna, Ngwanešu Green, gomme a re, “Ngwanešu Branham, selo sese se setee ke lego kgahlanong le wena.” Yena o rile, “O leka go dira batho go . . .” E be e le tlase ka Ramada Inn, ge re be re na le kopano tlase kua. O rile, “Wena o leka go dira batho go dumela ka go lebaka la boapostola, go phela lehono go swana le ge ba be ba le ka go lebaka la boapostola.” A re, “Lebaka la boapostola le feletše le baapostola.”

Ka re, “Le dirile?”

“Ya.”

Ka re, “Seboleledi e be e le mang ka go lebaka la boapostola?”

Yena a re, “Baapostola ba lesomepedi ka kamoreng ya ka godimodimo.”

144 Ka re, “Gona Paulo o be a tšwele.” Ka re, “Seboleledi e be e le Petro. Gomme Petro o rile, ka Letšatši la Pentecost, ge ba bona dilo tše ka moka di eya pele, gomme Moya wo Mokgethwa o šoma, o rile, ‘Tshepišo ke ya lena, le go bana ba lena, le go bona ba ba lego kgole, le ba bantši ba Morena Modimo wa rena a tllago go ba bitša.’ Ge Yena a sa bitša, gona Selo se se swanago se mo. Lebaka la boapostola le feletše neng gona? Lebaka la boapostola le felela ge Modimo a fetša go bitša.” Yena ga se ake a bolela selo eupša a topa kefa ya gagwe gomme a sepela.

145 Go tšea Lentšuu go e dira. Ke Lentšuu. Jesu o boditše Sathane, “Go ngwadilwe.” Le a bona? Yeo ke yona, “Go ngwadilwe.”

146 Ke rile, “Petro o boletše gore le ka se tsoge la fela. Ba bantši ba Morena a ba biditšego, Tšhegofatšo ye e be e le ya bona. Bjale o re, ‘Yena o eme.’ Neng?”

“Ga go tshenyo ye e dirilwego?”

Ka re, “Aowa, mohlomphegi, le gannyane. Eya pele.” Uh-huh. Thwi fao. Le a bona?

147 Petro o boletše gore e be e le ya yo mongwe le yo mongwe Modimo a tlogo go mmitša, o tla amogela Tšhegofatšo ye e swanago ya boapostola. Leo—le ke Lentšu la Morena. Le a bona?

148 Bjale seširo sa tlhago. Modimo, Lentšu, le širilwe ka nameng ya motho. E be e le eng? Modimo o be a širilwe ka go Moshe. Modimo o be a le ka go Moshe, a širilwe, gomme Bogona bja Modimo bo be bo le ka go yena. Yena o be a phethagetše le Lentšu leo ka go yena ka mokgwa woo, go fihla a swanelwa ke go šira sefahlego sa gagwe. Gomme e be e le moporofeta yo a hlatsetšwego yo a tatolotšego Lentšu gomme a ba botša, “Wena o se ke! Wena o dire! Gomme wena o se ke!” Le a bona?

149 Go fa Lentšu la Gagwe go moloko wola, o itšhirile ka Boyena ka go motho, goba Lentšu le ka be le fofaditše le bona babiletšwa ntle. Le a bona? Le batho ba ba bego ba le ntle kua, ga se ba ke ba kgona go ema go bona seo. Ka go—ka go Ekisodo re hwetša gore, ba rile, “A Moshe a bolele, e se go Modimo.” Le bona gobaneng Pilara ya Mollo e sa tšwelelego kudu? Le a bona?

150 Modimo o rile, “Ke—Ke—Ke tla dira seo. Ke tla ba tsošetša Moporofeta.” Amene! “Ke tla ba tsošetša yo motee godimo.” Gomme Yena o tlile feela tlwa. “Ke tla tsoša, gomme Yena o tla ba le, a ba Lentšu.”

151 Yena o rile, “Ge ba nyaka go bona se Lentšu le lego sona. . . .” O rile, “Bjale, Moshe, Ke tšweletše go wena kua, sethokgwa se se tukago.” A re, “Ke ya go tla fase le go tukiša thaba yela.” O rile, “Ba tla bona gore o boletše therešo. Ke tla tšwelela mo ka go—ka go—go tsela ya go swana e swago. Ke tla tšwelela mo gomme ka netefatša go batho, Ke tla hlatsela bodiredi bja gago.” Seo ke se Yena a se boditšego Moshe mo, mantšu a mantši kudu.

152 Elang hloko, Yena o rile, “Bjale Ke ya go—Ke ya go go tagafatša pele ga batho.” A re, “Bjale, o ba boditše ge Ke kopane le wena ntle kua ka sethokgweng sa go tuka; bjale Ke ya go tla fase, Mollo wo o swanago, gomme ke ya go dira batho ba bone gore ga se wa ke wa bolela maaka ka Wona.” O ka kgona go O netefatša ka seantshe, le bile, ge o nyaka go dira. Le a bona? “Ke ya go tla thwi fase gomme ke ba dire gore ba tsebe.”

153 Gomme ge Yena a thoma go дума, ge Jehofa a thomile go dumiša, batho ba rile, “Aowa! Aowa! Aowa! Se dumelele Jehofa go bolela; re tla—re tla hwa.”

154 Le a bona, Yena o ile a swanelwa ke go širetšwa, ka fao Modimo a itšhoretša ka Boyena ka go Moshe gomme a fa Moshe

Lentšu. Gomme Moshe a tla fase gomme a bolela Lentšu la Morena, ka gare ga seširo godimo ga sefahlego sa gagwe. Yeo ke therešo? Jehofa a širilwe ka go lebopo la moporofeta, ka therešo e be e swanetše ka go felela . . . Gomme Modimo o rile Yena a ka se bolele le bona gape ka mokgwa woo. Yena o tla bolela le bona feela ka moporofeta. Yeo ke tsela e nnoši Yena a ka tsogego a bolela go tloga nako yeo go ya pele. Yeo ke tsela e nnoši a kilego a bolela. Yeo ke therešo. Ga se gwa tsoge gwa ba ye nngwe tsela. Yena ga se a ke a aketša.

¹⁵⁵ Elang hloko, Moshe a nnoši o be a na le Lentšu. Bjale, fao go be go se—se sehlopha se se tllilego fase, fao go be go se feela Bafarasei, goba Basadutsei, goba e be e se ye—ye e itšego tumelo ya motho goba moloko. E be e le Moshe! Yena o bile le monna o tee. Yena a ka se kgone go hwetša ye mebedi goba ye meraro menagano ya go fapana. Yena o tšea monna yo motee. Moshe o be a na le Lentšu, gomme Moshe a nnoši. Joshua le bile o be a se na le Lona. Ga go yo motee gape a bile le Lona. Amene! Joshua e be le mo—mo mogenerale; Joshua e be e le molaodi wa madira; Joshua e be e le modumedi, Mokriste. Eupša Moshe e be e le moporofeta! Lentšu le ka se kgone go tla go Joshua; Le swanetše go tla go Moshe. Yena e be e le moporofeta yo mogolo wa iri. Elang hloko, Lentšu ga se la ke la tsoge la tla go Joshua go fihla Moshe a ile. Aowa, mohlomphegi. Modimo o šoma le yo motee ka nako. Modimo ke o tee. Le a bona? Bjale, Moshe a nnoši o be a na le Lentšu, e sego sehlopha.

¹⁵⁶ Lebelelang, Modimo o sebotitše motho mang le mang go se leke go latela Moshe go ya ka seširong sela; baekiši. Le a bona? Mosadi, monna, moprista, mang kapa mang e bilego yena, wa bomodimo bjang, monna bjang, tlhompho e kae, e be e le ba bakae; Yena o sebotitše, “A Moshe a tle a nnoši! Gomme ge monna mang kapa mang, le phoofolo, e e kgwatha, e swanetše go bolawa thwi fao.” Ba se tsoge ba roba pele ga seširo seo. Seširo seo ke sa motho o tee. Molaetša woo ke wo motee. Le a bona? Ka tempeleng, monna yo motee o be a eya ka gare gatee ka ngwaga, a tloditšwe le go lokišetšwa go ya ka gare; e sego go tliša Lentšu ntle, eupša go neela madi. Go no sepelela ka kua pele ga Sona, yo motee feela. Yo mongwe gape monna o be a ehwa. Le a bona?

¹⁵⁷ Ba hwa semoyeng bjale. Se ke seširo sa semoya. Le a bona? Seo e be e le seširo sa tlhago. Se ke seširo sa semoya. Le a bona? Ba tšwela pele ba sepela thwi go ya pele ka gare ka morago kua, o ka kgona go ba botša. “Oo, ke a tseba! Ke tseba seo, eupša ke . . .”

Ke rile, “Eyang pele, ka moka go lokile, le bolela feela . . .” Le a elelwa, kotlo ya mafelelo ka Egepete e bile lehu, pele ga khudugo. Kotlo ya mafelelo lefaseng ke lehu la semoya, pele ga khudugo. Ka gona ba tla tšhungwa gomme ba bušetšwa morago leroleng, gomme baloki ba tla sepela ntle godimo ga melora ya bona. Eupša selo sa mafelelo ke lehu la semoya, go gana Lentšu.

158 Bjale elang hloko, Modimo o sebotditše motho mang kapa mang go se leke go latela Moshe go ya ka go seširo sa Mollo. Moshe o be a swanetše go širwa, o be a swanetše go tšwela ka ntle ga fao. Moshe o ile ka gare bjalo ka Moshe, o ila ka go Pilara ye ya Mollo; gomme ge a sepeletše morago ntle, o be a širilwe. Ka gore, o ile ka Kua, ka ntle ga ditšo tša gagwe, ditšo tša bagolo. Yena o *bone* Pilara ya Mollo, eupša bjale o ya ka go Pilara ya Mollo. Le a bona? Amene! Gomme o tlile pele, a širilwe. Lentšu la Modimo ka go monna, a širilwe! Šo o tla a sepelela ka ntle, oo, nna, ke kgona go e bona. Sebotšang ga go yo mongwe gape a e lekago, ga go yo mongwe a ka kgonago go ekiša Seo. Bokaone o se ke. Le a bona? Le moprista goba monna yo mokgethwa, mang kapa mang e bego e le yena, khatinale, mopišopo, eng kapa eng gape, e lekago go ya ka gare ga seširo sela, e hwile. Modimo o ba sebotditše. Re ka se be le dikekišo.

159 Lentšu la Gagwe le utollwa go yo motee. Ka mehla go bile bjalo, moporofeta o tlile le Lentšu la Morena, lebaka le lengwe le le lengwe, nako ye nngwe le ye nngwe, go theoga go kgabola Lengwalo. Lentšu le tla go yo motee. Ka go lebaka le lengwe le le lengwe, go swana, le ka go mabaka a a kereke, go tloga go lona la mathomo go ya go la mafelelo. Ba bangwe ba na le mafelo a bona, yeo ke therešo, elang hloko, eupša dulang kgole go tloga go Pilara yela ya Mollo. Le a bona? A thuto ye re ithutago mo! Le a bona, yo mongwe le yo mongwe a nyaka go ba Moshe, gomme yo mongwe le yo mongwe. . . .

160 Le elelwa se Dathane le bona ba se boletšego ntle kua? Ba rile, “Bjale, Moshe, ema mo motsotso feela! O tšeela bontši kudu godimo ga gago mong, le a bona. Bjale, go banna ba bangwe mo bao Modimo a ba biditšego.”

161 Yeo ke therešo. Bona, yo mongwe le yo mongwe yo motee, ba be ba latela gabotse ge feela ba be ba eya mmogo, eupša ge yo motee a lekile go gatela godimo le go tšea leemo la Modimo leo Yena a le fago Moshe, a bego a kgethetšwe pele le go beelwa mošomo woo, a leka go tšea, mollo o tlile fase gomme wa bula godimo lefase le go ba meletša thwi ka go lona. Le a bona? Le a bona? Hlokomelang. Le a bona? E no ba yo mokaone, Mokriste wa Modimo wa bomodimo, wa go dumela Lentšu. Le a bona? Dulang kgole go tloga go Pilara yela. A thuto!

162 Modimo pele o tšweletše go Moshe ka sethokgweng se se tukago, Modimo o be a širilwe ka go Pilara ya Mollo. Bjale theetsang sekgauswi ka nnete bjale motsotso. Modimo, pele o tlile go Moshe, Yena o be a širilwe. Modimo o be a le ka go Pilara ya Mollo, a utilwe morago ka sethokgweng, le a bona; go swana le ka morago ga matlalo, le a bona, morago kgauswi le setulo sa kgaogelo aletareng. Le a bona? Yena o be a širilwe. Yena ka mehla o širilwe. Gomme ge a tlile go Moshe, Yena o be a le ka go Pilara ya Mollo, a širilwe ka go Pilara ya Mollo. Eupša mo, pele

ga batho, Modimo o mo hlatsetše ka Pilara ya Mollo ya go swana. Le a bona? Moshe o rile . . .

¹⁶³ Bjale hlokomelang. A le a bala? [Phuthego e re, “Amene.”—Mor.] A le dumelela menagano ya lena go tsekella tsela ntle? A le ka kgona? Go kgona . . . “Yo a nago le ditsebe, a a kwe.” Le a bona?

¹⁶⁴ Ge Modimo a tšweletše go Moshe, e be e le ka go Pilara ya Mollo, ge Yena a mmiletša go bodiredi bja gagwe. Gomme Moshe o tlile gomme a botša batho ka yona. Bona ga se bake ba e dumela, go le bjalo o dirile mehlolo le dilo. Eupša, nako ye, Yena ka go bonagala, ka saentshe o tšweletše gomme a hlatsela bodiredi bja Moshe go ba Modimo wa go swana yo a boletšego go yena, ka gore Yena o tšweletše ka lebopo la Pilara ya Mollo gomme a tukiša thaba ka mollo. Gomme E tla go Moshe ka sethokgweng, ya bolela le yena. Ka moka gabotse.

¹⁶⁵ Go tšwelela ga Modimo la pele, go Moshe, ka go sethokgwa se se tukago, seširo. Pele ga batho, Modimo a širilwe gape gomme a hlatsela Moshe, ka seširo, ka go itšhira ka Boyena ka Mollo wa go swana, Pilara ya Mollo ya go swana e tlile fase. Go tloga—go tloga nako yeo . . . Go tšwa go bona, ka fao ba kgonne go kwa feela Lentšu la Modimo. Le a e hwetša? Lentšu feela, ba kwele Lentšu la Gagwe. Ka gore, Moshe o be a le, go bona, Lentšu le le phelago. Moshe! Le a bona, Modimo o be a netefadiše Lentšu lela ka Moshe! Le a bona, Moshe o rile . . . Modimo o rile go Moshe, “Eya tlase kua. Ke tla ba le wena. Yena o . . . Ga go selo se yago go ema pele ga gago. KE NNA YO A LEGO GONA.”

¹⁶⁶ Moshe o tla fase, gomme a re, “Le ka no se dumele se, mohlomongwe, eupša Modimo o tšweletše go nna ka go Pilara ya Mollo gomme Yena o mpoditše dilo tše.”

¹⁶⁷ “Oo, re na le ka moka mohuta wa dilo di ya pele.” Farao o rile, “Ka baka la eng!” Modiša Farao o rile, “Go lokile, o na le manka a go tšhipa a maletlana. Ka baka la eng, ke na le boramaletlana mo ba ba ka kgonago go fetola sephente go ba . . . lepara—lepara go ba sephente. Etlang mo, boramaletlana.” Gomme ba tlile godimo kua gomme ba dira selo sa go swana.

¹⁶⁸ Moshe o tsebile. Ga go selo se bego se mo tshwenya. Ba be ba na le baekiši ba bakae, go be go sa dire phapano le ye nnyane. Moshe o ile a no ema go iketla. Selo sa pele le a tseba, ba gagabile tikologong lebakana, gomme, thwi, noga ya Moshe e nno ja godimo tšohle tša tšona. Le a bona? Ka baka la eng? Go swana le bona baapostola, ba be ba sa kgone go Le hlatholla. Moshe o be a sa tsebe ka fao Modimo a bego a eya go e dira, eupša Yena o be a eya go e dira.

¹⁶⁹ Elelwang, Yena o rile Jamboro le Jannes ba tla bowa ka matšatšing a mafelelo, le a bona, dikekišo. “Gomme ba tla fora le bona Bakgethiwa ge go kgonega,” Mateo 24:24. Le a bona? Feela tlwa dilo tša go swana, go dira mohuta wa go swana wa mehlolo

le se sengwe le se sengwe. Hlokomela Lentšu lela! Hlokomela Lentšu lela! Monna o re o dira mohlolo gomme o sa nyaka go dumela gore fao go na le Badimo ba bararo, gomme go ka moka mehuta ye; o tloga go tšwa go mohuta woo. Re a tseba yeo—yeo ke phošo, le a bona, ga go selo se sebjalo. Le a bona? Lentšu, Lentšu le lengwe le le lengwe, Lentšu le lengwe le le lengwe le tšwelego molomong wa Modimo! Genesi, Lentšu le letee! Godimo mo, e rile, “O se ke wa tloša goba go oketša lentšu le letee.” Le a bona, Le swanetše go ba Lentšu leo le le swanago. Le a bona?

¹⁷⁰ Elang hloko, batho ba bone se sengwe seo se diregilego. Moshe o be a širilwe bjalo ka. . . Yena e be e le moporofeta, gomme Modimo o hlatsetše Lentšu la Gagwe bjale, a ya tlase kua. Gomme O bone maswao le dimaka. Gomme ka gona, ka moka gabotse, batho ba ba ile ba aroganywa ka bobona, kereke. Le a bona, *kereke* e ra “babiletšwa ntle.” Le a bona? Ka morago ga ge ba bileditšwe ka ntle ga lefase gomme ba ba batho, le a bona, ka gona Modimo a itira ka Boyena go tsebja gore Yena o be a le Pilara yela ya Mollo. Yena o netefaditše molaetša wa Moshe. Le a bona? Yena o be a le Pilara yela ya Mollo. Ba ka noba ba tšere seswantšho sa Yona, ke a thanka, ge eba ba na le dikhamera, ka gore ka moka e be e le Mollong. Eupša ba—ba netefaditše gore, Modimo o netefaditše gore Molaetša o be o rereša. Molaetša o be o le kgauswi, se sengwe le se sengwe se be se le, ba be ba eya go hudušwa nako yeo. A širile moporofeta wa Gagwe go batho ba ba khudugo.

¹⁷¹ Batho, a nagana, ba bone se sengwe se diregile go yena. Yena o be bjale o be a fapana go tšwa go bohle ba Baisiraele. Yena o be a fapana, molaetša wa gagwe o be o fapana, o be a fapana le baprista, o be a fapana le se sengwe le se sengwe. Le a bona, e be e le motho wa go fapana. Batho ba bone gore se sengwe se diregile. Modimo o be a itšhirile ka Boyena ka go moporofeta wa Gagwe, go bolela Mantšu a Gagwe go bona. Seo ke Yena a se dirilego. Moshe e be e le Lentšu lela le phelago go batho, le širilwe ke Pilara ya Mollo, le bolela se se bego se tlile go širwa moragorago ka morago ga matlalo a kgoogo. Le a bona?

¹⁷² Lentšu le ile la swanela go tšwa go Moshe, pele. Le a bona? Moshe o be a na le Lentšu. A be a ngwadilwe ke Modimo, ga go yo a bego a ka kgona go A hlatholla, Moshe o ila a swanelwa ke go A hlatholla, pele. Leo ke lebaka le a ilego a šira sefahlego sa gagwe, ka gore o. . . A le a Le bona? [Phuthego e re, “Amene.”—Mor.] Le a bona?

Lona *šele*. [Ngwanešu Branham o topela Beibele ya gagwe godimo—Mor.] Re ka kgona go E topa, ra E rwalela godimo, le se sengwe le se sengwe gape fao, eupša Le swanetše go utollwa. Gore a utolle, Moshe o ila a swanelwa ke go ba Modimo go batho.

Le re, “Seo ke ditšiebadimo.”

173 Ka baka la eng, Yena o boditše, le bile o boditše Moshe, ka Boyena, “Wena o tla ba Modimo, gomme Arone e tla ba moporofeta wa gago! . . . ? . . .” Le a bona? Ka fao Yena šole o a tla, le a bona, Yena o be a swanetše a itšhirile ka Boyena, ka gore Modimo ka mehla o ka morago ga seširo. Oo, nna! A le a Le bona? [Phuthego e re, “Amene.”—Mor.] Modimo o utilwe go setšhaba.

174 O rile, “Tate, ke leboga Wena, Wena o Le utetše ba bohlale le ba tlhaologanyo, gomme o Le utolotše go masea, go bona ba ba nyakago go ithuta.” Le a bona?

175 Modimo o utilwe ka morago ga seširo. Moshe o be a šira sefahlego sa gagwe. Moshe e be e le Lentšu le le phelago le širilwe nako yeo. Batho ba bone Pilara yela ya Mollo, ba re, “Bjale re kgotsofetše.” Le a bona? “A Moshe a bolele.” Le a bona? “O se ke wa lesa Modimo go bolela, go sego bjalo re tla hwa.” Moshe o sepeletše thwi ka go Pilara yela ya Mollo. Le a bona?

176 Gomme a re bjale, Yena o rile, “Bjale Nna—Nna nka se bolele go bona gape ka mokgwa wo. Ke tla ba fa moporofeta.” Le a bona? Gomme yeo ke tsela ye Yena ka mehla a e dirilego. Le a bona? O rile, “Bjale a ba ye godimo.” Eupša moporofeta yo o swanetše go ba le Lentšu le. Ge a širilwe ka setšo, Modimo ga se a tsoge a mo roma. Ge a širilwe ka Lentšu, Modimo o tla Le hlatsela. Modimo o hlatholla Lentšu la Gagwe Mong. Moshe o A boletše; Modimo o A hlatholotše. Amene.

177 Moshe o rile, “Morena o boletše bjalo!” Gomme Morena o dirile feela se Yena a se boletšego. Seo se Le dirile go rereša.

178 Bjale Yena o rile, “Bjale, Moshe, o a kwešiša. Batho ba a kwešiša bjale. Le a bona, Ke go laeditše, ke go hlatsetše.” Modimo o be a itšhirile ka Boyena ka go moporofeta yo, go bolela Lentšu la Gagwe go batho. Moshe e be e le Modimo wa go phela go bona, Lentšu la Modimo la go phela le dirilwe go bonagala. Leo ke lebaka le sefahlego sa gagwe se širilwego. Le a bona?

179 Gomme a le tseba selo sa go swana ka go Mokriste wa mmapaale se širilwe lehono, go mosedumele? Ba bona bona basadi ka moriri wo motelele le dilo, ba re ke. . . “Lebelelang mohuta wola wa kgale.” Basadi ba photha moriri wo motelele wa bona godimo ka morago, ba re, “O na le thaere ya go phohla, thaere ya sephere godimo kua.” Le a bona, ka moka Le širilwe. Ba fofetše. “Oo,” ba re, “Ke na le Ph.D, L. . . .” Ga ke tshwenyege ka se o nago naso, o sa no hloka tsebo go Lentšu. Therešo tlwa. “Oo, seo, seo e no ba se sengwe se sennyane. Ke. . . .” Tšeang dithuto tše nnyane pele.

180 Go reng ka batho ba ba rego ba širilwe ka go Bogona bja Modimo, gomme ba rera setšo se sengwe sa kereke? Oo, kgaogelo, mmalo! Ba ba oketšago le go tloša go tšwa, le se sengwe le se sengwe gape, ke go hlabela dithuto tša bona beng le dikgopolo tša bona beng, gomme e sego Lentšu la Modimo, le a bona, ke

seširo sa mohuta mang? Seo se na le seširo sa bohlale. Modimo o kgeitše seširo sela go bulega ka bopepetla!

¹⁸¹ Ba rile, “Fao ga go selo se se bjalo ka baporofeta. Fao ga go selo se se bjalo, ka mo matšatšing a mafelelo, bjalo ka baapostola le baporofeta. Fao ga go selo se se bjalo ka phodišo ye Kgethwa. Fao ga go selo se se bjalo ka baboni, gape. Fao ga go selo se sebjalo ka Mareka 16 e phathagaditšwe. Lebaka la boapostola le fedile.” Ba Le širile go tloga go batho. Eupša Modimo o sepeletše thwi ntle ka Moya wo Mokgethwa wa Gagwe le Mollo, gomme a kgeila selo seo go tloga godimo go ya fas- . . . [Lefelo la go se be le selo godimo ga theipi—Mor.] Modimo o kgeitše seširo.

¹⁸² Moshe e be e le seširo, Lentšu la go phela la Modimo le širilwe ka morago ga nama ya motho. Pilara ya Mollo e be e le ka go Moshe, ka therešo, e bolela se se bego se tšile go širwa moragorago ka morago ga matlalo, le a bona.

¹⁸³ Bjale, gore, Lentšu, Lentšu le be le tlišitšwe pele, ka gona Le be le ngwadilwe ntle, ka gona La bewa ka morago gomme le sa širilwe, ka gore Modimo ka mehla o be a le ka go Lentšu lela. Amene! Yena ke Lentšu, ka mehla. Yena o be a le ka go Lentšu lela. Ke ka lebaka leo Lentšu lela le bego le swanetše go širwa.

¹⁸⁴ Oo, ngwanešu, kgaetšedi, a le a Le swara? [Phuthego e re, “Amene.”—Mor.] Lebelelang! A ga le bone? Le be le širilwe go kgabola mabaka a, go ya ka se Modimo a se boletšego, gomme Le tla bulwa ka matšatšing a mafelelo, Mahuto ao a Šupago a tla robja, gomme Selo sa go tlala se tla tla ponagalong go batho, seo se diregilego ka moka mmogo. Iri ya Molaetša wa morongwa wa bošupa, ka moka diphiri tša Modimo di swanetše go dirwa go tsebja ka go Eliya yoo, iring ye ya mafelelo; ka fao Kriste a beilwego ka ntle ga kereke ya Gagwe, Morwa wa Modimo; ka fao Yena a utolotšwego bjalo ka Morwa wa motho gape; ka fao Kereke e tla bewago ka lenaneo, gomme se sengwe le se sengwe go letšatši la mafelelo, ga go thutotumelo, ga go kereke ya leina, feela ka go felela Lentšu le phela ka go motho ka motho. “Ke tla tšea yo motee, gomme ka tlogela yo motee. Ke tla tšea *yo*, gomme ka tlogela yo motee *yola*.” Le a bona? Fao go no ba. . . Fao ga go manti, ga go dikereke tša maina, ga go ditlemo goba selo; ke pelo le Modimo, gomme Yena a nnoši. Le a bona?

¹⁸⁵ Elang hloko, o širilwe ka go nama ya motho. Moshe ka Lentšu lela, go bolela seo se bego se etla go bewa ka morago ga letlalo la kgoogo moragorago. Ka fao seo. . . Ka fao Kriste ke Moshe wa rena. Kriste ke Moshe wa rena. Yena e be e le Modimo a širilwe ka nameng ya motho, a širilwe ka mothong, ka nameng. Yeo ke therešo. Gomme Yena o a swana maabane, lehono, le go ya go ile. Yena o be a širilwe ke matlalo a kgoogo. Yena o be a širilwe. Gomme nako ye o be a širilwe ka go Monna. Le a bona? Bjale elang hloko, “wa go swana maabane, lehono, le go ya go ile,” o tšhepišitše Lentšu la Gagwe go lebaka *le*. Yena e sa le Kriste,

Lentšu le le tshepišitšwego la lebaka le, a širilwe ka nameng ya motho. Lentšu ke Modimo.

¹⁸⁶ Tlotšo ke motho. Lentšu *Kriste* le ra “yo motee a tloditšwego,” le a bona, “yo motee a tloditšwego.” Gona, Moshe e be e le *Kriste* wa matšatši a gagwe, o be a le yo motee a tloditšwego. Jeremia e be e le *Kriste* ka matšatšing a gagwe, ka karolo ya Lentšu ya Letšatši leo.

¹⁸⁷ Eupša ge Jesu a tlile, Yena o tlile bjalo ka Molopolodi Motlotšwa yo Motee; gomme yo e be e le mmogo Moshe le ka moka ba ba bego ba le ka go Moshe, gomme ka moka Lentšu, le ka moka Bomodimo mmeleng bo be bo le ka go Yena. Leo ke lebaka le seširo sohle sa tempele se kgeigilego, gomme setulo sa kgaogelo sa tla ka go ponagalo ya go phethagala, Yena e be e le Motlotšwa o tee.

¹⁸⁸ Elang hloko bjale, seširo ka nameng ya motho, Lentšu le le tshepišitšwego la lebaka le le lona le swanetše go širwa. Elang hloko. Maloko a kereke ba ba ratago sebe le badiradibe ba ka se kgone go Le bona ka baka la seširo sa motho.

¹⁸⁹ Ke ka lebaka leo ba sego ba kgona go Mmona. “Ke baka la eng, Yena ke monna. Yena o tšwa kae? Ke karata efe ya kopanelo Yena a nago le yona? Yena ke wa kereke efe?” Ke nyaka go bolela ka seo bošego bjo, “Yena ke wa kereke efe?” Le a bona? Gomme ka fao, le a bona, bjale, “Yena ke wa kereke efe, sefe—sefe sehlopha? Ke sekolo sefe Yena a nago naso? Yena o hweditše kae thuto ya Gagwe? Go lokile, Monna yo o tswetšwe, go ya ka setšo, goba go ya ka—ka nonwane ya Gagwe tikologong mo, Monna yo o tswetšwe ka ntle ga lenyalo le lekgethwa. Ka baka le eng, Yena, nnete, Yena ke wa diabololo. Le a bona, Yena—Yena ke wa diabololo. Yena o tswetšwe ka ntle le lenyalo le lekgethwa, gomme Josefa o nno mo nyala go mmoloka go kgatlweng ka maswika, ka gore o be a le seotswagadi. Gomme Monna yola o tla go dikologa gomme o botša rena baprista se re swanetšego go se dira?”

¹⁹⁰ Gomme go be go le Modimo a eme fao, a utolla Lentšu leo, a lla, “Modimo wa Ka, ka baka la eng Wena o Ntlogetše?” Tšona dikoša tše ba bego ba di opela ka tempeleng, tšeo Dafida a ba diretšego tšona mengwaga ya go feta, di era *Kriste*. “Ka moka marapo a Ka a Ntebeletše. Ba hlabile diatla tša Ka le maoto a Ka.” Gomme ba be ba eme fao, ba opela yeo, gomme yena Monna a ehwa sefapanong. Gomme ge ba feditše gomme se. . .

¹⁹¹ Ge Yena a hwile, Modimo wa Legodimo a tla fase, go swana le ge Yena a dirile Thabeng ya Sinai, ka Mollo wo Mokgethwa, gomme a tšhuma seširo sela sa tempele go tloga godimo go ya fase, wa se kgeila go arogana. Gomme ba be ba ka kgona go dira eng? Go lebelela thwi kua ntle ka lefasetere la tempele, godimo ga Khalibari, gomme fao go be go le Modimo ka ponagalong ya pepeneneng, Sehlabelelo.

¹⁹² Eupša ga ba Le bone le bjale, lehono. Modimo ka mo letšatšing la mafelelo o kgeitše go tloša ditšo tšeo, gomme a tliša Lentšu la lebaka le thwi ka ponagalong ya pepeneneng, gomme le bjale ga ba Le tsebe. Ba no se Le tsebe. Le—le bonolo kudu. Le a bona, le no ba bonolo kudu. Le kgole kudu go tloga go dilo tša lefase.

¹⁹³ Ke rerile letšatši le lengwe ka kgobokanong ye e itšego, ka, “Go ba nnate.” Le letee la matšatši a ke nyaka go bolela ka, “Go ba nnate.” Ka moka re dinnate go yo mongwe, ka fao—ka fao ke tla ba e tee go Kriste. Paulo o rile “o be a balwa go ba lešilo.” Nnete, o swanetše go ba. Le a bona, go tšea go ba nnate go swara dilo mmogo. Le a bona? Yeo ke therešo.

¹⁹⁴ Bjale elang seširo hloko, nama ya motho. Aowa, bjale, batho ba go rata sebe ga se ba kgona go bona seo. Batho bao ba bodumedi bja setšo, ga se ba kgona go bona seo, ka gore Yena e be e le monna. Ka baka la eng? Nama yela ya motho e be e e utile Modimo.

¹⁹⁵ Bjale, ge Yena e be e le Pilara ye kgolo ya Mollo ye e tllilego fase, le a bona, Pilara ye kgolo ya Mollo e be e tllile fase le go ba laetša seo Yena a bego a le sona, gore Yena e be e le Pilara ye kgolo ye ya Mollo, ba ka no ba ba dumetše seo; ge Jehofa a ka be a ile go dikologa.

Eupša le bona se Yena a se dirilego, gore Yena a fete bona ka moka dihlahlefi, batho ba bohlafe, Yena o nno ikutolla ka Boyena go swana le ge a tshepišitše Moshe, le a bona, “Ke tla bolela le bona ka Moporofeta.” Gomme Yena e be e le Morwa ya motho, Moporofeta. Gomme ba bangwe ba bona ba Le lemogile, e ka ba lekgolo le tee la peresente la lekgolo le letee lefase, ba Le dumetše; bohle ba bona ga se ba dira. Eupša, Yena o be a le, go no swana.

¹⁹⁶ Eupša fao go be go le Ramaatla Modimo a eme ka ponagalong ya go tlala, Setulo sa Kgaogelo! Yena o hwile ge bana ba Gagwe Mong ba re. . . Bana ba Gagwe Mong kua, ba re, “Rena re ka se be le Yena! Kgole ka Yena!” Ba Mo tshwela.

¹⁹⁷ Seswantšho, tsela morago, ge Dafida a be a tlogela tempele, kgoši ye e gannwego. O ile tlase go kgabola seterata, gomme yo monnyane, wa kgale moisa wa segole a abula mmogo, ga se ake a mo rata, o mmoditše “moikaketši wa kgale” goba se sengwe, a tshwela thwi ka sefahlegong sa gagwe. Gomme mošireletši yola a goga tšhoša, a re, “Ke tla tlogela hlogo ya mpša yela e dutše godimo ga gagwe; gomme o tshwela godimo ga kgoši ya ka?”

¹⁹⁸ Dafida o rile, “Mo tlogele a nnoši, Modimo o mmoditše seo.” Dafida go molaleng ga se a tseba se a se boletšego. O ile godimo thabeng, a lebelela morago, a lla.

¹⁹⁹ Makgoloseswai a mengwaga go tloga fao, Morwa wa Dafida o be a namela thaba ye e swanago, a lebeletše ntle, a llela

Jerusalema, Kgoši ye e gannwego. Gomme ba tshwetše ka sefahlegong sa Gagwe.

200 A ga le bone? Ke selo sa go swana. Le bona Lentšu lela le etla pele fase, le latela pele fase lehono? Ka mehla le ganwa ke bontši, le a bona, gomme le dumelwa ka bonnyaneng.

201 Bjale, le a bona, ga se ba kgone go Le dumela. Bagerika bale, ga se ba kgona go Mmona, Yena o be a le ka tempeleng ya Gagwe ya motho. “Ka baka la eng,” ba rile, “monna yo leina la gagwe ke Jesu; Yena o tšwa Nasaretha.”

202 Bjale, ba be ba na le leina le letsee feela fao ka go wona matšatši. Bjalo ka, “John, Jim,” ba re, “John go tšwa Jeffersonville, Jim go tšwa New Albany,” goba se sengwe go swana le seo, le a bona.

203 Yena o rile, “Yo ke Jesu go tšwa Natsaretha. Ka tlwaelo go dumelwa gore mme wa Gagwe o imišitšwe ke lesole.” Le a bona? Gomme ka gona seo ke tlwa se ba bego ba se dumela. Nnete! Gomme o re ba rile, bjale, “Gomme yo ke Jesu wa Natsaretha.” Le a bona? “Ke mang Yena?” Le a bona, ga se ba kgone go kwešiša Seo.

204 Eupša, ka baka la eng, Lentšu le la letšatši leo, ge Yena a be a rera, o rile, “Puruputšang Mangwalo. Ka go Wona le nagana gore le na le Bophelo bjo Bosafelego, gomme ke Wona a pakago gore Ke nna Mang. Ge le sa kgone go dumela Nna; lebelelang Nna, bjalo ka seširo, dumelang Lentšu le le tlogo pele. Bobedi ke bohlatse,” Yena o rile, “Ke a bolela gomme Tate o a Mpolella.” Amene. Yeo ke therešo.

205 Ke bolela ka Lentšu la letšatši le, gomme Tate o a Le tiiša. Bjale a leo ke hlatse go lena? [Phuthego e re, “Amene.”—Mor.] Ke lona, le a bona. Woo ke mokgwa wo le swanetšego go phethagatšwa.

206 Elang hloko ka go Bakorinthe ba Bobedi bjale, ya . . . ka go Bakorinthe ba Bobedi, ya 3 tema, ya 6 temana, tempele ya kgale e be e beile Modimo ka morago ga matlalo a kgale, go tšwa go Bajuda. Ge seširo sa kgale se kgeilwa, go le bjalo Bajuda . . . ba be ba fofaditšwe gore Yena o be a le Mang, gomme Yena ke Mang bjale. Gomme nako yeo Pentecost e utolotše gore Modimo wa therešo wa go phela e be e le mang, ge seširo sela se ripša ka bobedi, le Modimo, go tloga godimo. Ka baka la eng seširo sela se dira seo? Ka baka la eng se dira seo?

207 Ka baka la eng fao go etla Molaetša wo mobjalo go dira se O se dirilego? Ka baka la eng O tlile? Ka baka la eng?

208 Fao go bile yo mongwe a bego a eya go mpitša, letšatši le lengwe mo e sego telele go fetile, a nyake go phegišana le nna ka le—le lebaka la kereke, gore, “Modimo o be a le ka kerekeng ye kgethwa ya Gagwe,” le dilo tša go swana le tšeo. Gomme ka hwetša ntle o be a le moreri wa mosadi, gomme ke ile ka lebala

ka yona. Le a bona, ge nkabe e be e le monna e be e eya go ba ka moka gabotse, e be e tla ba phapano. Eupša, ka fao, eupša go thuša eng go ya godimo ka go naga ye nngwe kua, ge ke swanetše go tlogela kopano mo go e dira, le a bona? Ka fao ke nno ba tlogela ba nnoši. Sefofu se hlhla sefofu, tšona—tšona ka moka di wela ka moleteng.

²⁰⁹ Ka fao, ka fao bjale ke go lebaka le, ge lešira la kgale la kereke ya leina le setšo le kgeitšwe, go tšwa go Lentšu la Modimo, ka fao Le kgona go bonagatšwa! Le bona se ke se rago? Setšo se re, “Ka moka dilo tšeo di fetile.” A Lona le nwelele gannyane kudu. “Dilo di fetile.” Eupša, ka go letšatši le la mafelelo, seširo sela sa setšo se kgeitšwe go arogana, gomme mo go eme Pilara ya Mollo. Le a bona? Šo Yena, o bonagatša Lentšu la letšatši le. Seširo se kgeitšwe.

Bjale, lefase, le bjale ga ba Le dumele. Ga go kgathale eng, ga ba Le bone. Ga ba Le bone. Le be le se la romelwa go bona.

²¹⁰ Elelwang, Morwa wa Modimo ga se a utollwa go Sodoma; batseta ba babedi ba bile. Yeo ke therešo.

²¹¹ Eupša, yo, Modimo ka Boyena ka nameng ya motho o utolotšwe go Abraham, Mokgethiwa. Gomme hlokomelang se Yena a se dirilego go utolla Boyena. Gomme bjale Abraham o tsebile, ge Yena a tsebile se se bego se le ka mogopolang wa Sarah ka morago ga Gagwe, o rile, O Mmiditše, “Elohim! Wa Gago mohlanka . . .”

²¹² Elang hloko bjale, go kgona go bonagatšwa. Lentšu le bile le seširo godimo ga Lona ka moka mengwaga ye, go batho, “E ka se kgone go dirwa.”

²¹³ Le elelwa thero ye ke e rerilego mosong ge ke be ke tloga mo nako ya pele, ka Goliata le Dafida? Ke rile, “Lebelelang mohlohli ntle kua, o bolela gore ‘matšatši a mehlolo a fetile.’”

Hlokomelang tšona ditheipi ge di etla tlase, hlokomelang ye nngwe le ye nngwe e tee, ka fao Le tlogo ka gare molaleng le molaleng go feta; ge o na le ditsebe go kwa, go bona, mahlo go bona.

Eng? Ke rile, “Fao go eme lefase le legolo la mahlale ntle kua, le a bolela ka go lebaka le la saentshe, gore e ka se kgone go dirwa.” Eupša ke rile, “Modimo . . .” Ka Seetšeng sela, pele Se ka be sa tšewa, eupša gatee; ga se nke ya tšewa nako yeo. Se be se le tlase nokeng kua; ga se bake ba tšea seswantšho sa Sona. Le a bona? Ke rile, “Yena o mpoditše gore e tla dirwa; Yena o tla dira pitšo gomme e tla swiela ditšhaba.”

²¹⁴ Gomme le Ngaka Davis, o rile, “Wena, ka popopolelo ya thuto ya sekolo, o phasitše ka go kereiti ya bošupa, o tla be o rapelela magoši le bakgoma, gomme o tla thoma tsošetšo ye e tla swielago ditšhaba?”

Ke rile, “Seo ke se Yena a se boletšego.”

215 Gomme e dirilwe. Le a bona? Le a bona, e dirilwe. Seo ke selo sa yona, ke, Yena ga se a nyaka tlhathollo. Yena o e dirile. Le a bona, Yena o šetše a e dirile, yeo e itlhatholotše ka boyona, le a bona, o bitša Bakgethiwa ba Gagwe, le a bona, go tšwa—go tšwa go ka moka mesepelo ya bophelo. Bjale e dirilwe go bonagala.

216 Ke boletše gore Dafida o eme ntle kua, yo monnyane, wa nthathana, kgogorothwana ya moisa ka magetla a gagwe ka moka a kobametše ka gare, seragamabje ka seatleng sa gagwe. Gomme, ka baka la eng, Saulo a mo lebelela, hlogo ya lekgotla la bodiredi, a re, “Ka baka la eng, wena, le bile ga se wa thwasišwa!” Yena o rile, “A ke bone ge nka kgona go go fa Ph.D. goba se sengwe.” A bea tlhamo ye godimo ga gagwe, yona. . . Yena a hwetša ntle e be e sa lekane monna wa Modimo.

217 A re, “Tloša selo go nna.” A re, “Ga ke tsebe selo ka seo.” A re, “A ke yeng ka tsela ye ke e tsebago, ye ke lwelego le tau ka yona, ye ke lwelego le bera ka yona.” Yena e be e le mohuta wa monna wa sethokgwa. Yena o rile, “A ke yeng ka tsela ye.”

218 Gomme Goliatho yo wa kgale o rile, “A le romela mpša ntle go lwa le nna?” A re, “Ke tla go topa ka ntlha ya lerumo la ka gomme ka lekeletša setoto sa gago godimo kua gomme ka dira dinonyana di se je.”

219 Dafida a re, “Wena o kopana le nna bjalo ka Mofilisita, le ka tlhamo le lerumo, gomme ke tla kopana le wena Leineng la Morena Modimo wa Israele.” Hlokomelang moporofeta, Dafida, a re, “Lehono ke tla ripa hlogo ya gago go tloga legetleng la gago.” Amene! Oo, nna! Yena o tsebile se a bego a na le sona, Yo a mo dumetšego, gomme o be a fenyegile ka botlalo Yena o be a kgona go boloka seo a se gafetšego go Yena. Le a bona? Ka fao e dirilego go le bjalo.

220 Polelo ya kgale, “Matšatši a mehlolo a fetile,” leboto le phušuletšwe fase! Jehofa o sa eme ponagalong ya go tlala, a bonagatša Lentšu la Gagwe, yo Motee a apotšwego. Yeo ke therešo. Elang hloko.

221 Kereke ya Bantle le yona e fufaditšwe go tšwa go seširo, ka morago ga ge e phušutšwe le go laetša Modimo, seširo sa mahlale. Bjang? Ka go šira Lentšu ka go motho gape. Seo ke tlwa Israele e paletšwego ke go se bona. Ge nkabe e bile Morongwa yo mongwe goba se sengwe, Israele nkabe e Le dumetše. Eupša ka go se kgone go ba Morongwa, e ile ya swanela go ba monna. Amene!

Modimo a ka se kgone go roba Lentšu la Gagwe. Ka matšatšing a mafelelo e swanetše go ba selo sa go swana gape. Le a bona? Ke eng se se fufaditšego Israele? Monna yola. “Wena o Monna o itira Modimo ka Bowena.” Seo ke se ba Mmolaetšego sona, gomme, lehono, ka gore Molaetša o tla ka monna gomme e sego Barongwa. Le a bona? Modimo ga a kgone go fetola tsela ya Gagwe, go fetola Lentšu la Gagwe. Yena o boletše gore Yena ga se a ke a fetoga. Le a bona? Elang hloko, tšhepišitšwe! Gomme

Bantle ba nno fougala lehono go swana le ka fao Israele e bego e le, ka baka la (eng?) seširo. Modimo a širilwe ka go motho, o fougaditše Israele.

Elang hloko, ka mehla o fougaditše yo motee. Yo motee, Le tla fougatša; yo mongwe, Le tla utolla Therešo. Le tla tswalela mahlo a ba bangwe, gomme la bula mahlo a yo mongwe.

222 Lebelelang, Jesu o eme gomme a re, “Go lokile, leina la gago ke—ke—ke Simon, gomme leina la tatago ke Jona.”

Yena o rile, “Morena Modimo!” Le a bona? Filipi . . .

Yena o rile, “Wena o ntsebile bjang?”

Yena o rile, “Bonang Moisiraele, yo ka go yena go sego bomenetša!”

Gomme o rile, “Rabi, Wena o ntsebile neng?”

223 Yena o rile, “Pele Filipi a go bitša, ge o be o le ka tlase ga mohlare, ke go bone.”

224 Yena o rile, “Rabi, Wena o Morwa wa Modimo. Wena o Kgoši ya Israele.”

225 Go lokile, go be go eme bale fao, ba re, “Yena ke Beletsebubu.” Le a bona? Le dirile eng? Le butše mahlo a yo motee, la fougatša yo mongwe. Baprista ba boletše eng? “Ka baka la eng, Moisa yola ke Beletsebubu!”

226 Mosadi yo monnyane o rile, “Ke a tseba Mesia o etla, yo a bitšwago Motlotšwa o Tee. Le a bona, Motlotšwa o Tee o tla tla. Ga se ra ba le baporofeta . . . Wena o swanetše go be o le moporofeta. Eupša Motlotšwa o Tee o tlla tla. Re Mo lebeletše. Le ke matšatši a mafelelo go Bantle . . . goba go Bajuda.” O rile, “Le ke letšatši la mafelelo.” Le a bona, mmogo Mosamaria le Mojuda ba be ba lebeletše Mesia. Le a bona? O rile, “Ye ke nako ya Gagwe ya go tšwelela. Re a tseba, ge Yena a etla, Yena o tla dira dilo tše. Yena o tla re botša dilo tše.”

Jesu o rile, “Ke nna Yena.”

Mahlo a gagwe a ile a bulega; maphodisa, baprista ba be ba fougaditšwe.

227 Seo ke se Ebangedi ka mehla e se dirago. E bula mahlo a ba bangwe, ya utolla Therešo go ba bangwe, mola E fougatša ba bangwe; e na le polelo ya go menwa gabedi. Ba bangwe ba ka kgona go tšea Morwa yola gomme ba lebelela go otlologa ka go Yona, gomme ba ya go fougala; ba bangwe ba ka kgona go E tšea gomme ba sepelela ntle le Yona. Ke phapano.

228 Bjalo ka ge go dirilwe ka go lebaka le lengwe le le lengwe, Bomodimo bo be bo širilwe ka nameng ya motho. Elang hloko, Yena o dirile. Baporofeta e be e le Bomodimo, bo širilwe. Ba be ba le Lentšu la Modimo (a yeo ke therešo?) le širilwe ka nameng ya motho. Ka fao, ga se ba ke ba ela hloko Moshe wa rena le bona, le a bona, Jesu.

229 Hlokomelang la go širwa ka morago ga a kgale matlalo a kgoogo ka tempeleng ya kgale, e be e le Lentšu, e be e le Lentšu le bonagaditšwe godimo ga dipapetla tša leswika.

230 Bjale, ke ya go leka go tloga ka go metsotso ye e ka bago masompedi bjale, ge nka kgona, go e dira seripagare go tšwa go lesometee. Elang hloko, ge le ela hloko, ke phutholotše matlakala a mangwe mo, le a bona, go gore ke tšhabe go hwetšeng . . . go boloka go tšwa go ripa . . . go o dira wo motelele kudu. Ke a tseba le a fiša, le lapile.

231 Ka morago ga tempele ya kgale, ka gare ga seširo, go be go le eng morago ka morago kua? Jehofa e be e le eng? Go be go utilwe eng morago kua? Seširo se be se utile eng? Oo, haleluya! Seširo se be se utile eng? Se be se utile Lentšu. Seširo, matlalo a kgale a kgoogo, a be a utilwe, a utile Lentšu go mahlo a bona, a tlhago. Ka morago ga kua, gape, go be go le borotheo bja go bona. Morago kua, gape, go be go le Seetšaponagalo sa Letago. Eupša ka moka Se be se utilwe go tloga go bona. Se be ka moka se utilwe. Ka moka Letago la Modimo le be le le thwi ka morago ga letlalo lela la kgale la kgoogo, yeo ke therešo, ka moka go utilwe go leihlo la tlhago.

232 Ke lona lehono, gape. Le bitšwa “sehlopha sa bapshikologi bakgethwa, mahlanya,” eupša ga ba tsebe se se utilwego ka morago kua. Seo ke se ba sa se tsebe go. Le a bona?

233 Nako yeo ge Modimo, ka kgaogelo, a kgeila seširo gore bona ba kgone go bona, ba be ba phuthetšwe godimo kudu ka go ditšo tša bona ba . . . le be le sa utilwe go bona, le go le letšatši.

234 Go a swana bjale! Letago, Maatla a Moya wo Mokgethwa, Seetšaponagalo sa Letago se se tlogo godimo ga modumedi, bjale ke ra modumedi wa nnete, yo a hlolago mediro ya Modimo le tumelo go tla go yena, go dumela Lentšu la Modimo, le ka moka le utilwego go wona mahlo. Ba re, “Tšona dilo di fetile.” Le a bona, ba sa phela ka morago ga seširo.

Lena ga le ka morago ga seširo sela gape, ba bannyane ba Batee, Modimo o tlile ka ponagalong ya go tlala ya lena.

235 Letšatši le lengwe, Ngwanešu Fred Sothmann, Ngwanešu Tom Simpson . . . ga ke tsebe ge eba o kile a tla mo goba aowa. Ba mmalwa ba rena ba be ba le godimo ka kerekeng ya Baptist, gomme modiredi o boletše se sengwe se se kwagetšego botse gabotse. Ka moka ga rena ra re, “Amene!” Yo mongwe le yo mongwe ka kerekeng a otlollela molala wa bona godimo le go lebelela morago. Le a bona? Le a bona? Re hweditše lerathana la go tšwa ka morago go Seetšaponagalo kua, le a tseba, gomme re be re thabetše go le hwetša. Re rile, ka mantšu a mangwe, “Re leboga Wena, Morena!” Le a bona? Gomme, ge ba dirile, baisa ba ba be ba širilwe kudu ba ile ba no e sega. Ba be ba sa tsebe se E bego ka moka e le sona. Le a bona? Ba sa širilwe. Ka fao, fao go ba bangwe ka gare le ba bangwe ka ntle. Gomme ka fao . . .

Eupša Modimo o ka ponagalong ya go tlala ya rena, o utilwe. Sa go swana bjale!

²³⁶ Nako yeo ge Modimo, ka kgaogelo ya Gagwe, a kgeila seširo, Yena o tlišitšwe ka ponagalong ya pepeneneng. Eupša, ba be ba phuthetšwe kudu ka ditsong tša bona, Yena o be a sa utilwe go tloga go bona.

Go swana bjale! Ka moka Letago lela, le utile, le utetšwe rena ka go Kriste, Lentšu, Yo e lego Tempele ya rena.

²³⁷ Oo, bjale, ke ya go swanelwa ke go epa fase ka go se gannyane bonnyane. Ntshwarele ka maikutlo a ka mosong wo, eupša, oo, ke—ke nyakile go fa se ntle botelele bjalo, ke...e nno tlema godimo ka go nna. Le a bona?

²³⁸ Elang hloko, ka moka Letago le le lego ka go Modimo le ka go Lentšu. Ka moka ditšhegofatšo tše di lego ka go Modimo di ka go Lentšu. Le utilwe, go mosedumele, ka ditšo. Le bona se ke se rago? Eupša Le ka moka ka go Kriste. Ka moka se Modimo a bego a le sona, Yena o *kgotholetše moka ka* Boyena, “kenos,” gomme o tlile ka go Kriste; gomme rena, ka go Kriste, re ka morago ga seširo.

²³⁹ “Go lokile, nna ke ka go Kriste,” o re. Gomme ka gona le a dumela gore go Badimo ba bararo? Le kolobetša leineng la “Tate, Morwa, le Moya wo Mokgethwa”? Le dumela ka go ka moka ditšo tše le dilo tše le dumelago ka go tšona, tša bagolo? Aowa, le sa le ka morago ga seširo. Le a bona? Etlang ka gare ga seširo. Le a bona? Etlang ka gare ga seširo. Yena, Kriste, ke Lentšu.

²⁴⁰ “Bjang? Ga ke dumele ka go phodišo ye Kgethwa. Ga ke dumele ka go mehlolo ye le dilo tša go swana le Tšeo.”

²⁴¹ Go lokile, le a bona, lena ga le—lena ga le ka gare, bokagare ga seširo. Ga le tsebe selo ka Lona. Le a bona? Kriste ke Lentšu! Gomme ge re le ka go Lentšu, re ka go Kriste. Gomme nka kgona bjang go ba ka go Kriste, ke gana Kriste? E bile Yena yo a rilego, “Ga go lentšu le letee le tlogo go oketšwa go lona goba la tlošwa.” O ka kgona bjang go ntšha go tloga le go oketša gona, gona? Le a bona, se go laetša gore ke seširo sefe se nago le wena o širilwe go tloga. Le a bona?

²⁴² Rena ka go Yena! Ka gona rena, re lego ka go Yena, re sa širilwe go bo ramadumedi le diporofesa tša lefase. Le a bona, Letago la rena leo re nago nalo le go ipshina, re sa širilwe go bona bakantle. Ba nagana gore re a “gafa, nnate,” gape. Le a bona? Le a bona? Yeo ke therešo. Eupša rena re lego ka mo, ka go Kriste, re kolobeleditšwe ka go Yena, (Bakorontho ba Pele 12), ka go Yena, re batšeakarolo ba Letago le. Le a bona? Eupša e sego ka ntle; le sa lebeletše ka gare, le Le gana. Le a bona?

²⁴³ Ka fao bjale re laleletšwa ka go Yena, go ba batšeakarolo ba ka moka Yena a lego sona. Re laleletšwa ka go Yena, a utilwego go basedumele, ka lešira la nama ya motho. Le a bona? Ba tseba

Letago leo, ba badile ka Lona, le ka go Lentšu mo, “Letago la Modimo” le dilo tša go swana le tšeo, e no ba lentšu go bona. Go rena, ke ponagalo! Le a bona? Ga e sa le lentšu gape; ke nnete! Amene!

244 Modimo o rile, “A go be le seetša,” leo e be e le lentšu. Eupša bjale fao go seetša. Ga se lentšu; ke seetša. Le bona se ke se rago?

245 Bjale ga e no ba Lentšu le le ngwadilwego go rena, ke nnete. Re ka go Yena. Bjale re a ipshina. Bjale re a Mmona. Bjale re a Mmona, Lentšu, le bonagatša Boyena. Le utilwe, ntle kua, ka gore (ka baka la eng?) Le širilwe ka nameng ya motho. Le a bona?

246 Oo, ba re, “Sehlopha sela sa batho, ba ile sekolong kae? Ke—ke thuto mang ba nago le yona? Kae, eng—eng mo ba tšwago? Ke eng—ke eng—ke eng sehlopha se ba lego ba sona?” Le a bona? Huh! Le a bona, ga ba Le hwetše.

247 Monna o rile go monna yo mongwe, letšatši le lengwe, o rile, “O swanetše go ba wa kereke ya leina go ba Mokriste.”

248 Yena o rile, “Ke nna Mokriste; ga se nna wa ye e itšego ya tšona.” Uh-huh. O rile, “Modimo o ntšhitše kankere ye go tšwa go nna,” rile, “bjale o nagana eng ka seo?” E be e le ngaka. Yena o rile, “Ntaetše dikereke tša maina di se dirago.” Le a bona? Ka moka gabotse. Le a bona? Le sa širilwe.

249 Re ka gare ga Kriste. Bjale, go swana le nako yeo, ka moka badumedi ba therešo ba a Mmona, Lentšu la tshepišo la letšatši le, le bonagatšwa phatlalatša. Leo ke lentšu le legolo ge o ka kgona go le hwetša. Le a bona? Le a bona? Ka moka badumedi ba therešo, ba ba lego ka go Lentšu, ba bona Modimo phatlalatša. Seširo se kgeitšwe, gomme Modimo o eme phatlalatša pele ga lena, o bonagadišwe. Le a bona? Modimo, o bonagadišwe, o bulegile.

250 Gore o dire se, seširo sa setšo sa kereke ya leina ya rena ya kgale se swanetše go kgeilwa gape. Gore le ka nnete le kgone go bona se Le lego, le swanetše go tšwela ka ntle ga selo seo. Le a bona? Le ka se tsoge la e dira; ba tla fela ba goga seširo sela pele ga lena, nako le nako, “Oo, ga go selo go Leo.” Eupša Lona šele le ngwadilwe, gomme šele Le dirwa go bonagala, le a bona. Le a bona?

251 Bjale, go ka reng ge moisa a gana go bona letšatši, a re, “Oo, fao, ke a tseba Modimo o rile, ‘A go be le seetša,’ eupša ga go selo se se bjalo. Ke ya ka lebatong la ka fase. Ke—ke no gana go se bona”? Mothaka o a gafa. Fao go se sengwe se fošagetše ka yena.

252 Fao go se sengwe se fošagetše ka monna goba mosadi, o kgona go bona tshepišo ya Modimo gomme, o E bona e bonagatšwa, gomme ka gona o gana go E dumela ka gore kereke ya leina e gogela seširo fase. Le a bona, o širilwe!

253 Gore o dire se, seširo sa setšo sa kereke ya leina ya rena se swanetše go robja, ke Moya wa Mollo wa Modimo le Tšhoša, e lego Lentšu la Gagwe. Ka mehla Lentšu la Gagwe ke Tšhoša ya Gagwe. Le a bona? Gomme Yena o tšere Tšhoša ya Gagwe letšatši leo, ya go tlala Mollo, gomme a ripa seširo sela go tloga godimo go ya fase. Yena o dira selo sa go swana ka Tšhoša ya go swana lehono! E sego “thutotumelo ya ka, puku ya ka ya dithutotumelo, ya ka—ya ka katikasema.” Eupša Tšhoša ya Morena, le a bona, e ripela seširo fase, gomme le bona Modimo a eme ka ponagalong ya pepeneneng, a bonagatšwa ka Lentšung la Gagwe. A ponagalo ya letago go e lebelela! Le a bona? Ka moka gabotse. Moya wo Mokgethwa wa Modimo le Mollo, Tšhoša ya Gagwe, e se repile. Lentšu le ripa seširo sa kereke ya leina.

254 Go lokile, ge o nno re, “Lentšu,” gomme Lentšu ga le šome? Ke botse bofe Tšhoša e tla bago bjona mo, gomme wa re, “Yona ga e kgone go ripa”? Wa re, “Uh,” gomme e ka se ripe?

255 Eupša ge o bea Tšhoša yela ya Modimo kua gomme wa e bogela e ripa, o—o swerwe ke seatla se se beilwego se rometšwe go dira bjalo. Le a bona, se ripa go e bula, gomme šole Yena. Fao e laetša Modimo ponagalong ya pepeneneng, Jehofa yo mogolo. Le ke Lentšu la Gagwe le dirwa go bonagala, karolo ye e tshepišitšwego go letšatši. A le a Le hwetša? Le a bona? Ge Tšhoša, tshepišo ya letšatši, ka go letšatši le, ye e swanetšego go ba, gomme Modimo o tšea Tšhoša ya Gagwe gomme a ripela fase seširo sa kereke ya leina gomme a se gogele morago, gomme a bonagatša Boyena le go laetša gore Yena o fao, e sa le Pilara yela ya Mollo e swanago. Elang hloko, leo ke Lentšu le dirwa go bonagala la ditshepišo tša lehono.

256 Re Le bona bjalo ka Petro a dirile ge a rile, “Morena, re tla ya go mang, ka morago ga go bona Le?” Re tla ya kae? Ke kereke efe re ka kgonago go e tšoen, ge re tswetšwe ka go e Tee? Le a bona? Ke eng le ka kgonago . . . Ke kereke efe ya leina o ka kgonago go e tšoen ka morago ga go tseba Ditherešo tše, le a bona, ge ba (yo mongwe le yo mongwe yo motee) le Le gana? Yo mongwe le yo mongwe yo motee wa bona! Ga ke na le yo motee yo a ka bolelago goba a dira selo sa Lona. Thwi. Yeo ke therešo.

257 Ke thomile go tloga ka maeto a fase mo, fao dikereke tše masomennepedi ka lefelong le tee e bilego bathekgi ka tšhelete; ge ke fihla kua, ke hlokile le yo motee. Yo mongwe le yo mongwe yo motee wa bona a re, “Yena o dumela go tšhireletšo ya ka Gosafelego.” Seo se ntšheditše ba semolao ka ntle. Yo motee o rile, “Yena o kolobetša ka go Leina la Jesu.” Seo se ntšheditše bohle ba bona ka ntle, le a bona. Ka fao, yo motee wa bona o rile, “Yena o dumela ka go peu ya sephente. Sephente ga e na le peu!” Seo se ntšheditše . . .

258 Beibele e rile, “Ke tla bea bonaba gare ga Peu ya gagwe le peu ya sephente.” Le a bona? Le bona kua?

259 Ke, se—se seširo, se phagamišitšwe go tloga go Lentšu. Le a bona? Ye ke therešo. Le utolotšwe go masea. Se—se phagamišitšwe. Ba a Le bona. Gomme go tla ba, bjalo ka se ge gatee go boletšwe. . . Yeo ke therešo. Ka gona e tla ba, bjalo ka ge gatee go boletšwe, “Ge o bona,” ge seširo se se tšerwe go tloga go Lentšu, setšo se tšerwe go tlošwa go Lentšu, bjalo ka ge Jesu gatee a rile, “Ge le bona Nna, le bona Tate.” Le a bona? Modimo le Lentšu la Gagwe ke batee. Bjale le a kwešiša? Ge Lentšu le bonagatšwa, Lona ke eng? Le a bona?

260 Jesu o rile, “Puruputšang Mangwalo, le nagana gore le na le Bos- . . . Le dumetše ka go Modimo, dumelang gape le go Nna. Ge Ke sa dire mešomo ya Tate wa Ka, gona le se ke la Ntumela. Eupša ge Ke dira mešomo, Nna le Tate wa Ka re Batee. Ge le bona Nna, le bone Tate.”

261 Gomme ge le bona Lentšu le dirwa go bonagala, le bona Tate, Modimo, ka gore Lentšu le ka go Tate. Lentšu ke Modimo. Gomme Lentšu, le dirwa go bonagala, ke Modimo ka Boyena a tšea Lentšu la Gagwe Mong gomme a Le bonagatša magareng ga badumedi. Ga go selo se kgonago go Le dira le phele eupša badumedi, feela badumedi. Lona ga le . . . Lona le ka se . . .

262 O ka kgona go tšea korong gomme wa e bjala ka go wa—ka go wa—ka go wa go fapana mohuta wa mobu, e ka se tsoge ya mela. Eupša, eng, e swanetše go ba le monontšha wo o itšego ka mobung go godiša korong. Gomme ge fao go se—ge fao . . . ge monontšha ka mobung e se—e se, korong e se ya nontšhetšwa go monontšha, e ka se tsoge ya mela. Ka fao ga go kgathale mo Lentšu le welago, ge Le sa wele ka go mohuta wa go loka wa pelo . . .

263 Jesu o boletše bjalo. “Tše dingwe di wetše thoko ga tsela, godimo ga mobu wa lekgwara, gomme dinonyana tša moyeng tša tla gomme tša di ja.” Gomme ka gona Yena o rile, “Tše dingwe di wetše ka meetlweng le ditshehlong, yeo e goletše godimo gomme ya di kgama ntle thwi go tloga,” ditšo, dikereke tša maina, dithokomelo tša lefase di Le kgamile. Eupša o rile, “Tše dingwe di ile godimo ka go mobu wo mobotse gomme tša tliša pele makgolo a go menagana,” o rile, “woo ke Mmušo wa Modimo.”

Seo ke selo sa go swana, le a bona, ba bangwe ba ka se dumele le gatee.

264 Ba bangwe ba tla dumela lebakana, go swana le barutiwa. Ba Mo latetše, bontši bja bona, masomešupa a Mo latetše mengwaga, go hwetša ntle; e ka ba ngwaga le seripa, goba mengwaga ye mebedi; feela go hwetša ntle, go fihla ba hwetša selo ka go Yena, ba bangwe . . . go swana tsela ye nngwe Yena a bilego le maatla a mangwe go dira dilo tše, goba go swana le borofa bja mmutla, ramaletlana wa mohuta, se Yena a bego a kgona go se dira go go tšweletša dilo tše, ka fao Yena a bego

a kgona go tseba se se bego se le ka pelong ya batho le se ba bego ba se nagana. Gomme mafelelong ba hwetša ntle gore Yena o boletše gore Yena “o tlike fase go tšwa Legodimong,” Yena “e be e le Lentšu ka Boyena.” Gomme ge ba dirile seo, seo e bile se sentši kudu go bona. Ba rile, “Ga go motho a ka kgonago go kwešiša Se.” Gomme ba sepetše go tloga go tšwa go Yena. Bao ke ba ba wetšego magareng ga meetlwa.

²⁶⁵ E tliša morago go selo sa go swana, ka go phuthego ye nngwe le ye nngwe, o na le badumedi ba go itiriša, basedumele, le badumedi. Go bile bjalo ka go phuthego ye nngwe le ye nngwe. O ba hwetša nako ka moka. Ba bangwe ba bona ba dira mo o ka rego ba a dumela, woo ke mohuta wo mobemobe. Gomme ka gona ba na le bao gabotse e lego basedumele; a ka se go tshwenye, o tla no sepela go tloga gomme a šišinya hlogo ya gagwe. Eupša bao ba itirišago go dumela, ba re ke bona badumedi, wo ke mohuta, woo ke mohuta wo o swanetšego go o hlokomela, ke badumedi bao ba go itiriša. Gomme ka gona fao go na le badumedi ba mmapaale. Le bona bona ba bararo fao?

²⁶⁶ Fao go bile basedumele. Ka pela ge Yena a rile, “Ejang Nama ya Morwa wa motho,” oo, monna, yeo e bile yona!

²⁶⁷ Ba bangwe e bile badumedi ba go itiriša. Ba dutše go fihla, go no swana le ka mo Judase a dirilego, thwi godimo mafelelong.

²⁶⁸ Eupša ka gona badumedi ba nnete, ga se ba kgone go Le hlatholla, eupša ba Le dumetše, go le bjalo. Ba ile pele go kgabola.

²⁶⁹ Seširo, setšo sa basedumele, se tlošitšwe, o bona Modimo. Ge seširo sa ditšo se tlošitšwe, o kgona go bona gore Modimo e sa le Modimo wa Lentšu la Gagwe. Yena o sa boloka Lentšu la Gagwe. Yena ke—Yena ke Modimo, Mongwadi wa Lentšu la Gagwe.

Yo a utilwego ka morago ga diširo tša letlalo, go ba bangwe. Ee, yeo ke therešo. Go bao ba sa kgonego go ya ka morago ga seširo, Yena o sa le ka morago ga diširo tša letlalo.

²⁷⁰ Elang hloko. Gona, rena, gona re ba karolo ya Gagwe, bjalo ka ge o le seširo se se Mo širilego. O karolo ya Gagwe, ge feela Kriste a le ka go wena, bjalo ka ge Kriste e be e le Modimo. Ka gore Modimo o be a le ka go Yena, go Mo dira Modimo. Gomme bjalo ka ge Kriste a le ka go wena, kholofelo ya Letago, o ba karolo ya Kriste. “Yo a dumelago go Nna, mediro ye ke E dirago o tla e dira le yena.” Le a bona? O ba karolo ya Kriste ge feela Kriste a utilwe ka go wena. Ka gona le utilwe go mosedumele, eupša o a tseba gore Yena o ka go wena. Wena o beile Kriste ka tempeleng e lego ka morago ga seširo, letlalo. Ka gona rena, ka gor- . . . Ka morago, ka baka la seširo se, seširo gape ka go nama ya motho, e uta Modimo (Lentšu) go mosedumele.

²⁷¹ Bjalo ka ge go ngwadile, le a bona, “Go ngwadilwe, le diepistola tše di ngwadilwego,” Beibele e boletše. Bjale, *epistola* ke eng? Ke “lentšu le le ngwadilwego.” Gomme le “ngwadilwe.”

Ka mantšu a mangwe, le tla Le bala ka mokgwa wo, “Lena,” E rile, “le diepistola tše di ngwadilwego,” goba, “lena le Lentšu, le le ngwadilwego, le dirwa go bonagala,” ga go selo se ka kgonago go oketšwa go Lona. O ka se kgone gore, “Ke nna epistola ye e ngwadilwego,” gomme o phela mohuta wo mongwe wa se sengwe eupša se Ye e šetšego e se ngwadile, [Ngwanešu Branham o phaphatha Beibele ya gagwe—Mor.] ka gore ga go selo se ka kgonago go oketšwa goba go tlošwa.

²⁷² Bjalo ka ge Ngaka Lee Vayle a ngwala puku ye ya go tsebagala, ke nyaka gore le e bone ka morago ga lebaka. Ngwanešu Vayle o mo, o ka mabaleng felotsoko. Ke mmone ka ntle. Ga ke nagane gore a ka kgonaga go tsena ka gare. Eupša o ngwala puku kua, gomme—gomme e makatša kudu, ka Lebaka la Laodikia. Gomme ke nyaka lena . . . E tla be e tšwele go dikgatišo gabotse ka pela. Ka fao, re tšea palo ya mafelelo ya yona bjale. Gomme re be re ngwala, gomme re be re E boledišane ka kua, le a bona, ka . . .

²⁷³ Yo mongwe le yo mongwe ka mehla o tlile go nna, a re, “Ngwanešu Branham, yona medumo ye šupa yeo lentšu le e dumišitšego, gomme Yena o rile, ‘O se E ngwale, le a bona, eupša E tswalele godimo,’” o rile, “yeo e tla ba medumo ye šupa ye e tlogo go utollwa ka matšatšing a mafelelo, le a bona, medumo ye šupa e tlogo go re botša?” Bjale, a seo ga se kwagale nnete gabotse? Le a bona? Eupša hlokomela se o bolelago ka sona ge o bolela seo.

Yena o rile, “Bona gore ga o E ngwale.” Le a bona? Medumo ye e šupago ye e boletše mantšu a yona, le a bona, gomme Yena o rile, “O se ke wa ngwala seo, le a bona, eupša E swanetše go tswalelwa godimo ka Pukung go fihla matšatši a mafelelo.”

²⁷⁴ Bjale yo mongwe o be a, ba bantši ba be ba re go nna, gomme baithutamodimo ba rile, “Ngwanešu Branham, ge Morena Modimo . . .” Ba rile, “Ge—ge . . . Ka boitemogelo bja gago, bjo Morena a go fetšego bjona batho ba Gagwe,” ka boikokobetšo a bolela se, o rile, “o be o tla ba le go swanela go ngwala be—be Beibele ka bowena, Lentšu la gago, ge Modimo a bonagaditše.”

²⁷⁵ Ke rile “Yeo e be e ka ba therešo.” Le a bona, o be a leka go ntshwara. Le a bona? Ke rile, “Eupša, o a bona, ke be nka se kgone go dira seo.”

Yena o rile, “Ke baka la eng o be o ka se kgone? O na le ka moka maswanedi.”

²⁷⁶ Ke rile, “Eupša, o lebelele, lentšu letee le ka se kgone go oketšwa goba la tlošwa.” Le a bona?

²⁷⁷ Gomme o rile, “Go lokile, gona, yona medumo ye šupa, o a bona,” a re, “a yona medumo ye šupa e thunyeditšego ntle, a e be e ka se be Kutollo go fiwa monna?”

278 Ke rile, “Aowa, mohlomphegi, e tla be e le go oketša se sengwe go Yona goba go tloša se sengwe go Yona.”

279 E utolotšwe ka moka ka Kua, gomme Mahuto a Šupa a butše godimo kutollo ya gore Seo e be e le eng. Seo ke se e bego e le sona. Le a bona, se sa le ka Lentšung. Le a bona, o ka se kgone go tšwela ka ntle ga Lentšu leo. E ka se tlogele Lentšu. Gomme Moya wa Modimo o ka se tsoge wa tlogela Lentšu leo. O tla dula thwi le Lentšu; o foufatša ba bangwe, gomme o bula mahlo a ba bangwe. Wona ka mehla o tla dira seo.

280 “Lena le diepistola tše di ngwadilwego, di balwa ke ka moka banna.” Goba, le . . . Ke hlatholla Yeo, go retolla go dikologa ka tsela ye, le a bona, e no E retolla go dikologa, “Lena le diepistola tše di ngwadilwego,” ka gore ga le kgone go oketša selo go Lona, “tše di balwago ke ka moka banna; Lentšu le le bonagaditšwego la Modimo,” ka mantšu a mangwe.

Gomme Petro le Johane, go e laetša, ge ba ile godimo kua, ba bone gore ba be ba hloka tsebo le go se rutege, ba be ba se na le thuto, eupša ba etše hloko gore ba be ba na le Jesu. Le a bona? Ba be ba se na le tsebo le go se rutege, eupša ba be ba le diepistola tše di ngwadilwego, le a bona, ba balwa gore ba be ba na le Jesu. Ka gore, Jesu o be a bonagatša Boyena ka bona, Kriste a širilwe ka nameng ya bona; a bonagatšwa, a dirwa go phela.

281 Go swana le ge a be a le ka go Moshe. Ge Lentšu le be le le ka go Moshe, o be le Modimo nameng. Ge le be Le le ka go Jesu, E be e le Modimo ka nameng. Le a bona? Selo se nnoši Yena a se dirilego e be e le go fetola maseke wa Gagwe, e sego Lentšu la Gagwe, e sego Tlhago ya Gagwe. Yena o a swana maabane, le hono, le go ya go ile. Yena o fetotše feela le bopo la Gagwe. Yena o fetogile go tloga go Noage go ya go Moshe; Yena o fetogile go tloga go Moshe go ya go Dafida; go tloga go Dafida, Josefa; go ya pele go theoga go fihla ge Yena a etla ka go botlalo bja Bodimo mmeleng. Le a bona?

282 E sa le Modimo wa go swana! Amene. Amene. Ke a holofela seo se tsena go kgabola. Le a bona? Ke Modimo wa go swana, eupša Yena o no tšea seširo se sengwe. Le a bona, Yena o apara seširo se sengwe.

283 Yena o e dirile ka go batsošoloji, a apara seširo, a apara seširo. Go fihla, mafelelong, Le etla fase go kgabola lebaka la Lutheran, fase go kgabola lebaka le lengwe, ka gona mafelelong Le tla ntle ka go Feleleng. Feela pele Le etla, moporofeta o tsoga gape. Se e se dirago, se apeša Lentšu ka morithi, go laetša morago mo, go utolla se se dirilwego, se se bego se tlogetšwe, seo Kereke e tla bago ntle le sona. . . e sego ntle le kwešišo. Ka gona ge le le timelela ntle, nako yeo, go swana le Johane o rile, “Ke swanetše ke kokobebe, Yena o swanetše go phagama,” ka gona ka moka go ka moka go tla ka go Yena. Yena o bonagatšwa ke botlalo, ka Luther, Wesley, le lebaka la Pentecostal, le go ya fase, le go ya

fase, Yena o bonagaditšwe ka botlalo, le a bona, a tla fase, feela ponagalo, Modimo a tatologa: Bonang Yena (Bjale, elang hloko.) o phethagaditše ka gare ditshepišo tša Gagwe tša letšatši *le*, bjalo ka ge *di* bile.

²⁸⁴ Bjale Moshe e be e le Lentšu letšatši leo, ka gore Lentšu le be le filwe go yena la letšatši leo; Moshe. Josefa e be e le Lentšu ka go matšatši a gagwe, a swantšha Kriste tlwa. Le a bona, yo mongwe le yo mongwe yo motee wa bona e be e le Lentšu.

²⁸⁵ Gomme ge Jesu a tlile, Yena e be e le Lentšu ka botlalo bja Lona, ka gore polane yohle ya topollo e be e letše ka go Yena. Polane yohle ya topollo e be e se ya robala ka go Moshe, e be e se ya robala ka go Josefa, e be e se ya robala ka go Eliya. Le a bona, ba be ba le feela karolo ya Lentšu, ba šupa go Lona. Le a bona? Bjale elang hloko, boloka kgopolo ya gago; šele Le etla, bjalo ka ge ke boletše. Le a bona, polane yohle e be e se ka go bona. Ba be ba šupa go Lona.

²⁸⁶ Ka fao, ka morago ga Gagwe, Botlalo, re ka se kgone go šupa go se sengwe gape. Le šupa morago go Yena, Lentšu. [Ngwanešu Branham o topela Beibele ya gagwe godimo—Mor.] Ye ke Kutollo ya go felela; ga go selo se ka kgonago go oketšwa goba go tšewa go tloša go Lona. *Fao* go Kutollo ya go felela. Ka moka seo, morithi wa Gagwe go tla; eupša ge Yena a etla, Yena o be a Phethagetše. Bahebere 1, “Modimo dinakong tša kgale o boletše le botate ka baporofeta,” Modimo o boletše ka diširo, baporofeta, “eupša ka a matšatšing a mafelelo ka Morwa wa Gagwe, Jesu Kriste.” *Fao* ke lena. O apotšwe ntle kua godimo ga Khalibari, Morwa wa Modimo, o apotšwe.

²⁸⁷ Elang hloko, “go dirwa go phela.” Gomme, lehono, ge Lentšu le bonagatšwa ka go dibjana tša batho, diširo, ke ka go felela Lentšu le phethagatšwa ka letšatšing leo, le le tlogo morago go Modimo. Go kolobeletšwa ka go Yena, go ya ka Bakorinthe ba Pele 12, re tla go tsebatšwa le Yena. Amene.

²⁸⁸ Ke boletše seripa sa iri, eupša a nka kgona go ba feela boteletšana ga nnyane ga nthathana? [Phuthego e re, “Amene.”—Mor.] Le a bona? Lebelelang, nka se no kgona go foša se thwi mo. Elang hloko, go tsebagatšwa le Yena!

²⁸⁹ Bjale elang hloko. Ke ba bakae badudi ba Amerika ba lego mo? Emišetšang diatla tša lena godimo. Ka moka gabotse, o modudi wa Amerika, ka gona o tsebagatšwa le setšhaba se. Eng kapa eng setšhaba se se lego sona, o swanetše go ba sona. A yeo ke therešo? O ka moka letago la gagwe gomme o ka moka dihlong tša gagwe. O tsebagatšwa le yena. O Moamerika, ka fao o tšeela pele Amerika. Haleluya!

²⁹⁰ Ke be ke na le George Washington ge a be a kgabaganya Delaware. Ke tsebagatšwa le yena. Yeo ke therešo. Ke be ke na le Abraham Lincoln ka go Gettysburg Address. Ke be ke eme kua. Ke be ke na le mašole ka Guam, lena bašemane, ge le be le

phagamiša folaga yela. Ke be ke le fao. Ke nna Moamerika; ke itsebagatša le yona. Amene. Bjale, go ba Moamerika, eng kapa eng hlong ya yona e lego nna ka go Phetogo, ke a e rwala, ka gore ke nna Moamerika. Yeo ke therešo.

²⁹¹ Gomme bjalo ka Mokriste, ke itsebagatša le Yena. Amene! Ke be ke na le Noage ge a be a tsena ka arekeng. Ke be ke na le Moshe ge a tšwela ka ntle ga Egepete. Amene! Ke be ke le Eliya Thabeng ya Karamela. Ee, mohlomphegi! Letago go Modimo! Ke be ke na le yena ge a be a dira seo. Ke be ka therešo ke na le Yena, ke itsebagaditše ka bonna ka lehung la Gagwe godimo ga Khalibari ge ke be ke ehwa go dilo tša lefase, go bonna le ditšo ka moka. Ke itsebagaditše le Yena. Ke itsebagaditše le Yena ka mosong wa Paseka ge Yena a be a tsoga go tšwa bahung. Ke itsebagaditše le Yena ka Letšatši la Pentecost, ge Moya wo Mokgethwa o tlile fase bjalo ka phefo ye maatla ya go kitima. Ke tsebagaditšwe le Yena. Ka moka tše Yena a bego a le tšona ke nna tšona, ka moka tše ke lego tšona Yena o be a le tšona; amene, ka go hwa ka go Yena re tsebagatšwa le Yena. Se Yena a lego sona ke nna sona. Amene!

²⁹² Se setšhaba se se lego sona ke sona. Ke ikgantšha go ba seo. Ke loketše go rwala hlong ya gagwe. Ke loketše go rwala kgobogo go ba Moamerika. Yeo ke therešo. Gomme ke seo gabedi go Jesu Kriste! Ka moka se Yena a kilego a ba sona ke nna sona. Ke rata go tsebagatšwa le Yena.

²⁹³ Bona baapostola, ge ba etla morago, ba gopotše . . . ba be ba dirile go segiša ka, gomme ba be ba bitša se sengwe le se sengwe gape, ba be ba gopola gore e be e le tlhompho ye kgolo go rwala kgobogo ya Leina la Gagwe.

²⁹⁴ Ke thabile lehono go ba yo motee wa bona, go tsebagatšwa le Lentšu, e lego Kriste. Go tsebagatšwa le Yena! Go kolobeletšwa ka go Yena, re a tsebagatšwa; go tsebagatšwa ka seswantšho sa Gagwe, go tsebagatšwa le Lentšu la Gagwe, e lego Yena. Ge ke le ka go Kriste, ke nna Lentšu la Gagwe; ka gore Yena ke Lentšu, gomme se Yena a lego sona ke nna sona. Amene! A le a Le hwetša? [Phuthego e re, “Amene.”—Mor.] Ka moka go lokile.

²⁹⁵ Lentšu le bonagaditšwe, goba le utolotšwe ka go Kutollo yela ka kua, gona seo se mpea eng? Ge Yena e le Seetšaponagalo sela sa Letago, ke nna karolo ya Sona. Amene! Oo! Amene! Yeo ke therešo. Lentšu ka Bolona le utolotšwe, le ikutolla Bolona.

Naganang! Diphiri tša Modimo di dirilwe go tsebja gore ka letšatšing le, ka Motseta wa Legodimo wa go swana yo a go dirwa go tsebja go bona ka go wona matšatši; elang hloko, ya go swana Pilara ya Mollo yeo ya go roma Moshe; ya go swana Pilara ya Mollo ye e bego e le go Moshe ye ya go ngwala Beibele; ya go swana Pilara ya Mollo ye Paulo a kopanego le yona tseleng ya gagwe go theogela Damaseko.

²⁹⁶ Gomme Paulo o ngwadile Testamente ye Mpsha. Elelwang, Mateo, Mareka, Luka, le Johane, ba ngwadile feela se ba se

bonego; eupša Paulo o bile le Kutollo. Yena o E gogetše ntle, ka gore o kopane le Pilara ya Mollo, ka boyena. Gomme naganang, sa go swana . . .

²⁹⁷ Kua, Josefa, ka moka ba ngwadile se se bego se direga, yo mongwe le yo mongwe o ngwadile morago ka letšatšing leo. Eupša ge Moshe a tlile lefelong la tiragalo, o bile le Kutollo. Yena o kopane le Pilara ya Mollo, gomme E utolotšwe go Moshe ka fao Genesi. Yena o ngwadile dipuku tše nne tša mathomo tša Beibele, Moshe o dirile. A yeo ke therešo? Ka gore o kopane le Modimo ka lebopo la Pilara ya Mollo, a širilwe ka go Pilara ya mollo.

²⁹⁸ Ge Paulo a kopana le Yena tseleng. . . Barutiwa ba nno ngwala se ba Mmonega a se dira, eupša Moshe o bile le Kutollo; o ile tlase ka Egepeta lebaka la mengwaga ye meraro gomme a ithuta, gomme o bone gore Modimo wa Testamente ye Tala e be e le Jesu wa ye Mpsa, Kutollo! “Ga se ka hloka go obamela pono ya Legodimo.” Yeo ke therešo. Therešo!

²⁹⁹ Gomme nagana ka Yona! Pilara ya Mollo ya go swana ye ya go tla godimo ga banna bao ba ngwadilego Beibele, ke ya go swana Pilara ya Mollo mo, lehono, e hlatholla Beibele. Amene! Re Mo leboga bjang ka seo! Go swana! A khomotšo! A boitsebišo! Ke thabile go tsebagatšwa ka go seo, ga ke tsebe gore nka dira eng! Bokaone ke tsebatšwe ka Leo go na le ka moka Baptist, Methodist, Presbyterian, Lutheran, le ka moka bohle ba bona. Go tsebagatšwa ka go Lentšu lela fao Seetsaponagalo sa Letago le Kutollo se robetšego!

³⁰⁰ Pilara ya Mollo e tšweletšego ka go bonagala magareng ga rena, e tsebagatša gore Molaetša o a rereša, go swana le ge Yena a dirile Thabeng ya Sinai. Elelwang, pele molaetša wa therešo o etla pele, Moshe o rerile gomme a ba etella pele go tšwa ka Egepeta; eupša fao, pele melao ya nnete e be e ka alwa fase (Mahuto a tlišitšwe ka gare), Modimo o tlile fase pele ga batho gomme a netefatša gore Moshe o be a romilwe go tšwa o Yena, (yeo ke therešo?) ka go Pilara ya Mollo yeo Moshe a rile o e bone sethokgweng gomme ya bolela le yena.

³⁰¹ Oo, ka mo matšatšing a mafelelo, go bona yela ya go swana Pilara ya Mollo thwi magareng ga rena, e bolela Lentšu le le swanago; e sego feela seo, eupša go Le hlatholla ka go Le dira le bonagale, le go Le netefatša, Ke Therešo.

Ka fao, batho ga ba na tsela e tee go se dumele, ge e se ge ba no nyaka go dira ka boomo. Gomme, ka gona, “Yo a dirago sebe ka boomo morago ga go hwetša tsebo ya Therešo, ga go sa na gape sehlabelo go sebe.”

³⁰² Elang hloko, ya go swana Pilara ya Mollo e rometšwego go Moshe le go Paulo, ye e ngwadilwego Beibele, bjale e rometšwe go E utolla. Mogau wa Modimo, Modimo wa go se fetoge, a phethagatša tshepišo ya Mateo 28, “Bonang, Ke na le lena ka mehla”; a phethagatša Mokgethwa Johane 14:12, “Mediro ye Ke

e dirago, le lena gape”; go phethagatša Mokgethwa Luka 17: 28-29, “Ka matsatšing a mafelelo Morwa wa motho o tla utollwa,” le a bona, le a bona; Maleaki 4, “Bona, Ke romela go lena Eliya moporofeta, yoo o tla bušetša Tumelo ya batho morago go Lentšu la setlogo.” Le a bona? Ka fao se. . . Le a bona? Oo, nna!

³⁰³ Yena o hwile, go utolla Boyena go rena. Bjale a re hweng go borena, go Mo utolla go ba bangwe. A re hweng go ditšo le dilo, go Mo utolla go yo mongwe. Re hwe go dikereke tša maina, go Mo utolla go ba bangwe.

³⁰⁴ Elang hloko, tempele ya kgale e be e na le ka go yona Seetšaponagalo sa Letago, gomme Seetša sa Seetšaponagalo godimo ga Lentšu. Lentšu ke Peu; Le tlišitše pele borotho bja bogona go badumedi feela. Madi le wona a be a le godimo ga kgwerano; gomme Madi ke meetse, meetse ao a phediša thoro, korong, peu, e lego Lentšu.

³⁰⁵ Go swana le Jesu o rile, “Bjalo ka Moshe a phagamišeditše sephente ya mphiri godimo,” gomme ka gona gape Yena o rile, “Modimo o ratile lefase kudu Yena o neetše ka Morwa wa Gagwe a tswetšwego a nnoši; mang le mang a dumelago go Yena a se ke a lahlega.” Moshe o teile letlapa ka lešokeng, go phološa batho ba ba bego ba senyega, goba go tliša meetse. Modimo o teile Jesu, go tliša pele Moya go tšwa go Yena, bakeng sa batho ba ba senyegago. Madi a tšwele go Yena, e lego, “Meetse a a hlatswago ka Lentšu.” E lego, Meetse a tliša Bophelo go Peu. Gomme e tlišitše pele Seetšaponagalo sa Letago; se phadimile godimo ga Lentšu, se tlišitšego pele borotho bja bogona. Gomme borotho bja bogona e be e no ba bja batho ba ba kgethlwego. Uh-huh. Ke therešo? [Phuthego e re, “Amene.”—Mor.]

³⁰⁶ Bjale go phuleletša ka go seširo, go kgabola seširo, go ya ka Bogoneng bja Gagwe, moo Lentšu (e sego thutotumelo), Lentšu; ka kua go bona Seetšaponagalo sa Letago, Seetšaponagalo, Maatla, Moya wo Mokgethwa o phadima godimo ga Lentšu, go tliša pele tshepišo, go laetša gore o ka morago ga seširo. Amene!

Ke kgabagantše diširo tša go kgeiga moo
Letago le sa tsogego la palelwa, (Uh!)
Haleluya, haleluya; ke phela ka Bogoneng bja
Kgoši.

Ke kgabagantše diširo tša go kgeiga moo
Letago le sa tsogego la palelwa,
Ke phela ka Bogoneg bja Kgoši.

³⁰⁷ Letlalo la kgale la kgoogo, dikereke tša maina, di kgeigetše fase. Ke phuleleditše go kgabola seo, go ya ka go Seetšaponagalo sa Letago, gomme ke bona Lentšu. Ke bona Pilara ya Mollo e sepela. Ke bona Lentšu le dirwa go bonala. Se Yena a boletšego gore Yena o tla se dira ka matsatšing a a mafelelo, ke se bona se gola. Ke bona bana ba eja Borotho bjola bja Seetšaponagalo bo tšwago go go butšwa ga Lentšu lela, a Le dumelago. Amene! A iri

ya go makatša re phelago ka go yona! Le a bona, Seetšaponagalo se be se le godimo ga Lentšu; gomme ka fase kua go be go le Borotho. Gomme fao go be go le Madi, a fafaditšwe, ao a fago meetse a Wona. Moya o fa Bophelo go Lentšu. Gomme . . .

Ke ba bakae ba badilego, ba kwelego theipi ka *Tsheko*? Ee. Ba bantši ba lena ba dirile. Le a bona fao, go tšea . . .

Lentšu leo le swanetše go gola. Gore le gole, Le swanetše go ba mohuteng wa go loka wa mobu. Le a bona? Gomme Modimo o dira tshepišo, gomme e itia pelo yeo, e ka se kgone go palelwa.

³⁰⁸ Noage o letile mengwaga ye lekgolo le masomepedi. Abraham o letile mengwaga ye masomepeditlhano, go ngwana. Modimo o boletše bjalo, gomme seo se a e rarolla. Le a bona? Ke eng? Lentšu le be le le fao le nošetšwa ke tumelo, go Le dumela, go tlišitše pele dipoelo. Go tlišitše pele morwa; go tlišitše pele pula; go tlišitše pele meetsefula; go tlišitše pele kgarebe ye e bego e imile.

³⁰⁹ Moporofeta o rile, “Kgarebe e tla ima.” Ntle le go kamaka se mosetsana yo mongwe le yo mongwe a ilego gomme a bea diaparo tša lesea go lokela. Go lokile, Moporofeta yo Jesaya e be e le moporofeta yo a tsebagaditšwego, a hlatsetšwe ke Modimo. Gomme Morena o rile, “Kgarebe e tla ima. Ke ya go ba fa leswao la ka godimo ga tlhago, h leswao le legolo; kgarebe e tla ima.”

³¹⁰ Fao, ka moka batho, bona badumedi, go swana le lena ka moka. Gomme ba kwele moporofeta yola a bolela seo, mosetsana yo mongwe le yo mongwe yo monnyane . . . Monna yo mongwe le yo mongwe o rile, “Yeo e ya go ba morwediake. Ee, mohlomphegi.” Yo mongwe le yo mongwe o ile gomme a reka diputswana le go bona bjale ka nonyana le se sengwe le se sengwe, go lokiša, ka gore ba tsebile o be a eya go ba le lona. Leloko leo le ile la feta, gomme ba ile ba gopola, “Moporofeta yola wa go tsebagatšwa, wa go hlatselwa ke Modimo, o be a ka kgona bjang go bolela eng kapa eng ya go fošagala? Go swanetše go ba bjalo!”

³¹¹ E bile mengwaga ye makgolo seswai moragorago, eupša o tlišitše pele lesea. “Magodimo le lefase di tla feta, eupša Lentšu la Ka le ka se ke la feta.”

³¹² “Gomme go tla tla go phethega ka matšatšing a mafelelo,” go boletše Modimo. Le a bona, rena re mo, se—se Seetša godimo ga Lentšu. Bjalo ka ge seetša sa letšatši se fetola peu go tloga letagong go ya letagong, le rena re tlile—re tla go ba go feta go swana le Yena ge re phela ka Bogoneng bja Gagwe; go swana le Yena, re fetogela go seswantšho sa Gagwe se se šegofetšego ge re sepela le Yena.

³¹³ Hlokomelang se letšatši le se dirago. O bjala peu, go direga eng? Peu yeo e a bola. Ka gare ga peu go bophelo. Bophelo bo tla pele gomme bo tšweletša lehlaka pele. Bjale, leo ga le lebege go swana le ya pele.

Fao ke Luther. E be e le lehlaka. Ka moka gabotse.

Lehlaka le ile pele gomme, selo sa pele le tseba, le tliša pele lenono. Le a bona, yeo e be e le tsošeletšo ye Wesleyan; e be e sa swane le ye nngwe.

Ka gona go latela go tla tsošeletšo ya Pentecostal, le a bona, e tlišitše pele kolobetšo ya Moya wo Mokgethwa. Ka moka gabotse.

Go diregile eng? Re na le mouta godimo ga tsebe. O thoma go lebege go fošagala. Selo *se*, selo *sela*, ga se lebege bjalo ka Lentšu. Ga le swane le lohle la Lona. Ga e swane le Thoro ya setlogo e ilego ka gare.

³¹⁴ Eupša Modimo o sa le fao go dira seo—seo go no swana. Elang hloko, e dira eng? Mafelelong e boela morago go Peu ya setlogo gape. Ge yena a tlile ka lebopo la Martin Luther; ge Yena a tlile ka lebopo la John Wesley; ge Yena a tlile ka lebopo la Pentecostal; Yena o swanetše go utolla Boyena gape go swana le Peu ya go swana e ilego ka gare, Morwa wa motho. Yena o ikutolotše ka Boyena bjalo ka Morwa wa Modimo, go kgabola lebaka la lehlaka le go ya pele, eupša ka go lebaka le la mafelelo Yena o swanetše go utolla Seyena bjalo ka Morwa wa motho gape. Le a e hwetša? [Phuthego e re, “Amene.”—Mor.] Ka moka gabotse, go swana le mathomo, e kgolokegile!

³¹⁵ Gomme lehlaka leo le godiša eng? Le gola nako ka moka. Lehlaka le lennyane lela le a gola, go fihla le sa swane le thoro ya setlogo. Ga se molaetša wa Luther; aowa, go latela go tlile ye—ye mengwe melaetša, Finny, Sankey, Knox, Calvin, pele go theoga, ga go le o tee wa bona. E be e sa le molaetša eupša, se o bego o le sona, ga se ba hwetša Kutollo ya go felela ya Lona ka gore e be e se nako. O ka se kgone go bea tsebe go lebele pele e eba ya nako go tla. Le a bona? Gomme ka gona, mafelelong, fao go tla morago gape Peu ya setlogo yeo e ilego ka mobung.

³¹⁶ Le a bona, Modimo o latela tlhago tlwa. Le a bona, Yena o tswetšwe e le kwana, leo ke lebaka le Yena a tswaletšwego ntle ka legopong. Dikwana ga di tswalelwe ka mepeteng. Le a bona, Yena o *eteletšwe pele* go ya Khalibari. Kwana, dinku di etellwa pele. Yeo ke therešo. Dipudi di di eta pele go ya tlhabong, le tseba seo, ntlo ya tlhabelo. Pudi e di eta pele, eupša di swanetše go etwa pele. Huh! Yeo ke therešo. Ka fao Yena o eteletšwa pele go ya tlhabong, le a bona, ka gore Yena e be e le Kwana.

³¹⁷ Se sengwe le se sengwe se Mo tsebagaditše ka tlhagong. Ke ka baka leo a tswetšego ka Matšhe goba Aporele, e sego ka Disemere; Yena o be a ka se kgone go ba, fao go lehlwa la kgato tše masomepedi godimo kua ka go nako yeo ya ngwaga. E sego modimo wa letšatši, eupša Yena e be e le Morwa wa Modimo. Le a bona? Modimo wa letšatši wa Roma ka la masomepeditlhano la Disemere, ge letšatši le feta mafelo a lona ka kua gomme ba bile le disorokisi tša Roma, gomme ba le bitša letšatši la matswalo a

modimo wa letšatši, gomme ba o dira Morwa wa Modimo. Aowa, aowa. Yena e be e le Morwa wa Modimo. Letšatši la Gagwe la matswalo le bile le yohle tlhago. Tlwa.

Bjale elang hloko gape bjale ge re eya pele, re na le nako ye nnyane e šetšego.

³¹⁸ Gomme go ya go phethega. Ka morago ga ge lehlaka le bopilwe; ka morago ga ge lenono le bopilwe; ka morago ga ge thoro e tlile ka moduleng; ka gona e swanetše go tla phethagalong, morago go thoro ya tlwaelo gape.

Gomme, elerwang, thoro e swanetše go nontšhwa. Le a bona? Ge e sa dire, e ka se phele. Le a bona? Ga go le e tee ya seo se bego se le ka ntle ga yona melaetša se se ka tsogego sa tla Bophelong. Se swanetše go nontšhwa go Wona. Eupša, elerwang, bjo bo swanago Bophelo bo bego bo le ka lehlakeng bo ka thorong. Bo no ipudušetša ka bobjona thwi morago, le a bona. Yena o ikutolotše Seyena, (eng?) Morwa wa motho, thoro ye e ilego ka mobung. Le hwetša Molaetša? [Phuthego e re, “Amene.”—Mor.]

Bagerika ba rile go Yena, “Re nyaka go bona Jesu.”

³¹⁹ Yena o rile, “Ntle le ge thoro ya lebele e wela ka mobung.” Le a bona? Ka moka gabotse.

³²⁰ Bjale Yena o ikutolotše Seyena eng se se latelago? Ka lebopo la go fapana; lehlaka le lenono, le go ya pele, le ka moka matlakala le se sengwe le se sengwe. Yena o ikutolotše Seyena nako yeo, (eng?) Moya wa go swana, eupša ka lebopo la go fapana. Le a bona? Eupša ke eng sa mafelelo sa lebele lela? Le tla morago go thoro ya setlogo. A yeo ke therešo? [Phuthego e re, “Amene.”—Mor.]

³²¹ Gomme bodiredi bja Gagwe bo a tla, go tloga go tšona ditšošološo, morago go Lentšu la setlogo gape. Lentšu le tla go moporofeta. Gomme Yena o e tshepišitše, ka go Maleaki 4, “Gomme go bušetša Tumelo ya batho morago go thoro ya setlogo.” Ye e ilego ka mobung se mo go swana. Thoro e tlile godimo go kgabola mo. E tlile godimo bjalo ka Morwa wa Modimo, bjale E ikutolla ka Boyona mo bjalo ka Morwa wa motho, gomme ka gona bjalo ka Morwa wa Dafida godimo ga Terone. Le a bona, bona Barwa ba bararo, feela tlwa. Oo, nna, gape go swana le ya setlogo!

³²² Bjale go bodiredi bja go phethagala bja Gagwemong; e sego monna yo mongwe, e sego kereke ye nngwe ya leina, bjalo ka ge ba šomile tlase go kgabola lebaka leo kua, le a bona; eupša ka Boyenamong a dirwa go bonagatšwa, o iponagatša ka Boyena go tshepišo, go dira Mokgethwa Luka 17:28, Maleaki 4, le go ya pele, Baheberere 13:8, therešo feela tlwa. Ka nako yeo, e swanetše go ba nako efe? Ge Peu ya bogoši ya Abraham e lebeletše Morwa wa tshepišo. Gomme ka moka diswantšho di swanetše go phethagatšwa. Gomme Modimo ka Boyena o tšweletše ka lebopo la motho, go peu ya tlhago ya Abraham, pele ga tshenyo, gomme

Jesu o rile e tla ba selo sa go swana go Peu ye ya bogoši pele ga ge Morwa wa tshepišo a bowa.

³²³ Elang hloko seširo se se bego se utile Letago. Matlalo a kgale a kgoogo, fao go be go se botse bo ka dungwago go tšwa go lona; le nama ya Gagwe e be e se. Ke ka baka leo batho ba rilego, “Moisa yo monnyane wa kgale wa go kobega godimo go swana le yoo?” Go molaleng mengwaga ye masometharo ka bokgale, gomme yo mosehla, gomme maledu a Gagwe a masehla, o be a se kudu go lebelelwa. Beibele e rile, “Fao ga go botse bjo re ka Mo kganyogago.” Yena o be a sa lebege bjalo ka Kgoši, letlalo la kgale la kgoogo, eupša, oo, seo se bego se le ka gare!

³²⁴ Gomme sehlopha se sennyane sa “bapshikologi bakgethwa” se dutše mmogo ka gare ga moago wa go fiša go swana le wo, ba a ba bitša, ga go botse bjo bo ka dungwago, eupša go na le eng ka gare! Ke na le nnete se širilwe go tloga go dipelo tše ntši, le a bona. Le a bona? Ka moka gabotse.

³²⁵ Bokantle E be e se selo, eupša ka moka go be go le ka gare. Gatee ka gare ga Yona, gona o a E bona. O tsena bjang ka go Yona; go šišinya diatla, go tšoenā? Aowa. Go tswalelwa ka go Yona. Go hwa, go fediša letlalo la gago la kgale la kgoogo, le a bona, bogona bja gago bja kgale, go tsena ka go e tee e mpsha. Le a bona? Tlogela letlalo la gago la kgale la kgoogo.

³²⁶ Seetša sa Seetšaponagalo ga se...Theetšang, badiredi! Badiredi, ke nyaka le theetše Se. Ge gatee o le ka gare. . . Bjale ke ya go tšea se gabonolo ka nnete, gore le be le nnete ya go Se hwetša. Gatee ka gare ga seširo, ka fase ga Seetšaponagalo sa Letago, Seetša sa Seetšaponagalo ga se tšee Lentšu la Modimo gomme sa utolla Jesu go ba “mmolellamahlatse,” aowa, go swana le ka mo dikereke tša maina di dirago lehono, “go bala monagano, mopshikologi mokgethwa, Beletsebubu.” Seetšaponagalo sa Letago ga se Mo utolle seo.

³²⁷ Eupša Seetšaponagalo sa Letago se buduša Peu ye e tshepišeditšwego iri yeo, ya Lentšu, go Mo laetša e sa le Lili ya Moeding. E tliša pele Peu yeo, Lili ya Moeding, Borotheo bja Bophelo, Alpha le Omega, wa go swana maabane, lehono, le go ya go ile. Yena ke kabelo ya badumedi. Seetšaponagalo sa Letago se a utolla, go modumedi, Yena o a swana maabane, lehono, le go ya go ile.

³²⁸ E sego, “Matšatši, Yena o fetile, gomme Yena o hwile gomme ka moka go fedile.” Ka fao mogwera, ge o dumela seo, ge o dumela seo, ga se wa be wa ratha Seetšaponagalo sa Letago. Seetšaponagalo sa Letago se ka mo utolla le neng go batho ba bararo? Le a bona? Seetšaponagalo sa Letago se ka kgona go tsoga sa Mo utolla bjang ka go kolobetšwa, batho, leineng la “Tate, Morwa, le Moya wo Mokgethwa,” ge go se gwa ke gwa ba motho ka Beibeleng a kolobeditšwego ka tsela yeo? Seetšaponagalo sa Letago se ka kgona bjang go Mo nyenyefaletša

go moapostola, ge Yena a swana maabane, lehono, le ka go ya go ile? Le a bona?

³²⁹ Seetšaponagalo sa Letago se a Mmonagatša. Se tliša pele Lentšu la tšhepišo, thwi ntle go wena. Ke ka baka leo Yena o ile a swanela go šira sefahlego sa Moshe, ke gore ka go Yena go be go le Lentšu. Yena o širile Jesu, bjalo ka Monna yo monnyane wa go kokobela, go ba thiba gore ba se bone Jehofa. Gomme Yena o itšhira ka Seyena lehono, ka go dibjana tša letsopa, ka Seetšaponagalo. Bokantle bo lebega bjalo ka sehlopha sa bapshikologi bakgethwa, matlalo a kgale a kgoogo, eupša bokagere o uta Seetšaponagalo sa Letago.

Gomme Se buduša Borotho bja go hloka komelo bjo re ketekago godimo ga bjona, le go otlela go kgabaganya naga, dimaele tše makgolo, le a bona. Ke Dijo tša badumedi. Ke feela tša modumedi. Elelwang, Borotho bja go hloka komelo e be e le feela bja modumedi a nnoši, le a bona, Peu ya Borotho bja ponagalo. Elang hloko. Se dira eng? Seetšaponagalo sa Letago se se, godimo ga Borotho bja go hloka komelo, e be e Bo boloka go tshenyego.

³³⁰ Elelwang, manna a a bego a etšwa Legodimong, a be a dula ka go Seetšaponagalo sa Letago, go tšwa go moloko o motee go ya go wo mongwe. Ka ntle, a be a eba le dinyokanyokiša mesela ka go wona, ka bošego, a be a bola. A yeo ke therešo? [Phuthego e re, “Amene.”—Mor.]

³³¹ Ka ntle ga Seetšaponagalo sa Letago, “Matšatši a mehlolo a fetile. Le a bona, ka moka ke bohlanga.” Eupša ka gare . . .

³³² Lebelelang, ba be ba na le peu ya sonopolomo ka ntle ga sešego ka Egepeta ye e bego e beilwe ka fao ka matšatšing a Josefa, mengwaga ye diketenne, e nyakile, ya go feta. Josefa o di beile ka sešegong. Ba ile ba di bjala. Di ile tša phela. Ka baka la eng? Di be di na le bophelo.

³³³ Seetšaponagalo sa Letago se ke eng lehono? Go phuleletša ka kua ga seširo, go bona gore Modimo ke Mang a emego pele ga lena, go bona gore Modimo ke Mang a emego mo pele ga rena, pi—pi Pilara ya Mollo. Yena o širilwe ka nameng ya motho. Eupša Seetšaponagalo se dira, se dirile eng? Peu ya Borotho bja bogona, Lentšu le re swanetšego go phela ka lona ka go letšatši le, ka ditshepišo tše, Seetšaponagalo sa Letago se buduša Borotho bjola bja bogona, se Bo tliša go phethega, se Bo dira Borotho go modumedi; bjo bo letšego ka matlakaleng a Beibele, ngwaga ka morago ga ngwaga, Lentšu la lebaka le.

³³⁴ Go dikereke tša maina, Ke kotanašitiši. Go dikereke tša maina, ba thitša go Lona. Go theoga go kgabola mengwaga, Luther, Wesley, Martin Luther, le ka moka, Sankey, Finney, John Smith, Knox, ka moka ba thitšitšwe go Lona.

³³⁵ Eupša ke eng se swanetšego go dirwa ka matšatšing a mafelelo? “Go utolla” ke eng? “Go tliša pele!” Maleaki 4 e

swanetše go dira eng? Go bušetša batho morago go tšwa go kotanašitiši yela, go thubela ditšo fase, le go utolla Borotheo le Seetšaponagalo sa Letago. Se bogeleng se buduša le go tšweletša feela tlwa E rilego Se tla se dira, oo, nna, Borotheo bja bogona bja lebaka le. Go kereke ya leina, kotanašitiši, “sehlopha sa mahlanya.” Eupša, rena ba re dumelago!

³³⁶ Eupša bjale bjalo ka ge Kutollo 10 e tshepišitše, “Ka moka diphiri tša Modimo, tše di bego di utilwe ka matlakaleng go theoga go kgabola yona mengwaga, di tla budušwa, tša tlišwa pele ka go lebaka la Molaetša wa morongwa wa bošupa.” A yeo ke therešo? [Phuthego e re, “Amene.”—Mor.]

Yena o boletše eng, ngwaga le dikgwedi tše tshela tša go feta, thwi mengwaga ye mebedi bjale? “Eya ntle Tucson; e ba lebowa la Tucson, mothuthupo wo mogolo,” le se se tlogo go direga, “Mahuto a tla bulwa,” Mahuto a a utollago dilo tše. Di tla morago feela bjalo ka ge Yena a boletše.

Ke eng? E laetša gore E ka se be monna. E itia ka go phethagala, feela tlwa ka go otlologa ka mo e ka kgonago go ba, nako le nako. Ke eng? Ke seatla sa Modimo, le a bona, pele ga rena. Gomme ka gore ke ka sehlopheng se sennyane, se širilwego ka nameng ya motho, se širilwe go lefase la ka ntle. Yena o utilwe go lefase la ka ntle. Yena o ikutolla ka Boyena go masea ao a tlogo go ithuta. Le a bona? Yeo ke therešo.

³³⁷ Se sengwe le se sengwe, le a bona, seswantšho se sengwe le se sengwe ka Beibeleng, seswantšho se sengwe le se sengwe sa Beibele, se dirwa go bonagala thwi mo pele ga rena. Modimo wa go swana, ka Pilareng ya Mollo, ye e ngwadilwego Beibele, bobedi ka go ye Tala le ye Mpsha, e fa thwi e a E bonagatša, e laetša feela tlwa se e bego e le sona, go hlatholla thwi morago, le go e netefaša gore ke tlhathollo.

³³⁸ “Re na le tlhathollo!” Ka gona a re e boneng e direga. Le a bona, ke yona, a re boneng e dirwa go bonagala.

³³⁹ Go bonagala! Jesu o rile, “Ge ke sa dire mešomo ya Tate wa Ka, le se Ntumele.” Le a bona, e swanetše go netefatšwa.

³⁴⁰ Eupša bjale—bjale, e sego go netefatšwa go swana le Jesu, ba beile le—le lešela go dikologa hlogo ya Gagwe gomme ba Mo itia hlogo, ba re, “Ge o le Moporofeta, re botše yo a Go iteilego.” “Gomme ge O le Morwa wa Modimo, fetola a borotheo.” Le a bona, yeo ke diabololo. “Ge o le Morwa wa Modimo, fologa moo sefa- . . .”

³⁴¹ Ke ra, Kutollo ye Yena a bego a swanetše go e dira, se ke se E lego sona. Eupša bjale, bjalo ka ge Kutollo 10 e utolotšwe, diphiri tša Modimo di dirwa go bonagala, go tsebja, bjalo ka Puku ya Mahuto a Šupa e tshepišitše.

Gomme a nke tumelo ya lena ka go Yena Yo e lego Lentšu . . . Ka gore, ka go Kutollo 10 e re . . .

³⁴² Goba, Kutollo 19, ke ra gore. Ke bile nayo e ngwadilwe fase mo, Kutollo 10, go ya go yona; eupša ga se 10, ke 19. Ge Yena a etla, Yena o ya go bitšwa, “Lentšu la Modimo,” a nametše pere ye tšhweu, gomme balatedi ba Legodimo ba tla be ba le ka morago ga Gagwe.

³⁴³ Robang seširo sa thuto sa kereke ya leina! Robang seširo sa setšo sa kereke ya leina! Robang diširo tšeo di Mo utago go tloga go lena! Robang diširo tšeo tša boikgantšho, lena basadi. Ke lena—ke lena barwedi ba Kgoši; dira bjalo ka yona, phelang bjalo ka yona. Robang seširo se sengwe le se sengwe, ga go kgathale se Ph.D. le LL.D. e se boelago. Ge se le kgahlanong le Beibele yela, roba go kgabola seširo!

Ka gore, re kgabagantše seširo sa go kgeiga. Re ka lehlakoreng le lengwe bjale, ka lehlakoreng le lengwe. Gomme le tla bona, ge le ka no dira seo, thubang ditšo tšeo tša kgale le dilo, gomme le tle go Yena, le tla Mmona a eme, Mofenyi yo Maatla, Lentšu la tshepišo la lebaka le, le dirwa go bonagala. Le tla bona Modimo yo Maatla a apolwa, la Mmona thwi magareng ga rena mo, a apolwa, Modimo yo Maatla, a se fenywego ke ditšo.

³⁴⁴ Ba lekile go Mo uta ka morago kua; ba dirile, lebaka la mengwaga, eupša nako ya tshepišo ya batamela kgauswi. Modimo o tsošeditše Moshe godimo nako e tee, gomme o lokolotše bana go tšwa go dilo. Gomme Yena o sa . . . Yena a ka se kgone go fenngwa. “Magodimo le lefase di tla feta, eupša Lentšu la Ka le ka se ke.” Yena o a swana maabane, lehono, le go ya go ile.

³⁴⁵ Ba re, “E ka se kgone go dirwa.” Eupša e dirilwe. Ka gona, ge e dirilwe, ba rile, “Ke ya diabololo.”

³⁴⁶ Eupša seo ga se fetole Lentšu la Modimo, le ga nnyane. Le no šala e le “Modimo,” go modumedi, “Mofenyi yo Maatla; wa go swana maabane, lehono, le go ya go ile,” ka tlhago ya Gagwe, ka Lentšu la Gagwe, Bahebere 13:8.

³⁴⁷ Ke a tswalela, ka go bolela se, ka gore ke metsotso ye metlhano go ya go lesomepedi, go no bolela se. Ke na le e ka ba lesome, lesomepedi go feta matlakala. Ke tla e hwetša nako ye nngwe, mohlomongwe bošego bjo.

³⁴⁸ Elang hloko, elang se hloko. Go be go le fantisi nako e tee, gomme ba ile ba hwetša biolini ya kgale. Le e kwele dinako tše ntši. Biolini ya kgale; gomme morekiši o rile, “Ke neelwa eng ka yona?” Nka no se be le se gabotse, go ya ka moreti. E bile ye mentši, mengwaga ye mentši, eupša e tla monaganong wa ka. Gomme ba ile ba topela godimo biolini ya kgale, e be e sa lebege kudu; e lebege ditšhila, se sengwe le se sengwe. Ga se a ke le bile a hwetša go bea poreisi go yona. Mafelelong, ke a nagana o hweditše go bewa poreisi ya tolara, goba se sengwe go swana le seo.

349 Gomme fao go be go le yo motee a eme fale yo a sego a nagana gore e be e swanetše go rekišwa ka yeo, ka fao a ya gomme a e topela godimo. Yena a e retha ka diatleng tša gagwe, gomme a topela bora godimo gomme a e tlotša, gomme a raloka tšhune. Gomme ge a dirile, yo mongwe le yo mongwe a thoma go lla. Ga se bake ba kwa mmino o mobjalo ka bophelong bja bona.

Ka gona morekiši a re, “Ke fiwa eng?”

350 “Dikete tše pedi!” “Dikete tše tlhano!” “Dikete tše lesome!” Le a bona? E be e le eng? Seatla sa mong se utolotše se se bego se širilwe ka go sedirišwa sa kgale.

351 Go a swana bjale! Puku ya go tšofala, E kgeretlane, E segilwe, tšhumilwe, e dirilwe metlae. Gomme nako e tlile gore ba swanetše go dira fantisi ya kereke ya leina, Khantshele ya Dikereke tša Lefase. Ba e rekiša go swana le ge e se taba ya motho. Fao go fantisi ya kereke ya leina e tlogo.

352 Eupša, elelwang, fao go se sengwe ka Pukung ya kgale se se tshepišitšego gore go be go tla ba se se kgethetšwego pele, seatla se se beilwego se tlogo letšatši letee, se se tlogo go E topela godimo gomme sa dira Lentšu la Puku ye, go kgabola pelo ye e kgethetšwego pele, go mošomo wo Le o diretšwego, go utolla ditshepišo tše di lego ka go Lona. Le ka no lebega, oo, go swana le sehlopha sa kgale sa bapshikologi bakgethwa, goba se sengwe le se sengwe; eupša e no tšea seatla sa Mong, Lentšu godimo ga Yona, go utolla Lentšu leo, gomme le ba go feta mopshikologi mokgethwa. Le be seo go yo mongwe le yo mongwe wa rena, a se nalo, bagwera? Ga se sehlopha sa bohlaya. Go ya le gore bora bo ka seatleng sa Mang.

A re rapeleng.

353 Tate wa rena wa Magodimong, ka tumelo, letšatši le, ke bona Mong wa Puku ya kgale, ye ba e fetotšego le ditšo. Ba E fetotše le dikereke tša maina. Ba lekile go E rekiša. Bjale ba E rekišetša kha—kha Khantshele ya Lefase ya monna, ya dikereke, bokomonisi, bohetene. Fantisi e tšwelapele, Morena.

354 Modimo, gatela pele! Ka nnete, O tla dira. Re romele moporofeta yoo, Morena, yo a topelago bora bjoo godimo, yo a topelago Lentšu le godimo gomme a netefatša gore Jesu Kriste o a swana maabane, lehono, le go ya go ile. Ba bantši, Morena, ba tla rekiša maphelo a bona, ba tla lahla kgole ditšo tša kgale, ba tla roba diširo. Ba a Le nyaka, Morena. Ba tla fa se sengwe le se sengwe, se sengwe le se sengwe, e no ba fa Jesu.

355 Morena, ke a nagana O Le netefaditše go bona bjale. Ba tšwa gohle. Ba šomiša tša boiphedišo tša bona. Ba dira se sengwe le se sengwe, go leka go tla dikopanong, go dira ka moka ba dikgonago, ka gore ba hweditše Phetha yela ya theko ye kgolo. Dilo tše dingwe ke tše nnyane kudu. Ba šegofatše, Tate.

³⁵⁶ Go robetše godimo ga phuluphithi ye, mosong wo, Morena, go robetše disakatuku. Mohlomongwe ba bangwe ba bona ba tla swanelwa ke go tloga lehono, pele ga tirelo ya phodišo bošego bjo. O Modimo wa ka Gosafelego, lebelela fase. Ke a tseba O mo, O širilwe. Gomme ke romela diširo tše nnyane tše, Morena, di bitšwago “disakatuku,” le “dithethwana,” tše nnyane “dietana” tša masea a mannyane. Gomme ke di romela bjalo ka dika tše nnyane tša seširo, gore Lentšu la Gago le rerilwe godimo ga sona mosong wo, gomme, bjalo ka modumedi, ke bea diatla tša ka godimo ga tšona, mmele wa ka, go laetša gore ke a Le dumela. Gomme, ka tumelo, yo mongwe le yo mongwe yo motee ka moagong wo o dira selo sa go swana, Morena. A nke balwetši ba welwe ke maruru.

³⁵⁷ O ka kgona go retha le—le Lentšu go tloga mo, Morena, go swana le rabiolini wa kgale ge a dirile go biolini, le dire bjalo, Morena. Le dire le raloke tšhune ya maleba, bora ka seatleng sa Mong, gona re tla Mmona a eme ka ponagalong ya go tlala.

³⁵⁸ Ka fao batho bao ba swanetšego go be ba gopotše letšatši lela, ge ba be ba sa fe selo, ge ba be ba sa fe selo go biolini ya kgale. Ba be ba sa e nyake. Ba be ba ka se be le yona ka ntlong ya bona. Eupša ge gatee e topetšwe godimo ke yo motee a bego a kgona go tseba, ka gona ba rekišitše se sengwe le se sengwe ba bego ba na le sona, go e hwetša. Ba be ba ngangana le go e lwela. Go be go latile kudu nako yeo.

³⁵⁹ Ka fao go tla ba nako ye nngwe ge Phalafala ya Morena e tla leletšwa ntle, nako e ka se sa ba gona. Bao ba bego ba lebelelwa gomme ba dirwa metlae, ba bego ba eme kua pele ga seširo sa go bulega le go bona Lentšu la Modimo le bonagatšwa (*ba bangwe* ba tla Le goelela, eupša, bjalo ka ge O boletše, “E tla ba llata kudu nako yeo”), ba ile ka Selalelong sa Monyanya; gomme *ba* ile ba tlogelwa ka ntle mo go lego sello, go golola, le ditsikitlano tša meno.

³⁶⁰ Thuša motho yo mongwe le yo mongwe go dumela, mosong wo, Tate; thuba go kgabola seširo se sengwe le se sengwe sa bobapu, seširo se sengwe le se sengwe sa go se dumele, gomme ba bone Mofenyi yo Maatla a apolwa pele ga badumedi. Ka gore, “Bonang, Ke na le lena ka mehla, le go fihla bofelong bja lefase. Lebakana le lennyane gomme lefase le ka se Mpone gape, go le bjalo le tla Mpona.” Iponagatše ka Bowena magareng ga rena, Morena, bjalo ka ge O be o dira. Ka mehla dula ka tsela yeo go fihla ka go bonagala re le pele ga Gago, ge *en morphe* a fetošitšwe gomme O ba Morwa wa motho gape, le Morwa wa Dafida. E fe, Morena, ka la Jesu Kriste Leina.

Ge re sa na le dihlogo tša rena di inamišitšwe, ka moka ka thapelong.

³⁶¹ Ke a makala lehono ge fao go le ba bangwe mo ba ba . . . ka gare goba ka ntle. Fao ga go tsela ya go tliša pitšo ya aletara

godimo mo, ka gore ga go sekgoba. Eupša ke a makala, ka tlhokofalo, a le dumela se go ba Therešo? A le a dumela gore ke letšatšing le re phelago ka go lona, le ka moka tlhakanantswiki ye le lebaka la saentshe go swana le ge go be go le ka matšatšing a Noage, ka matšatšing a Moshe, matšatši a Kriste, gore Modimo, Tate yo mogolo wa rena ka moka ba re tswaletšego ka go Yena, o eme magareng ga rena lehono?

³⁶² Pilara ye ya Mollo e bonagala yeo e netefaditšwego sesaentshe, mengwaga ye mentši ya go feta, ge mošemane yo monnyane, a boletše le nna ntle kua gomme a mpotša gore ke tla phela thwi mo, se se bego se tla direga. Ke le boditše ka yona, gomme ka gona E. . . Letšatši le letsee tlase nokeng, pele bodiredi bo thoma, tsošeletšo ya mathomo, Yena o tšweletše ka mafaufaung, a itsebagatša ka Boyena gomme a fa thomo. Ka moka mengwaga ye ke e utile ka pelong ya ka, ke širile Kriste, Pilara ya Mollo ya go swana e hlatholla Lentšu, bjalo ka ge le tshepišitšwe. Re ka letšatšing la mafelelo, feela go Tla ga Morena. Gomme ge o ikhwetša ka bowena ka ntle ga seširo sela, mo e lego lehu go dula ka ntle, a ka tumelo o ka, mosong wo, wa re, “Ka thušo ya Modimo. Gomme ke thušo ya Gago, Morena, ke nyaka go thuba go kgabola seširo sela. Ke nyaka go tsena ka gare mo O lego gona, go bona Lentšu la go tlala la Modimo?”

³⁶³ O se leke go ba Moshe. O se leke go ba Arone. O se ke. E no ba yo o lego yena, eupša Mokriste.

³⁶⁴ A le ka, ka dihlogo tša lena di inamišitšwe, emišetša diatla tša lena go Modimo, gomme la re, “Morena Modimo, nthuše ka gare ga seširo?” Modimo a go šegofatše. Modimo a go šegofatše. Seo ke, e no lebelela diatla!

³⁶⁵ Ka ntle, elelwang, nka no ba ke sa bone seatla sa gago. Ga go—ga go bohlokwa kudu go nna go se bona, go le bjalo; ke, Modimo. Ke feela, go nna, se no ntira go bona gore pe—pe Peu e wetše felotsoko, gomme, eupša Modimo o bona pelo ya nnete.

³⁶⁶ Ge fao go na le ba bangwe ba ba sego ba emiša diatla tša bona, di nyaka go emišwa bjale, emišang diatla tša lena gomme le gopolwe ka thapelong. Emišang diatla tša lena. Modimo a le šegofatše. Seo ke se sebotse. Modimo a le šegofatše.

³⁶⁷ Tate, re a rapela lehono gore ba, Morena, ba ba sego ba be ba kgabola seširo sela. Be eme ntle kua bjalo ka Israele; ba hlokometše. Ba a dumela, eupša ga se bake ba phuleletša ka go Se le bjale, go bona Seetša se segolo sa Seetšaponagalo, mmogo semoyeng le nameng, le kudu leihlo lela la motšhene la khamera le tšwela pele le tšea seswantšho; feela dibeke tše pedi tša go feta, le se Se swere gape. O ikutolla ka Bowena, Morena, Modimo wa Maatla o apotšwe go modumedi; o sa širilwe go mosedumele, eupša o apotšwe go modumedi.

A nke ba phuleletše go kgabola, lehono, Morena, go bona bothakga bjo bogolo bja Gagwe le Letago. A nke dipelo tša bona

di fetolwe pele le bile re eya morago go kereke ye bošego bjo. A nke ka moka ba tlotšwe ka Moya wa Gago, Bogona bja Gago. A nke Mong a topele godimo tumelo ye ba nago nayo, a e fogohle go kgabaganya Lentšu; a nke tšhune e bowe morago, “Wena o beilwe, pele ga go thewa ga lefase, go dumela Le. Dumela, ngwana wa Ka, gomme o phološwe.”

³⁶⁸ Tate, Modimo, re ba gafela ka diatleng tša Gago bjale, re lemoga gore ga go selo gape se re ka kgonago go se dira. Se ka moka le Wena bjale, Tate. Ke ba neela go Wena. Leineng la Jesu Kriste, Morwa wa Gago. Amene.

Ke a Mo rata, ke . . .
Gobane . . . nthatile pele
Gomme a lefela phološo ya ka
Godimo ga mohlare wa Khalibari.

³⁶⁹ A le a Mo rata? [Phuthego e re, “Amene.”—Mor.]

Semaka, semaka, Jesu ke sona go nna,
Moeletši, Kgoši ya Khutšo, Modimo wa Maatla
ke Yena;

Yena o a mphološa, go mpoloka ka moka go
sebe le hlong,

Semaka ke Molopolodi wa ka, retang Leina la
Gagwe!

Ga tee ke be ke lahlegile, bjale ke hweditšwe,
go lokologa kahlolong,

Jesu o fa tokologo le phološo ya go tlala;

O a mphološa, go mpoloka ka moka go sebe le
hlong,

Semaka ke Molopolodi wa ka, retang Leina la
Gagwe!

Oo, semaka, semaka, Jesu ke sona go nna,
Moeletši, Kgoši ya Khutšo, Modimo wa Maatla
ke Yena;

Oo, o a mphološa, go mpoloka go ka moka sebe
le hlong,

Semaka ke Molopolodi wa ka, retang Leina la
Gagwe!

³⁷⁰ Ke ba bakae ba Mmonago a eme, Mofenyi yo Maatla, Lentšu le le dirilwego nama, a apotšwe pele ga rena; Alpha, Omega; Yo a bego a le Gona, A lego Gona, gomme a Tlago go Tla; Modu le Lehlogedi la Dafida; e be e le Morwa wa motho, Morwa wa Modimo, Morwa wa motho, gomme e tla ba Morwa wa Dafida? A le Le dumela ka pelo ya lena ka moka? [Phuthego e re, “Amene.”—Mor.] O ikapola ka Boyena ka go lebaka le lengwe le lengwe, o tlišwa go modumedi, a itšhirile ka Boyena ka nameng ya motho go tloga go mosedumele. Yena o utilwe ka morago ga seširo. A nke Modimo a thube seširo se sengwe le se sengwe, gomme re Mmone se Yena a lego sona!

Jesu o kgaola tlemo ye nngwe le ye nngwe,
 Jesu o kgaola tlemo ye nngwe le ye nngwe,
 Oo, Jesu o kgaola tlemo ye nngwe le ye nngwe,
 Ge Yena a go lokolla!

Ka thoko ye nngwe ya Jorodane,
 Ka mabaleng a mabose a Edene
 Mo Sehlare sa Bophelo se khukhušago,
 Fao go khutšo ya ka.

Jesu o kgaola . . .

A ga le nyake go kgabaganya Jorodane bjale? A ga se botelele go lekanela ka lešokeng? A re yeng ka mošola ka ditshepišong!

Jesu o kgaola tlemo ye nngwe le ye nngwe,
 Jesu o kgaola tlemo ye nngwe le ye nngwe,
 Oo, ge Yena a go lokolla!

371 A re emišeng seatla sa rena bjale.

Ke tla fela, fela ke Mo tumiša,
 Ke tla fela, fela ke Mo tumiša,
 Ke tla fela, fela ke Mo tumiša,
 Ka gore Yena o a ntokolla!

372 Amene! A yeo ga e le dire le ikwele gabotse? [Phuthego e re, "Amene."—Mor.] Oo, go makatša bjang! Go makatša bjang, a Yena ga a dire, gona? A re šišinyeng diatla yo motee le yo mongwe bjale, re re:

Jesu o kgaola . . . -tlemo ye nngwe le ye nngwe,
 Jesu o kgaola tlemo ye nngwe le ye nngwe,
 Oo, Jesu o kgaola tlemo ye nngwe le ye nngwe,
 (Modimo a go šegofatše, ngwanešu.)
 Oo, gomme Yena o a go lokolla!

Ke tla fela, fela ke Mo tumiša, (Ramaatla Modimo)

Nna . . . ("Go swana maabane, lehono, le go ya go ile," o nno fetola lebopo la Gagwe.) . . . Mo tumiša,

Ke tla fela, fela ke Mo tumiša,
 Ka gore Yena o (tšere ka moka dithutotumelo go tloga go nna) o a . . . (go dumela Lentšu la Gagwe).

373 Oo, a ga le kgone go kwa Biolini ya Mong e goga go kgabaganya, bora go kgabaganya Lentšu le? Yena o a swana maabane, lehono!

Ke tla fela, fela ke Mo tumiša,
 Ke tla fela, fela ke Mo tumiša,
 Ke . . . (Yena, Lentšu!) . . . fela, fela ke Mo tumiša, (Yena o dirile eng?)
 Ka gore Yena o (ka morago ga garetene) ntokolotše!

374 Tumišo a ebe go Modimo! Ke a Mo rata. A ga le Mo rate? [Phuthego e re, “Amene.”—Mor.] A se ga se Legodimo? [“Amene.”] Ke rata dikgopolo tšela tša Lentšu, le a bona, feela Moya wo Mokgethwa ka yela e bose, ya go kokobela tsela. Ke—ke no rata Yeo. Oo, e no nagana!

Ka lehlakoreng le lengwe la Jorodane, (Ke batamela kua bjale)

Ka boseng. . . (go sa hwe) bja Edene, . . . (Ke tla hwetša eng kua?)

Moo Sehlare sa . . . (seo se bego se le ka tšhemong ya Edene) se khukhušago,

Fao go khutšo ya ka.

375 A le nyaka go ya? Yena o kgaola tlemo ye nngwe le ye nngwe.

Jesu o kgaola (setšo se sengwe le se sengwe) tlemo ye nngwe le ye nngwe,

Jesu o kgaola tlemo ye nngwe le ye nngwe (ka moka dikereke tša maina, ka moka dithutotumelo),

. . . kgaola tlemo ye nngwe le ye nngwe,

Gomme Yena o a go lokolla!

376 Tumišo e be go Modimo! Ke no Mo rata. Ga go makatše Jesaya o rile, “Yena ke Moeletši, Kgoši ya Khutšo, Modimo yo Maatla, Tate wa ka Gosafelego, Semaka!”

Semaka, semaka, Jesu go nna,

Moeletši, Kgoši ya Khutšo, Modimo yo Maatla ke Yena;

Oo, o a mphološa, o a mpoloka go ka moka sebe le hlong,

Semaka, molopodi wa ka, tumišang Leina la Gagwe!

377 Oo, nna! Se se šuthiša pelo ya ka. Yena o makatša bjang! Ke a le botša, fao go mafelelo go Le. Lona, ke tliile ka go Le mengwaga ye masometharotharo ya go feta, ke ikwela ka tsela ye. Gomme ge Yena a diega, letšatši le tee ke ya go tswalela mahlo a ka, ke ya ka ntle ka tsela ya go swana. Amene!

Semaka, semaka, Jesu ke go nna,

Yena ke Moeletše, Kgoši ya ka ya Khutšo, Modimo wa Maatla ke Yena;

Yena o a mphološa, Yena o mpoloka go ka moka sebe le hlong,

Semaka, Molopolodi wa ka, tumišang Leina la Gagwe!

378 Nka kgona go dula mo letšatši lohle, ka go Seo. Paulo o rile, “Ge ke opela, ke tla opela ka Moya.” Uh-huh. “Ge ke rera, ke tla rera ka Moya. Ge ke sepela, ke tla sepela ka Moya. Ge ke bolela, ke tla bolela ka Moya.” A se sengwe le se sengwe se dirwe

ka Lentšu le ka Moya. Ee, mohlomphegi. Amene! Ka moka ke Therešo ya Modimo.

³⁷⁹ Ke a Mmona, Modimo wa Maatla, o apotšwe. Ke mmona a gogela morago dithutotumelo, dikereke tša maina; o gogela morago ti—ti tikatiko, mananeo a thuto, le se sengwe le se sengwe; sepelela pele, ema kua. Le nagana gore dithutotumelo di ka kgona go Mo fenya? Le nagana gore dikereke tša maina di ka kgona go Mo fenya? Le nagana gore Khantshele ya Lefase e ka kgona go Mo fenya? Yena o fentše se sengwe le se sengwe, o kgaotše tlemo ye nngwe le ye nngwe, a kgakgamolla go bula hele; a kgeila go tloša setswalelo, a tsena ka sekgethwapgethweng sa mabokgethwa; a ikapola ka Boyena go rena, e le Lentšu, la go swana maabane, le hono, le go ya go ile. Amene. Ke a Mo rata.

³⁸⁰ Bjale, go fihla re kopana ka morago ga sekgalela se, re nyaka go dira selo se tee, ke gore:

Tšea Leina la Jesu le wena,
Ngwana bohloko le madimabe;
Le tla go fa thabo le khomotšo,
Oo, Le tšee gohle mo o yago.

Leina le bohlokwa, O bose bjang!
Kholofelo ya lefase le thabo ya Legodimo;
Leina le bohlokwa . . . (Ya, ke a hweditše, ke
šetše.) . . . O bose bjang!
Kholofelo ya lefase le . . . (...? . . .)

³⁸¹ Ge Sathane a leka go go leka, gore ga se wa lebelela go selo sa maleba, mo šupetše Lentšu go swana le ge Jesu a dirile. Le a bona? Le a bona? Amene!

Leineng la Jesu go inangwa,
Go wa go ikala maotong a Gagwe,
Kgoši ya dikgoši Legodimong re tla Mo rweša
korone,
Ge leeto la rena le fedile.

Leina le bohlokwa, Leina le bohlokwa!
Kholofelo ya lefase le thabo ya Legodimo;
Leina le bohlokwa, O bose bjang!
Kholofelo ya lefase le thabo ya Legodimo.

³⁸² Billy o tla ba ka gare, e ka ba ka iri ya boselela, go fa ntle dikarata tša thapelo go bao ba nyakago go tla ka mothalong wa thapelo. Ke nagana gore bokaonekaone re e dire. Re be re sa ye go e dira, eupša, ka go ba sehlopha, bokaonekaone re e dire, le a bona.

³⁸³ Bjale elelwa Yena! Boloka Yena ka mehla monaganong wa gago, ka pelong ya gago. Kae kapa kae o yago, le a bona, boloka Jesu kgopolong ya gago.

Tšea Leina la Jesu le (bjale theetša) wena,
 Bjalo ka kotse molabeng wo mongwe le wo
 mongwe; (go direga eng?)

Ge meleko go go dikologa e kgobokwa, (o
 swanetše go dira eng?)


E no hema Leina le lekgethwa leo ka
 thapelong.

Leina le bohlokwa, Leina le bohlokwa, O bose
 bjang!

Kholofelo ya lefase le thabo ya Legodimo;

Leina le bohlokwa, O bose bjang!

Kholofelo ya lefase le thabo ya Legodimo.

³⁸⁴ A re inamišeng dihlogo tša rena bjale. Ke ya go kgopela
 modiša ge a ka tla gomme a phatlalatša batheeletši. Ngwanešu
 Neville, Modimo a go šegofatše, Ngwanešu Neville. 

GO APOLWA GA MODIMO NST64-0614M
(The Unveiling Of God)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, June 14, 1964, mo Branham Tabarenekele ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice of God Recordings.

NORTH SOTHO

©2017 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org